

RHETORICORVM
RAIMVNDI
LVLLII
NOVA EVVLGATIO.

*QVA PERSPICVA FACILIAQVE
TRADVNTVR DE OMNIBVS,
Tum Scientiæ, Tum Eloquentiæ
Generalia Principia.*


*Deus Scientiarum Dominus, & ipsi præparantur
cogitationes. 1. Reg. 2.*

Σαφῶς καὶ σοφῶς.



PARISIIS,
Apud PETRVM BILLAINE, viâ Iacobæâ,
sub signo Bonæ-Fidei.

M. DC. XXXVIII.
Cum Privilegio Regis, & Approbatione Doctorum.



AVTORIS PRÆFATIVNCVLA Lectori Philologo.



REIMVNDI LVLLII nomen
& famam, nemo est qui
ignoret. Verum laudemne
mereatur an vituperium,
amore an odio dignus sit,
Authores certant, & adhuc sub iudice lis est.
Certè Scriptorum nullus tantam sæculo-
rum, hominumque invidiam sustinuit.
At enim ex quo nuper vir pietate & doctri-
na nulli secundus, Lullium velut publica
Apotheosi Sacræ suæ Curiae inseruit; pudor
non est illius doctrinam profiteri, cujus re-
liquiæ religiosum cultum in insulis Balea-
ribus promeruerunt.

Is nimirum ante trecentos annos ex il-

P R Æ F A T I V N C V L A

Iustri inter Hispanos familia oriundus, cum vanissimis rebus nuntium remisisset, totum se seuerioris vitæ, pietatis & doctrinæ disciplinis applicuit. Incredibili in Deum amore feruens ardensque zelo martirij, etiam inter tormenta occubuisse memoratur. Pietatis, nouæ Dialecticæ, necnon auri (si credere fas est) per Artem Chemicam fabricandi, volumina conscripsit sanè plurima; vnde passim audijt *magnus in Philosophia Magister, & mirandarum artium ac scientiarum Autor.*

Sunt tamen qui inter hallucinatores & *παραφρονας*, Raimūdu annumerent: illiusque opera mera cōmenta, & nugas plusquam Iberias arbitrentur. Ipse ego olim tralatio errore & aliena fide, veritus non sum criminari innocentem. Sed candido pectore, & ore rotundo loquamur; licet multis ante annis quam Lullius in nostras deueniret manus, speciali methodo, ab hac etiam ni fallor diuersissimâ, Sapientiæ Vniuersalis, necnon perennis Eloquentiæ Sinopsim, pro modulo simus meditati; ingenuè tamen fatendum est, ex Arte Rai-

P R Æ F A T I V N C V L A.

mūdi Parua & Magna, necnon varijs in
vtramque Commentarijs, ad nostra studia
non parum vtilitatis accessisse. Nec semel
vel aures fuerunt vellicandæ, vel morden-
di vngues, priusquam veritas tot ambagi-
bus inuoluta in apertam lucem educe-
retur.

Remne acu tetigerim, æquis Doctiorum
judicijs relinquo. Certè facem in noctis
medio accendere, & lucis nonnihil tot te-
nebris inferre hoc maximè sæculo pre-
tium duxi. Idque animo persuasit meo,
nescio quis ætatis nostræ ad eas Artes pru-
ritus: nonnullorum supinus error, qui fu-
cos & fumos hallucinantur, quoties ob
ingenij cœcitatem admirabiles veritatis
splendores minime conspiciunt: aliorum
error, qui in sola vnius Lullij Schola om-
nes omnino scientias mox emendatè
percipi tam falsò credunt, quam temerè
somniaut, & inaniter pollicentur. His su-
per accessit, frequens de hisce misterijs in-
ter acrioris ingenij viros, & Scientiarum
Pontifices disceptatio: cruces ingeniorum,
aut contemptus in Lullianis difficultati-

P R Æ F A T I V N C V L A.

bus, cum maxima temporis jactura & capitis periculo enucleandis; preces demum vel imperia eorum quibus ut animum, sic calamum ex animo deuoui.

Tentaui superioribus annis, prima & quasi rudiora nouæ hujus Rhetorices lineamenta adumbrare; quæ priuatum fauorem satis propitio Numine experta, à seculo publico multis titulis, meo præsertim Marte abhorrebant. Interim tamen rationibus quamplurimis mihi persuasum est, Lullianam Methodum dubio procul ad omnes Scientias non inutilem: imo quod acriter sustineo, omnium Scientiarum principijs, etiam peripateticis legibus innixam, sic plano & aperto stilo remotis omnibus inuolucris explicare, explicatam facere publici juris; ut deinceps Raimundi Lullij misteria, misteria esse desinant; & nemo sit Philologus, qui mirabili hac Arte siue scribendo, siue legendo foelicissimè non utatur. Vtere mi Lector, & frue re; si tamen alio quam Deo tuo frui potes, & delectari.



TIPOGRAPHVS LECTORI



*Q*UOD tibi offero curiosum opus
(Lector beneuole) ex Auto-
ris calamo, quem alij tituli ve-
nemulti commendant, prece &
curâ non vulgari redemeram.

*Verum illius absentia cum Operarum nostra-
rum consueta & dolenda incuria, plerasque
paginas tot mendis commaculauit, ut mi-
nimè ausus sim eas modo publicare.*

*Quia tamen me dudum pro nouo hoc
Commentario in Artem Lullij, sollicitabant
in Gallia litterati multi, in Anglia, Hol-
landia, Germania & Italia plurimi; interim
dum Autoris aliâs occupatissimi otium suf-
furabor, ut ultimam manum desiderato
operi admoueat; tibi (Lector beneuole)
consultum existimaui, prima hac rudimenta
in lucem præmittere.*

Nam quæ in principio, medio & sine pagina
ob maculas reuulsa desiderantur ; præter de-
catoriam Epistolam, varia Poësis lusus, no-
stroque ævo magnorum Virorum Elogia, &
totius Artis exempla ad præceptorum de-
monstrationem, aliud nihil continebant. In
quo quidem meum consilium à te laudatum
iri confido, qui hoc quaecumque testimo-
nium mei affectus erga publicum rei literariæ
bonum, tibi offerre omnibus vijs quæsiui, &
tandem ut vides, obtinui.



R H E T O R I C O R V M
R A I M V N D I L V L L I I
N O V A E V V L G A T I O .

*Qua perspicua facilisque traditur de
omnibus tum Scientia,
tum Eloquentia.*



S A P I E N T I A quam voco V N I -
V E R S A L E M , quia altissimas
rerum causas & principia vni-
uersalia contemplatur; id po-
tissimum efficit, vt qui illius studio nomen
dedere, primò quidem perenni ratiocina-
tione de omnibus rebus certissimam scien-
tiam acquirant: tum deinde amplissimam
comparent sibi eruditionis supellectilem,
vt ex diuersarum opinionum & sententia-
rum collatione, notitia vel certior fiat, vel

2 RHETORICORVM

opulentior euadat. Postremo allaborat rerum veritates ratione inuentas, eruditione politas, decenti verborum culturâ transmittere vel præsentibus loquendo, vel absentibus scripta elucubrando.

Tertium hocce munus exequitur, triplex à me constituta Rhetorica; quarum prima, præcepta in vulgaribus Academijs decantata complectitur: vltimâ pressiori Methodo necdum euulgandâ, peculiarem arcanumque differendi modum ab istâ longè diuersissimum, celat sub diuersis inuolucris; mediam occupat Raimundi cognomento Lullij, noua Methodus; quam dum fusius explanat, stilo vt sæculum erat rudi & impolito, **MAGNAM ARTEM**: vbi vero contrahit in compendium, **ARTEM BREUEM** indigitauit. Nos vt complectamur vtramque, Aristotelem imitantes, **RHETORICORVM** appellamus. Nimirum abs vnâ eademque generali veritate quæ rebus in omnibus elucet, vnâ eandemque Scientiam ~~oriri~~ Cabbalistæ omnes consentiunt. Cum enim juxta Aristotelis effatum, scientia con-

sistat in rei cuiusque cognitione, per causam; reuera sicut rerum omnium vna generalis causa causarum Deus est, ita scientiarum scientia vna eademque generalis admittenda; à quâ vt pote sublimissimâ, certissimâque, cæteræ omnes subordinatæ Disciplinæ principia desumunt.

Obscuram non diffiteor, sed quæ tamen vestigantibus occurrat, tam in veritate quæ res addiscit: quam in eloquentiâ, quæ verba & terminos depingit. Opus dumtaxat subtilitate in intellectu, ratione in iudicio, rectâ intentione in voluntate, moderatione in affectibus, modico labore ac perenni diligentia; verum imprimis gratiæ D. O. M. auxilio, qui Dominus scientiarum rectè appellatur. Quò nimirum fretus, quidquid in secretioribus Cabbalæ mysterijs Eloquentiæ nomine celebratur, quatuor omnino Capitulis comprehendendi aggredior demonstrare. In summâ igitur, totius oratoriæ Inventionis libet constituere,

RHETORICORVM

S. SVBIECTA NO^{VE}M.

- B. Deus.
- C. Spiritus Angelicus.
- D. Cœlum.
- E. Homo.
- F. Imaginatum.
- G. Sensituum.
- H. Vegetatum.
- I. Elementarium.
- K. Instrumentarium.

A. ABSOLVTA.

- B. Bonitas.
- C. Magnitudo.
- D. Duratio.
- E. Potentia.
- F. Cognitio.
- G. Appetitus.
- H. Virtus.
- I. Veritas.
- K. Gloria.

T. RESPECTIVA.

- B. Differentia.
- C. Concordia.
- D. Oppositio.

RAIMVNDI LVLLII

E. Principium.

F. Medium.

G. Finis.

H. Majoritas.

I. Æqualitas.

K. Minoritas.

Q. INTERROGATA.

B. An sit.

C. Quid.

D. Quale.

E. Quantum.

F. Vnde.

G. Quare.

H. Quando.

I. Vbi.

K. Quomodo.

Qui termini quatuor totidem nouenis cō-
prehensi (plures enim necessarios non exi-
stimo) triginta sex constituunt artis inuen-
tiuæ fontes, seu categorias; vnde omnis
Eloquentia in promptu deriuatur, vt exem-
plis infra probare non erit operosum. Re-
uera enim Rhetor ille quem vocant illumi-
natum, cum jam prouectiori ætate ad lite-

rarum studia mentem appulisset, tot laborum pertæsus qui in tradendis addiscendis-
que disciplinis sunt exatlandi, vt nec vni
quidem vitæ periodus sufficiat, Artem hanc
nouam excogitauit; in qua quidem tria
summatim mihi veniunt explicanda, scilicet

ELVCIDATIO

ARTIS LULLIANÆ,

APPLICATIO

ET EIVSDEM

MVLTIPPLICATIO

Et vero non secus ac alia omnis vel Rhetorica, vel Dialectica, imo & Metaphisica ad quam Lullij commentatio propius accedit, cum & ipsam latitudine excedat; docet Ars ista INVENIRE, APPLICARE, & tandem MVLTIPPLICARE rerum omnium NATVRAS, & proprietates. NOTIONES, seu terminos quibus primò res exprimuntur.

RAIMVNDI LVLLII.

PROPOSITIONES, quæ de rerum veritate efformantur.

MEDIA, veritati probandæ opportuna.

Probationum ARGUMENTA, horumque sedes.

QUESTIONES varias, quæ se se passim & ubique offerunt.

Dubiorum omnium SOLVTIONES; quid plura? de omni re veritatem, & scientiam suis numeris absolutam.

Ideoque vt veram hîc Logicam quisque intelligat, arte sua seu methodo dirigit Lul-

lius MENTIS OPERATIONES TRES.

Quemadmodum enim Grammaticæ leges præscribunt primò de characteribus, seu elementis A. B. C. D. E. tum deinde de syllabis, quæ ex consonantium & vocalium mixturâ nascuntur, Aba, de, Reu; tandem de periodis, quæ per litteras & sillabas sensum absolutum complent, vt Deus toto est animo diligendus. haud secus Logica omnis, quæ ars rectè differendi nuncupatur, ordinat primo simplices quas vocant APPREHENSIONES, primos nimirum inge-

nij factus, qui rem vago & ancipiti significatu efferunt, v. g. homo, Deus, Angelus. Et hæc prima cognitionis lineamenta, primis Grammaticæ respondent elementis. Mox per Compositionem aut Diuisionem, affirmationis vel negationis limitibus se se includunt; v. g. Deus est æternus, homo creatus est ad imaginem Dei. Postremò superioribus argumentis ratiocinando concludunt, v. g. omni potestati à Deo Constitutæ obediendum est, Rex potestas est à Deo Constituta, Regi ergo obediendum.

Porro primi termini seu incomplexi, idem omnino sunt ac simplices apprehensiones; vixque differunt ab vtrisque, rerum DEFINITIONES. Siue enim quis hominem concipiat, siue Animal Rationale, par ex utroque notitia consurgit.

Vulgaris schola non malè assignat terminos SINCATEGOREMATICOS, qui per se soli nihil præcisè significant, alterius adminiculo egeni; quæ in classe reponuntur signa Distributiva, hic, Ille, Aliquis, Parim. Copulæ, &, atque; Disiunctiones, vel, aut:


aut: Nomina, Deus, Angelus, homo: Verba, intelligo, amo, persequor. Et CATHEGOREMATICOS, quorum significatus per se subsistit; cuiusmodi sunt Subiecta, & Prædicata; vt Deus, Angelus, Bonus, sapiens, homo Rationalis.

At enim acutissimè Raimundus, Subiecta COMMUTAT in prædicata, & vice versa omnes omninò terminos sibi inuicem subijcit; vnde absoluta in se, circà se respectiua censerì debent: sic enim conceptu generalissimo ex ipsis generibus & speciebus efformato, dicet quis, Bonitas est magna, Magnitudo est bona, in Deo Sapiencia est æternitas, Æternitas est Sapiencia.

SUBIECTA igitur, vocantur illi Termini, de quibus aliquid ab Oratore vel affirmatur, vel negatur; verè vel falsè, nihil interest. Suntque Substantiæ, saltem sese gerunt ad modum Substantiæ. Ita ampla & vbique expansa, vt ad ea reliqua omnia possint reuocari vel vt Genera, vel vt Species, vel vt Differentiæ, vel vt Proprietates, vel vt Accidentia; Sic Natura diuina, Personæ, Æterni-

10 RHETORICORVM

tas, Omnipotentia ad Deum uti ad natium Subjectum reducuntur. NOVE M SUB- IECTA constituit hujus Artis Princeps, includitque Circulo ; quia figura est om- nium amplissima, motusque cuius Racioci- natio & Oratio species sunt, capacissima. Huncque primum Circulum denotat fortè ut leges à primis verbis, sic à primo Gram- mate, per literam S.



Quæ quidem characterum, circulorum, ca-

RAIMVNDI LVLLII. ii

merarum, & combinationum lineamenta vana minimè sunt; QVIA & plura simul vno characterisimo includunt, & minori spatio concluduntur. Quamobrem sicut in omnibus disciplinis, ita in Lullij methòdo reperiuntur DVO, velut vmbra & corpus, cortex & medulla; nempe res ipsæ quæ sub præceptis latent, mox mysteria quibus velantur. Et quidem cum discrimine duplici; quòd res ipsæ mentis acumine percipiantur, rerum inuolucra plerumque pertineant ad imaginationem, seu memoriam: Ex illis mera semper scientia oriatur, ex istis plerumque scrupulosa & ambitiosa nugacitas. Vnde fit vt cum alterum ab altero possit separari, nonnullos reperire sit, qui scientiam ipsam norunt, modum scientiæ his vel illis terminis tradendæ ignorant; alij secus, Artis velut superficiei & grammaticalibus præceptis addictissimi, nusquam veritatis adita penetrant; exemplo res illucescat. De facili nemo non intelliget, nouem in vniuerso constituenda esse Subjecta, Deus, Spiritus Angelic⁹, Cœlum, Homo, &c. Id enim nosse

mentis est operatio. Sed quod ab imaginatione & memoria proficiscitur, plurimum defudabit quis, vt perdiscat Circulum cui includuntur hæc Subiecta nouem, designari per literam S: Subiectum Deus, per B: Spiritus, per C: Cœlum, per D: Homo, per E. & ita consequenter. Et hæc salebra est in qua hærent plerique, qui tot figuris, lineamentis, circulis & concamerationibus, abs Lulliana methodo legitimè admodum deterrentur. Quisquis tamen in vtroque peritus esse contendit, diligenter aduertat mentis indagine, retineatque memoriæ & imaginationis beneficio, hancce Rhetoricam **QVATVOR CIRCVLIS, SEV FIGVRIS** contineri. Quarum prima à me denotatur per literam S. eaque complectitur Subiecta nouem, superius recensita; ita vt vnumquodque Subiectum designetur per characteres; B. id est Deus: C. id est Spiritus Angelicus: D. id est Cœlū: E. id est Homo: F. id est Imaginatum; G. id est Sensituum: H. id est Vegetatum: I. id est Elementatum: K. id est Instrumentatum.

Quorum quidem Subjectorum vt continua raciocinatione amplificetur Oratio, NOS-
CENDA sunt Naturæ, Definitiones, Diffe-
rentiæ, Proprietates, & Accidentia. Cui rei
deferuiunt Scientiæ omnes, & nouem Sub-
jectorum distributiones non ita multò post
summam indicandæ. Iuuat etiam animad-
uertere, primis octo subjectis SVBSTANTIAS
omnes includi; nono quidquid Accidentis
naturam, & nomenclaturam sortitur. Nam
Deus, Spiritus, Homo, & alia quatuor Sub-
stantiæ sunt; quidquid extra Substantiâ est,
deputatur Instrumentatiuo.

Neque etiam Prædicata, PARI MODO
omnibus subjectis aptari; sed sæpe sæpius
analogiam duntaxat & rerum similitudinem,
maximè in orationibus vigere. Quis enim
nesciat Patrem alio modo dici de Deo, alio
de Homine, alio, de Præceptore? Flores cœli
stellas nuncupari? vtique per metaphoram;
quæ sponte occurrit, si à qualibet specie de-
finitionem generalissimam desumas à prin-
cipio è quo oritur, ab essentiæ characteris-
mo, & à prima seu principe actione quam

producit res definienda. v. g. Flos generalissimo conceptu ab hac aut illa Specie, ab hoc aut illo Subjecto separatus definiatur; pulcherrima amœnitas, seu prima exoriens rei cujusque productio, quæ idonea est fructum similem & integrum progignere; actutum intelliges, cur Filius æternus dici queat flos Patris: stellæ flores cœli, ver flos anni, juvenus flos ætatis, & ita de reliquis.

Artis itaque MYSTERIVM EST, alibi in nostra Methodo explicatiùs reuelandum, DEFINITIONES velut rerum omnium ipsissima media inuenire; qui enim nouit definire, ignorare quid potest? Definitio autem quatuor modis cudi debet. Aut enim naturalis est; vt homo est animal rationale. Et hæc desumi debet à rei quæ definitur proprio Principio, essentia absoluta, prima & principe operatione; vt, pater est agens, qui producit filium sibi similem. Aut fabricata per similitudinem; vt homo est orison, seu sequester naturæ spiritalis & corporeæ. Aut per ampliorem allegoriam, vt homo est scala illa Iacobi Patriarchæ, à ter-

ra ad cœli summitatem pertingens. Aut per relationem cujuspiam Autoris, vt Zoroastri definitur homo, audax totius Naturæ miraculum. Damasceno, Mundi Breuiarium. Gregorio Magno, homo est omnis creatura. Qui legit intelligat, hîc enim si vsquam latet mysterium. Verùm quia gratis accepta, gratis quoque elargienda, fusiori exemplo id modo aperiendum.

Si ratiocinando orandoue disquiratur, quidnam sit Fides? illa definitione quadruplici responde, & rem totam confeceris.

1. Fides est lumen supernaturaliter infusum, vt veritates à Deo reuelatas & cognoscamus, & credamus; en definitionem naturalem, ex Theologiæ penetralibus erutam. Quæ natiua definitio sola scientiam gignit, tres enim sequentes veriùs oratoriæ descriptiones censendæ sunt. Res enim quælibet, in propria sibi scientia natiuam definitionem sortita est; in alijs disciplinis plerumque aduentitiam, aut certè aliundè mutuatam.

2. Fides est oculus mentis; vides similitu-

dinem, & illi vales insistere si volueris.

3. Fides est columna illa nubis, hinc col-
lucens, inde tenebricans; quæ plebem Deo
charissimam, veros inquam Israelitas dedu-
cit per diem & noctem, ad promissæ hæredi-
tatis possessionem; habes allegoriam.

4. Fides est sperandarum substantia re-
rum, argumento non apparentium; nost' in
Pauli Apostoli, verba fide dignissima?

Quisquis eadem vestigia relegens, istud
Ariadnæ filum sequi nouerit, ipsas jam con-
iunctas DEFINITIONES, per earum vel
Subiecta, vel Prædicata definiens; nunquam
finiendum orationis & disputationis labi-
rinthum inuenit, nec vsquam inter tot cir-
cumuolutiones aberrabit. Et hæc Scientia
Sapientum, & clavis reuera Encyclopædiæ.
Sic etenim definitiones perpetuæ occur-
rent, veluti veritatum traduces seu propagi-
nes; quælibet veritas ex qualibet orietur, sal-
tem analogicè oïnnia omnibus aptabuntur;
si è circulo T. seu figura tertia Terminorum
Relatiuorū, eximas minoritatem; quæ quia
priuationem & defectum arguit Deo indi-
gna


gna est; Est verò in illo supremo Ente Majoritas, qua supereminet creatis omnibus: Æqualitas, inter omnia ipsi⁹ attributa: Concordia demum, qua ab æterno in vnica essentia radice diuinitatis, dignitates illæ seu attributa conueniunt. De cætero licet D. O. M. nullum tempus, quantitatem nullam, vno verbo nullum accidens agnoscat; habet tamen æternitatem loco temporis, immensitatem vice quantitatis, attributas ipsi perfectiones pro accidentibus.

Definitionibus quoque vel fabricandis, vel amplificandis, non parum deseruiunt SINO-NIMA, quæ facilè vestigantur per triginta sex Terminos; v. g. Deus est Bonitas æterna, gloriosa æternitas, autor Angelorum, hominum finis vltimus, cunctis creaturis potentior, principium & causa omnium in quo viuimus, mouemur & sumus.

Sedenim nihil tam proficuum quàm Scalam naturæ per esse, viuere, sentire, imaginari, & intelligere; dixerim ego, in mea secretiori Methodo, veritatis PIRAMIDEM perfectè nosse; quam hîc licet solum per transfennam iuuabit vel delineasse, vel inspexisse.

Mundus rationalis.

Mundus irrationalis.



ATTENDAT seriò verus amator sapiëntiæ
hujus Piradimis fabricam, eam mûltis lateri-
bus constantem imâginetur, supremum gra-
dum vnitate Dei coronatum, infimum ma-
teriæ tenebris, nihiloque vicinum, lineas seu
gradus quindecim, rerum quæ in illis conti-
nentur seriem & commissuras, cæteraquæ
quæ olim fusius in Theorematis explicabun-
tur; mox agnoscat omnia ex vno, ex omnibus
vnum, viam ascensus & descensus eandem,
rerum compositionem, & resolutionem, Me-
thodum sintetice & analitice raci-
nam: inter Philosophorum Sectas opinio-
num diuersitatem reuera esse, contrarieta-
tem nullam; Sed de his aliâs. Interim
Reminiscatur nôster Philosophus seu Ora-
tor, hujus Piramidis lineas gradusve ita DI-
STINGVI, VT

1. Cujusque nobilitas petenda sit à natura,
qualitate, motu, reliquisque titulis per 36.
Terminos expiscandis; maximè à vicinitate
cum Deo, Piramidis apice.

2. Vt quidquid perfectionem sine nâuo
arguit in inferiori gradu, tribuatur superio-

ri. Sic esse competit lapidi, ergo plantæ, ergo animali, ergo homini, ergo Angelo, tandem Deo.

3. Vt gradus inferior reperiatur sine superiori, non vice versa; v.g. Lapis vita caret, Arbores sensu, Animalia intellectu.

4. Vt ejusmodi gradus concipiantur generalissimi; quibus subnectuntur alia primo minus generalia, deinde ad speciem aliquam contracta, tandem in particularibus desinentia. Sic descendet ab ente ad viuens, a viuento ad animal, ab animali ad hominem, ab homine ad Ioannem; qui gradus si impromptu velut numerati habeantur, nunquam titubabit oratio.

Hactenus de primo Circulo, S. seu de nouem Subjectis. Sequitur jam Circulus alter, seu

SECUNDA FIGURA.

Nam proposito aliquo Subjecto, factaque quæstione, vt aptè latius excurrendo satisfaciat Orator, opus habet Terminis Absolutis, & Respectiuis. Porro

ABSOLUTA

Sunt termini simplices, qui prima fronte oc-

currunt intellectui ex hominum instituto id
cujusque rei significationem. Vnde & ad vi-
randam confusionem Sequenti nouenâ cõ-
prehensa, videntur respondere primæ hu-
mani intellectus operationi, quam Logici
vocant apprehensionem; dicique possunt,
TRANSCENDENTALES, CONVERTIBILES, CON-
IVGABILES & DECLINABILES, nouem quo-
que modis; v. g. bonitas, bonum, bonifica-
tium, bonificans, bonificatio, bonificabili-
tas, bonificabile, bonificatio passiva, bonifi-
catum. Quod quidem alijs similiter Terminis
congruit; nam & de omni Subiecto formari
possunt omnes Quæstiones, per omnia Ab-
soluta & Respectiua; & omnia plerumque ad
inuicem pro libito & oportunitate, quâ de-
clinando, quâ conjugando conuerſi. v. g.
Quæstio sit, an Deus sit æternus? Responde-
tur affirmatiuè; rationes scientiæ & eloquen-
tiæ deseruientes, quia bonus est bonitate ab
æterno communicabili, & majore quam quæ
reperitur in creatura, quæ non bonificat nisi
in tempore. Item declinabis Deus, Deitas,
Deificatium, Deificans, Deificatio, Deifica-

bilitas, Deificabile, Deificatum; & ita de reliquis omnibus, in quibus reperiuntur hi nouem Termini Absoluti, per quos excurrit orator facillima subdiuisione; supponendo Tres primo dici Essentiales.

Tres alios Causatiuos.

Tres vltimos Finales. Illos porrò cōplectitur secunda Figura (sic enim placet appellare, paululum à Lullio diuertens) quæ signata caractere A. continet in sua Peripheria nouem prædicata, quæ Lullius vocat ABSOLUTA; suntque Principia & Termini generales seu transcendentales, qui passim de omni re affirmari possunt, vel simplici ATTRIBUTIONE, vt Deus est bonus, bonitas Dei est æterna, hominis sapientia virtutem operatur, virtus gloriam adipiscitur: vel certa quadam ANALOGIA, quemadmodum rectè brutorum instinctus vocari potest appetitus, sagacitas sapientia, robur virtus; & ita de cæteris. In quibus notandum;

I. Principia hæc de quolibet subjecto prædicari, non solum accidentali & extraneâ ratione, verum etiam SUBSTANTIALI ET IN-

TIMA. Quicumque enim rerum naturas attentius rimatur & examinat, eas reperiet per se ipsas, tametsi abessent extranea omnia, esse bonas, magnas, durabiles, &c.

Itavt òmne principium substantiale innatam, habeat ejusdem generis proprietatem, per quam agit velut per nativum instrumentum. v.g. Bonitas accidens est riuulus & emanatio bonitatis substantialis, per quam res ex seipsis BONÆ, simile sibi operantur. Quo ferè modo animus hominis per se capax intelligendi, non intelligit tamen nisi per intellectum, qui speciem refert accidentis. Ait igitur Raimundus, rem omnem seipsa & essentiali bonitate integram, plenam ac perfectam in se esse bonificatiuam, sic enim loquitur, id est capacem bonitatem sibi similem producendi: cui in alio respondet Bonificabile, capacitas inquam, recipiendi bonitatem, quæ aliundè dimanat; idque per Bonificare, quo designat actum ipsius diffusionis seu communicationem, qua principium producens coniungitur cum effectu producto.


2. Principia hæc ut pote generalissima, per se implicita debent **EXPLICARI**, dum ad singula descenditur. Ita nimirum generalissima propositione affirmavit quis, 1. Bonitas est Magnitudo, 2. contrahendo abstractum ad concretum, Bonitas est Magna. 3. descendendo ad genus, speciem & individuum; Bonitas entis, hominis, Petri est magna.

3. Scientiam confici, si reperiatur verum **MEDIUM**; quod aliud reuera non est, quam **NATURALIS CONJUNCTIO** prædicatum inter & subiectum. Hanc porro conjunctionem à **QUADRVPLICI DEFINITIONE** petendam esse, superius demonstratum est.

4. Absoluta nouem includit Circulo ut mox insinuabam, quia Subiectum mutatur in prædicatum, & vice versa: Bonitas est magna, magnitudo est bona. Vnde Termini isti in Deo idem sunt, & in se se conuerti queunt alterna reciprocatione; Bonitas Dei est magnitudo, æternitas est sapientia, &c. secus in alijs octo Subiectis. Quamvis enim generalis propositio subsistat, Bonitas est magnitudo, quia sic abstrahit ab hoc aut illo subiecto:
falsò

falsò tamen affirmatur, Bonitas Petri est duratio Petri; mendacia enim & errores particularibus adhærent, quia quæ in illis recipiuntur eorum naturam recipiunt: in conceptu autem abstracto, generali & metaphysico veritas sibi ferè semper similis est.

Ex istis itaque nouem Absolutis, componitur sequens figura Circularis seu Sphærica.



Hunc porrò Circulum noster Autor PARTIVR in circumferentiam, & planum. CIR-

D

CUMFERENTIAM replent nouem Termini seu Prædicata Absoluta, designata haud secus quàm Subjecta, per B. Bonitas. C. Magnitudo. D. Duratio. E. Potestas. F. Cognitio. G. Appetitus. H. Virtus. I. Veritas. K. Gloria. Medium verò planum in trianguli formam occupant TERMINI TRES, maximè Generales; ESSENTIA, VNITAS, PERFECTIO, ad quæ velut ad Trinitatem creatis rebus impressam, cætera omnia meritò reuocatur.

ESSENTIA prima est rei cuiusque ratio, basis & fundamentum eorum quæ quasi aduentitia concipiuntur: per quam quælibet res constituitur in esse suo, suisque Principijs; sicut homo intelligitur inclusus, in animali & rationali.

Essentiam unitati comparat Philosophus, quia indiuisibilis est, siue simplex illa sit, vt in Deo: siue metaphysicè composita ex genere & differentia, alijsque gradibus, quæ illius perfectionem conflant. Porro vna & simplex multiplici nomine exprimitur, natura, quidditas, ratio, conceptus, definitio rei; in cuius cognitione quia scientia verè constitu-

ta est, illam ante omnia solerti opera indagare Sapiientis studium esto.

Primus Essentiae flos quasi illibatus VNITAS est, per quam res quaelibet in se manens indiuisa, secernitur ab omni alia; quam nosse iuuat plurimum, ad scientiae & eloquentiae decus adipiscendum. Est porro multiplex, SIMPLEX, vt quaelibet forma.

COMPOSITA, eaque vel substantialis, vt hominis constans ex materia & forma: vel continui, vt punctorum in linea: vel discretionis, vt vnus, duo, tria: vel accidentalis, vt aceruus tritici: vel rationis per conceptus abstractos, vt genus & differentia: vel identitatis in esse, vt tres Personae diuinae: in nomine, vt tres vocati Petri; & similibus. Principium itaque rei cuiuslibet, essentia est: Medium vnitas, finis vero

PERFECTIO, quodlibet suis omnibus terminis & praerogatiuis concludens, consummas & absoluens. Estque dupliciter consideranda. I. SIMPLEX in se & absoluta, juxta cuiuslibet artis modum, mensuram & conditionem; aliter enim Deus possidet scientiam, aliter An-

gelus, aliter Homo. 2. RELATIVE per respectus ad aliquid aliud, cui res in se perfecta, utilis & proficua reperitur. Sic Deus primò, in se absoluta & consummata perfectio est: deinde suas nobis perfectiones elargitur, in natura, in gratia, in gloria. Sapiens se solo beatus est, rerum pulcherrimarum contemplatione: reliquis mortalibus pervtilis, dum eos docet, regit, gubernat. Iam verò

TERTIA FIGURA T.


Continet quoq; nouem Terminos seu Principia, quæ ad præcedentium discrimen Raimundus vocat

RESPECTIVA

Denotatur nimirum per characterem T. quia tres Triangulos complectitur, nec Respectiva conuolui possunt vt Absoluta; quis enim dixerit, differentiam concordare, nisi abstrusiori significatu alibi explanando? Rem explicat hæc Figura, non amplius per suas perfectiones, in se ipsis præcisè & absolutè consideratas: sed comparisonē vestigando inter duo, vel plura; v.g. Deus est bonus bonitate æternâ, en præcedentis Figuræ A. operatio. Perge porrò, Deus est bonus bonitate diffe-


rente à bonitate Angelorum, quia diuina est
à se & infinita, Angelica à Deo suisque ter-
minis limitata; en comparatio & respectus.
In quo quidem obseruabis, Terminos Rela-
tios NVLLAM ex se solis habere significatio-
nem: sed hujus fundamentum & determina-
tionem mutuari, à Subjectis, Absolutis & In-
terrogatis. Vnde etiam transeunt interdum,
in Subjecta & Prædicata; v. g. Differentia
Dei & Angeli est æternitas; habes Differen-
tiam loco Subjecti. In Deo & Ang
ritur finis, en finis locum tenens Prædicat.
Lustrandus igitur Circulus iste, seu Figura
quæ maximi in hac Arte momenti est.

TERTIA FIGVRA RESPECTIVORVM.



Cui vt Respectiuorum natura, officium & mixturæ varię melius intelligantur, adjungenda est hæc altera.

FIGVRA TRIPLICIS RELATIONIS.



Porro vtriusque Circuli vim & energiam vt comprehendas, sequentia nauiter aduer-
tes, & memoria consignabis.

1. Imaginandi TRES TRIANGVLI GENERALES. In primo reponuntur, B. id est Differentia. C. Concordia. D. Oppositio.

In secundo Triangulo, E. id est Principium. F. Medium. G. Finis.

In tertio demum, H. id est Majoritas. I. Aequalitas. K. Minoritas.

2. Tres isti Trianguli, quorum primus vocatur in Cabbala viridis, secundus rubeus, tertius croceus (rationes rimari otiosum fore) fluuntur in NOVEM TRIANGVLOS, quos in posteriori Figura vides inter se implexos; QVIA & se inuicem, & verò cætera omnia penetrant. v. g. Principium floris, differt à principio radij; illius enim est arbor, istius sol: & vtriusque Principij aliud est Principium, nempe Deus. Vnde fit vt in ejusmodi penetratione reciproca, mutuo se corroborent; v. g. homo differt à radio, in principio & fine: hominis namque principium & finis Deus est, radij Sol & orbem illuminare. Tãdem cum ex Terminis Respectiuis fiat comparatio, quæ tria complectitur, duo relata & mediam relationem; rectè per tres angulos

gulos triplicatos delineantur. v. g. Cognitio beata Angeli & hominis concordat inter se, seu similes sunt. Tria haud dubie intueris; Angelus & homo, en duo correlata, quæ inter se comparantur per similitudinem cognitionis beatæ, quæ genus quoddam est relationis.

3. Horum omnium V s v s sanè per quàm utilis, vt serio meditati apparebit. Nam tres termini primi trianguli, sic inseruiunt; in probanda propositione affirmatiua, Concordia: in destruenda, iuuant Differentia, & Oppositio.

EXEMPLVM primi, affirmo hominem esse Dei imaginem; probationes plurimas suggeret Concordia; homo ad iustar Dei est intelligens, amans, &c. ergo Dei imago & expressio perfectissima.

EXEMPLVM secundi, affirmat Paganus Iouem esse Numen, negat Christianus, quia Deus est à se, Iouis cunabula visuntur: Deus fruitur immortalitate, Iuppiter tributum soluit naturæ; & sic de cæteris.

Iterum, Concordia MEDIA inuenit proba-

E

tionis: Differentia & oppositio, SOLVTIONES & distinctiones suppeditant, vt demonstrant exempla.

Tres Termini respectiui SECUNDI Trianguli, E. idest Principium. F. Medium. G. Finis; distinguunt rei NECESSITATEM, CAUSALITATEM, CONTINGENTIAM. Etenim Subiecta cum Prædicatis componi possunt, 1. necessario, vnde affirmatio necessaria. 2. nulla vniquam ratione, vnde negatio necessaria. 3. in eadem vel componi possunt, vel diuelli; vnde propositio contingens. Accipe Exempla; primi, rationale & risibile: secundi, rationale & brutum: tertij homo & eruditus. Si maius explicatiores? sole supra orientem posito, luceat necesse est, quia lux semper est cum suo Principio conjuncta; ergo vbicumque Sol erit, ibi lucebit necessario. En Principij necessitas, attende sequentem causalitatem. Quomodo Pater in Diuinis, producit Spiritum sanctum? recurre ad Medium, Filius medius est inter Patrem & Spiritum sanctum; ergo Pater producit Spiritum sanctum per Filium, vel cum Filio. Scribo, quoniam me-

dio: calamo; & ita de alijs. Denique Medicinæ Facultatis finis est sanitas, Oratorię persuasio; Medicus & Orator potentiurne suo fine: anceps & dubium.

Tres Termini T E R T I I & vltimi Trianguli, H. idest Majoritas. I. Æqualitas. K. Minoritas, eloquentiæ, quàm Scientiæ deferuiunt magis: verborum amplificationi, quam rationum probationi vtiliores. v. g. homo viuens est, quia vita elucet in Deo qui maior est: in Angelo, cuius eadem mensura cum homine; in Brutis, quibus longè excellentior homo est.

4. Pretium artis est, notare COMPARATIONEM inter figurā A. & T. Terminos inquam, absolutos & respectiuos. Hic opus ingenio. Termini A B S O L V T I, rei cuiuslibet essentiam I N S E sic considerant; Bonitas essentiam, Magnitudo Existentiam, Duratio Perfectionem. Tres sequentes respiciunt operationem rei, quæ jam est, existit, & habet perfectionem suam. Primo quidem, facultatem agendi considerat Potentia; deinde agendi modum, Cognitio & Appetitus. Tres

ultimi, designant rei consummationem seu complementum; in queis Virtus præcedit, cui debet inesse Veritas, & nascens ex utraque Gloria, in qua rei cuiusque quies & beatitudo. hæc de Absolutis.

Pari quoque modo, se gerunt RESPECTIVA. Differentia enim respondet Essentiæ, & Bonitati. Concordantia, Magnitudini. Oppositio, Durationi; nihil enim propriè contrariū alteri, nisi istud extra suas causas existat. Principium respondet Potentiæ, Cognitio Meæ, Appetitus fini, ad quem semper inclinatur & tendit; Majoritas virtuti, Æqualitas veritati, Gloria Minoritati.

In qua quidem Absolutorum & Respectiuorum comparatione, credas velim secretū Artis latitare. His namque facile deprehendet non omnino inuitā Mineruā natus, quid rei conueniat in se, & à se: quid ab alio, & ad aliud; quæ in rei constitutione proprietates præcedant, quæ sequantur. Facillimè rerum probationes velut promus condus exeret, quaslibet objectiones dissoluet; distinguendo Essentiam ab effectis, Essentiam

à modo, modum ab operatione, intrinsecum ab extrinseco; & sic de similibus. Atque his quidem Subjectis innituntur

INTERROGATA.

Seu Quæstiones nouem, fere cum Philosophorum Cathégorijs recurrentes: Quas regunt quatuor principales; An, Quid, Quale, Quare. Reliquæ enim sunt velut accidentales, licet vtiquè misceri possint inter se. Quæ quidem Quæstiones, de vnoquoque Subjecto ex nouem supra recensitis possunt efformari, vt ampla Oratori seges ac materia procreetur. Dum scilicet omnibus istis quæstionibus satisfieri potest, per affirmationem, assertiuè, & demonstratiuè: per dubitationem, probabiliter; rectè enim dubitare initium sapientiæ, inquit Aristoteles; denique per negationem, & contrarium respondendo. Vtrumque complectitur distinctio, quæ affirmat vnâ partem, negat alteram; vt sequenti patebit inductione.

B. AN SIT.

C. QUID.

D. QUALE.

E. QVANTVM.

F. VNDE.


G. QVARE.

H. QVANDO.

I. VBI.

K. QVOMODO.

Vasa ad omnia intelligibilia Raimundus vocat; nec tam ea accipit pro debijs propositionibus, quàm pro signo seu modo per quē questio efformatur Has nimirum Quæstiones quem concludit Circulo, seu Figura quarta.



nos orationis, seriè nunquam finiendâ. v.g. quæsitum sit, quidnam homo est? respondeatur, Imago Dei. Reponatur statim, sitne homo id quod dictum est, Imago Dei? Peruolue omnes, vel plerosq; Terminos qui superflunt 35. vndenam homo Imago Dei? à Deo Autore. Quamobrem? vt Deum in inferiori orbe veluti Vicarius representer. Ad cuius Differentiam? Avium, Piscium, Quadrupedum. Cum quibus in hac ratione conueniamus Angelis, &c.

Prima igitur quæstio reliquis præambula, An sit? Cui vt respondeatur, regula est POSSIBILITAS. Nam vel affirmatur possibilis, vel negatur; Alterutrum vero discernitur,

1. Cum aliquid CONSENTANEVM apparet intellectui, & sensui; si tamen Catholicæ fidei excipias misteria, quæ superant caput vtriusque naturalem.

2. Si ex possibilitate, sequitur DESTRUCTIO alicujus è 36. principijs, omnino neganda est; vt si concesserim Deum posse mori, sequetur dubio procul non esse æternum. Si homo principium nullum haberet, careret & fine.

3. Vt

3. Vt efficaciter inquiratur, necesse est in aliquo tandem principio conuenire, quemadmodum aliquod immobile motum sustinet; quod principium Metaphisicum est à particularibus scientijs determinandum; v. g. Nihil est à se, ergo homo est ab alio. Nihil simul est verum & falsum, ergo fides Catholica nullas inuoluit contradictiones.

Rei possibilitate determinata sequitur.

QV ID SIT? cui respondetur per DEFINITIONEM; Definitio fabricatur ex genere, quod suggerit materia, & differentia, quam præstat forma: sed vtrumque reperire, hoc opus, hic labor. Lucem prætulit Lullij Discipulus non infimæ notæ, Valerius de Valerijs in opere aureo, nostrique æui Petrus Morestellus; quorum hæc adnotatio videtur OPTIMA. Vt Genus cuiuslibet rei inuenias, vestiga in oculis, seu cameris primi Circuli S. ad quem ex nouem Terminis, pertineat Subjectum de quo Genus quæritur; vt fiat Definitio: certè enim, si Subjectum, sub quo reperietur res definienda, pars sit essentiæ cõmunis pluribus specie differentibus, erit Ge-

nus: si sit tota essentia, erit species. Ex gr. Ignis pertinet ad Terminum T. in Circulo S. ergo rectè incipies definire Ignem per Genus hoc modo, est Elementum. Deinde, ne nimis vaga sit Definitio, distributis exactè terminis per species & partes, vt ostenditur in Multiplicatione, assumi debet Genus proximum. v.g. comburere est actio Ignis, Ignis constat calore & siccitate: comburere non est actio siccitatis, quoniam Aqua fortis, quæ humida est, comburit; ergo est actio caloris in Igne. Scire est actio hominis, non corporis, ergo animi: non voluntatis, ergo intellectus.

Adde quod TERMINI PRÆDICATORVM vsurpari possunt pro generibus, vt fiât saltem descriptiones; v. g. si definiatur amicitia per B. in Circulo A. Bonitas naturæ spiritalis: per K. in eadem figura, radius diuinæ gloriæ in homine: per D. Imago æternæ durationis in Deo. Similiter ex terminis Circuli T. seu tertiæ Figuræ, quæ est Respectiuorum, Amicitia virtus est, qua homo differt à Brutis & lapidibus, Angelo & supremo numini tā-

tum non æqualis euadit, &c.

Quod si **SUBIECTVM** aliquod ex nouem definiendum occurrit; sume tibi Genus & Differentiam ex aliquibus Terminis. v.g. intellectus est in homine, principium cognitionis. **INTELLECTVS EST IN HOMINE**, en E. in Circulo S. **PRINCIPIVM**, en E. in Circulo T. **COGNITIONIS**, en F. in Circulo A. Amor est appetitus humanus inclinans in bonum, &c.

Quin etiam potest loco Generum, sumere **VISIO GENERALIS** Circulorum; in substantias increatam, creatam; primam scilicet in S. Et octo accidentales. v. g. homo est substantia creata ad imaginem Dei. Gladius Instrumentum est homini, determinans ad scindendum panem. Hæc de Generis vestigatione.

Iam verò **DIFFERENTIA** inuenitur, per tres quæstiones, **CVIVS RES SIT, QVALIS, PROPTER QVID.**

Cujus, nimirum res definienda possessor sit, quidve habeat, aut quo efficiatur. v. g. Rex Princeps est habens subditos. Quantitas est

Accidens, à qua Materia habet Magnitudinis extensionem. Simili ratione definietur res possessa: seruus homo est in dominio & potestate heri seu Magistri. Rursus INVENITVR tā possessor, quàm res possessa, mouendo Circulos & terminos in illis inclusos, hoc modo.

Aduertatur primo, ad quem Circulum pertinet id de quo mouetur quæstio: is enim terminus erit procul dubio, vel possessor, vel possessa. v. g. si quæritur quidnam sit visio Beata? vestigo Genus in Circulo, seu figura A. in secundo ternarco; quia primus est operandi modus, consequens potentiam & essentiam vnam, ac perfectam; statimque definitio, visio beata est cognitio, EN GENVS: deinde in Circulo S. seu prima figura quæro possessorem, cognitio competit Deo, spiritibus, homini; ergo visio beata est cognitio Dei, Angeli, hominis. Vtterius quæro, quæ pars in homine digna sit possidere visionem beatam? Et hîc fieri debet partitio; cum enim perfectissima, nobilissimaque operatio principi, & nobilissimæ. v. g. hominis facultati

tribuenda sit, & circa nobilissimum obiectum; sic efficies, visio beata est cognitio humani intellectus perfectissima, quâ Deum intuetur.

Sequitur jam altera methodus DEFINITIONIS reperiundæ, per quæstionem QUALIS res sit? si enim substantiua in adiectiua commutaueris, per tres Circulos S. A. T. idest Subjectorū, Absolutorum, Respectiuorum; illico differentia tibi occurret. v. g. diximus visionem esse cognitionem intellectus, rursus quære cuiusnam intellectus? perge ad Circulum S. seu Subjectorum, dices per B. C. E. diuini, Angelici, humani, vbi ad Circulum A. seu Absolutorum, addes per B. D. & R. est cognitio intellectus boni bonitate consummatâ, æternū duraturâ, Gloriosi &c. Denique in Circulo T. seu figura Respectiuorum per B. C. H. I. K. Intellectus differentis à Bruto, cum voluntate optime concordantis, equalis Angelis, & Deo similis, cognitio omnium perfectissima, scientiam ac fidem multis interuallis exuperans.

Tandem in quæstione QVARE? Reperies

differentiam, quærendo cur Subjectum, seu res tali specialiter nomine denotetur? v. g. visio Dei quare dicitur beata? Repones, quia omnium bonorum aggregatione constans, felicem, seu beatam facit intellectum, qui illam possidet.

In summa clarius definitur describiturve res quælibet per EFFICIENTEM CAUSAM, visio beata est cognitio intellectus Gloriosi: per EFFECTVM, quâ videtur intuitivè: per OBJECTVM, videtur inquam intuitivè Dei Essentia: per PERFECTIIONEM, cum cumulo omnigenæ felicitatis. Quibus adjungitur non raro actus, visio beata Deum videt: & APTITVDO, per quam eleuatur homo ad consortium & similitudinem Dei.

Adde insuper QVATVOR alias Regulas respondendi, quidnam res est in se? quid habet in se? quid est in alio? quid habet ab alio? v. g. visio beata, QVID EST IN SE REI? Cognitio Dei intuitiva. Quid in se nominis? ab ethimo Subjecti vel prædicati, visio intuitiva, quasi intus tuens, seu videns. Homo est animal rationale, dicitur homo ab humo; ani-

mal, quia animum habet; rationale, quia ratiocinatur. A translatione, allegoria, & Metaphora, vt homo est orison Cœli & Terræ, Radius diuini solis, tabernaculum diuina manu fabrefactum, supremi conditoris opificium præstantissimum. Sequitur.

Quid res quælibet HABET IN SE? nempe naturaliter & coëssentialiter; ad quod respondetur per illa, sine quibus res esse nequit; videlicet per-Iuum-Are-Bile: v. g. quidnam in se habet homo amicus? Responde per-connata, amatiuum, idest, facultatem amandi; amare, qui est ipse actus amicitiae; amabile denotat tendentiam rei amantis in rem amatam, quæ amabilis est.

Porro quidnam res in se habeat? plurimis inquiritur modis. Puta.

ESSENTIALITER, sic Deus habet tres personas in se.

EMINENTER, Deus habet scientiam in sua sapientia.

VIRTVALITER, Deus habet instinctum & Appetitum, propensionem dico, ad bonitatis suæ riuos diffundendos.

POTENTIALITER, Deus habet potentiam creandi mille mundos.

ACTVALITER, hunc orbem reuera condidit.

IDENTICE, Essentia diuina habet in se personas, & Attributa.

VNITIVE, Deus continet omnes omnino perfectiones; nam pulchritudo agrum illo est.

IMMENSIVE, replet enim Cœlum & Terram, & Iouis omnia plena.

PER DOMINIVM, in omnes Creaturas.

PER INFLVXVM, gratiæ in Iustificatione.

PER MIXTIONEM, in Incarnatione.

PER MODVM loci, tam proprii, quam communis, Christus in utero B. V. in præsepio, in sepulcro, in sacramento.

PER MODVM PERFICIENTIS, siue substantialiter, ut persona Verbi, perficit humanitatem Christi: siue accidentaliter, ut Verbum æternum per lumen gloriæ, perficit intellectus Beatorum.

AD QUIDNAM RES SIT IN ALIO?
Respondebit Lullista, per proprietates relationas

latiuas cuiusmodi est
 FORMA substantialis, siue accidentalis in
 Subiecto; anima rationalis est in corpore: in-
 tellectus, & voluntas in anima; cognitio in
 intellectu, amor in voluntate.

PARS IN TOTO, vt oculus in facie, fa-
 cies in capite, caput in corpore, corpus in
 orbe, orbis in ente.

TOTVM IN SVIS PARTIBVS; verte vi-
 ces, ens in orbe, orbis in homine, homo in
 anima, anima in intellectu & voluntate, cor-
 pus in capite, facie, & oculis.

INFERIVS secundum prædicationem in su-
 periori, Petrus & Ioannes in homine, homo
 & Leo in animali: deinde ex aduerso, homo
 in Ioanne & Petro, animal in homine &
 Leone.

POTENTIA in operatione, vt intellectus
 in cognitione, oculus in visione, locatum in
 loco, Intelligentia mouens in sua Sphæra, cor
 in pectore, Præses in palatio, Rex in throno,
 & ita consequenter.

Ad Quidnam res habeat ab alio? satisfacies
 per actionem & passionem. v.g. quidnam Fi-

lius Dei habeat ab hominibus? curare infirmitates tãgendo, docere fidem loquendo, &c. ecce actiones; habet quoque passiuè conceptionem in Virginis utero, adorationem à Magis, vltimum supplicium in Caluario.

Sedenim exemplo vnico, quatuor ejusmodi species colligamus. Quid est visio Beata? I N S E, est cognitio intellectus.

Q V I D H A B E T I N S E? Euidentiã, comprehensionem, perpetuitatem, &c.

Q V I D E S T I N A L I O vita Beata? in Cœlo Æmpireo, vnio, conjunctio intima, & similitudo perfectissima in Deo.

Q V I D H A B E T A B A L I O? lumen gloriæ à Deo, vices speciei impressæ abs Dei essentia, speculum omnium creaturarum à verbo, societatem à consortibus gloriæ, laudem & honorem à terrenis cultoribus.

Ad quæstionem Q V A L I S R E S S I T? facile est respódere, per Q V A T V O R qualitatis species. Aqua est frigida, vel tepida, en habitum & dispositionem: Aqua miscet elementa in generatione, & congelatur à frigore, en actionem & passionem.

Deinde mutanda sunt 36. Principia, & abstracta in cōcreta. Qualis est homo sapiens? responde in figura S. Diuinus, à Deo Autore & Magistro: spiritalis, ab Angelis quos imitatur: Cœlestis, à Cœlo cui semper intendit & aspirat: omnium disciplinarum & artium studiosus, ab Instrumentatiuo, &c. In Circulo A. homo magnus est, à virtute quam colit: æternū victurus, à fama nominis & lucubrationibus: Gloriā coronandus, ob heroicas virtutes. In Figura seu Circulo T. idest Respectiuorum, qualis est homo sapiens? longè distinctus à plebe & fece vulgi, paulominus Angelis interior, Deo inquit Seneca, contubernalis, &c.

Ad Quæstionem QVANTVM? Regulæ sumendæ ex quantitate absolutâ in se, relatiuâ ad circumjacentem locum; continuâ, vt in superficie, & lineâ: discretâ, vt in numeris & tempore: virtuali, vt est immensitas in Deo: actuali, vt sunt dimensiones corporeæ.

Ad Quæstionem VNDE? SEV EX QVO? Respondendi regulæ, à quo per vestigatio-

nem principij, causę & originis. Item de quo, scilicet materiali. Sic Deus nec ab alio est, nec de alio: Angelus ab alio, non de alio: Corpora ab alio nēpe Deo, & de alio de humo scilicet. Regula altera est Cujus? arguens possessionem, vt mox explicui.

Ad Quætionem Q V A R E res est? Quare res est talis? res est ab hoc? de hoc? hujus? propter hoc? &c. satisfaciunt diuersa causarum genera. Ponatur Controuersia, Quare homo saluatur? Reponne solutiones; Primo, occurrent causa efficiens prædestinatio æterna, & diuini beneplaciti lex inuiolabilis: meritoria in alio, Christi passionēs; in homine, gratia sanctificans. Causa Materialis ex qua, scilicet ex omnium bonorum cumulo: In qua, in anima & corpore: Circa quam, circa Dei essentiam, omnium rerum contemplationem &c. Causa formalis, nā gloriæ lumen hominis intellectum eleuat & collustrat; Finalis, vt homo laborum mercedem recipiat, supremo bono fruatur, Deum cognoscat, amet, glorificet, &c.

Ad Quætionem Q V A N D O? vt Respondeas,

percorre omnia temporis momenta , infra
in Terminorum multiplicatione recensenda. v. g. Christus natus est, vt Deus ab æterno: vt homo, in plenitudine Temporis: vt à Virgine, in momento: secundum anni tempestatem, in hieme: hujus tempestatis qualitatem, frigidissimo tempore: anni distributionem, mense Decembri: mensis partes, die vigesima quinta: diei partem, media nocte: Imperium principis, sub Augusto Cæsare: statum Reipublicæ politicum, toto orbe in pace composito: Respiciendo ad Religionis statum, sub occasum Legis Mosaicæ, & in ortu Euangelij: Considerando Astrologiam, solē in signo Capricorni existēte: Mūdi creationē, quinquies mille centum nonaginta nouem annis ab orbe condito: secundum diuersorū Gentium imperia, vel computa & æras temporum, à diluuiō bis mille nongentis quinquaginta septem: Olimpiade centesima nonagesima quarta: ab vrbe Roma condita, anno septingentesimo quinquagesimo secundo; anno Imperij octauiani Augusti, quadragesimo secundo: Contemporaneis inter Is-

raëlitas, Ioanne Baptista: inter Græcos, Romanos, &c. Quæ vt vides, propè in infinitum protendi possent.

Ad Quæstionem VBI? Respondes PHISICE

1. per differentias locales, ante, retro, sursum, deorsum, in dextrâ, in sinistrâ parte. 2. Per locorum species in Cælo, Aëre, Terra, Aqua &c. 3. Per horum distributiones, in Empireo, in Asia, in Europa; in Gallia, in Armorica, Nannetis, in Domo, in Cubiculo, in Cubili.

2. METAPHISICE, in Genere & differentia, vt homo est in animali & rationali. Item per Lullij Terminos, in Magnitudine, Duratione, Principio, fine, &c.

3. MATHEMATICÆ, in numero, mensura, gradu, pondere, linea, superficie, figura, angulo, &c.

4. POLITICÆ, in foro, senatu, Regis curia, Dei templo, in choro, intra cancellos chori, in maiori Altari; omni demum modo, quo vnum in alio possumus imaginari.

Quæstioni QVOMODO, ET CVM QVO? præfiguntur Regulæ duæ, I. MODVS seu Modalitas, an ex se res id fecerit, an ab alio? in-

trinsecè, an extrinsecè? substantialiter, vel accidentaliter? per materiam, vel formam? primâ productione, an secundariâ? similem an dissimilem? & sic venando, ac replicando per 36. Terminos.

Deindè respôdetur per omnia INSTRUMENTORVM genera, quæ paulò post indicabimus; vt homo viuit per animam, cognoscit per intellectum, spirat per pulmonem, percutit brachio, scribit calamo, loquitur absentibus per literas, bella gerit per exercitus, coronatur lauro & palma, &c. Quæ pariter suggerunt 36. Termini reuoluti in se, & per se innumeris combinationibus replicati; cui rei deferuiunt non parum, notæ omnibus Circumstantiæ,

Quis, quid, Vbi, quibus auxilijs, cur, quomodo quando.

Habet igitur curiosus, Rhetoricâ Lullij Cabalisticâ, 36. Terminis in quatuor Classes seu Circulos distributis, clarè satis & breuiter comprehensam. In quibus notanda est, aurea illa Homeri & Platonis CATENA. Nam I. statuuntur SVBIECTA nouem Generalissi-

ma, extra quæ nihil prorsus extat, Deus, Spiritus, Cœlum, homo, &c.

2. Expediuntur singulis nouem Subjectis adnatæ PROPRIETATES, NOUEM ABSOLVTÆ: & itidem ita Generalissimæ, vt reliquæ ad istas necessariò reuocentur; Bonitas, Magnitudo, Duratio, &c.

3. Quærentur quasi forinsecus, rei tamen cuilibet adhærentes RESPECTVS, seu ad alia comparationes nouem; Differentia, Concordantia, Oppositio, &c.

4. Vt inchoëtur, moueaturque perennis ratiocinatio animi, oris, calami; fabricantur QVÆSTIONES similiter nouem. An, quid, quale, quare, &c. Quæ secus quam dum nebulæ & latibula quærebamur, vltimæ Classi idcirco reseruantur; quia non solum possunt formari de prima Figura. seu de Subjectis, verum etiam de Absolutis & Respectiuis; imò & de seipsis ad inuicem, quia sæpissimè transeunt in Subjecta. Dabo exemplar, ne quid supersit offusciarum. Non solum quæritur de Deo, vel homine, an sit, quid, quale, quare, vnde? &c. Sed etiam vltèrius, an sit

an sit bonus, æternus, potens, virtute & gloria præditus? Rursum vnde illa bonitas, virtus, gloria, propter quid? &c. Pari quoque viâ, quomodo differant Dei & hominis sapientia, virtus, gloria? Imò quid sit hæc ipsa Deum inter & hominem differentia? qualis sit, vnde petenda, quare necessaria? &c.

5. Nouæ literæ, seu notæ & characteres illis 36. Terminis significandis destinantur, adeo-
vt quælibet significet **QVATVOR TERMINOS**, vnū in vna quaque Figura, seu Circulo. verbi gratia B. significat Deum in Circulo S. Bonitatē in Circulo A. Differentiam in Circulo T. An sit in Circulo Q. Adde in artis extensione (quam tamen necessariam minimè iudicauimus) inter vitia, Auaritiam: inter virtutes, Iustitiam. Misterium quidem est tot combinationum & concamerationum, quæ cruces ingeniorum sunt in Magistro Lullio.

6. Attendi debet exquisitè, **CONNEXIO** inter omnia hæc 36. Principia. Est enim **TRIPLEX**; Methodica, quam ita delineatam vidimus, vt primò sint Subjecta, Deus Spiritus, Cælum, homo & ita de reliquis.

2. **ARBITRARIA**, ad libitum Oratoris scilicet ligenda & instituenda; vt si velit à Deo transeat ad Cælū, à Bonitate ad gloriam, à Sapientia ad Angelum, à virtute ad Differentiam, à principio ad quæstionem quare; & ita consequenter.

3. **NATURALIS** & intrinseca connexio illa est, quæ veram scientiam format; quia cognitionem gignit eam quam exigit Aristoteles, per causam propter quam res est, præsertim in quæstione **QUARE?** quæ ideò fons est totius scientiæ; imò & sapientiæ, per altissimas & generalissimas rerum causas, in quo naturalis Beatitudo sita est. Reuera enim,

Felix qui potuit rerum cognoscere causas.

Hæc autem intima & essentialis connexio, iterum **TRIPLEX** est; Generalis, specialis, & specialissima. **GENERALIS** quasi vaga & indifferens vnā perquirat veritatem, vbi-que saltem analogicè radiantem; itavt posito vno ex 36. Terminis, alij omnes consequantur, quia videlicet omnia hæc principia cum ente vno, & perfecto conuertuntur. Ideò ex omnibus Terminis formatur vnus generalis-

simus Terminus, ens videlicet de quo scire possumus & eloqui: ex omnibus Subjectis, vnus conceptus: ex omnibus veritatibus, differentijs, principijs, &c. ratio vna generalissima veritatis, differentia, principij, &c. quæ passim in omni ente reperiuntur.

SPECIALIS connexio Terminorum attenditur ratione præsuppositionis, itavt formalis sit cōsequētia retrograda vnius ad aliud, posterioris ad prius; v. g. Beati sunt gloriosi, ergo eorum gloria vera est: ergo virtuti innititur, ergo amant, & cognoscunt, ergo possunt, ergo existunt in aliqua duratione, ergo habent aliquid in se magnum & præstans, ergo sunt quid Boni, ergo sunt aliquid, ergo non sunt nihil. Ecce analisim primi principij Metaphisici, impossibile est idem esse simul, & non esse.

SPECIALISSIMA connexio omnium optima, quærit non quid præsupponatur: sed quid vna res per se primo producat, vt ordo naturalis constituatur. Verum hætenus dubito, an cuiquam mortalium ea connexio generalis, & rerum omnium penetratio con-

cessa sit. Faciliusque crediderim priuilegium
esse sapientię beatę, fortassis etiam increatę.
Non desunt tamen qui illā gaudeant, in re-
bus nonnullis ; qui in omnibus repererit,
erit certè mihi magnus Apollo.

EXPLICATIONI Artis Lullianę, consulto
à me subiungitur ejusdem Applicatio; vt per
illius MULTIPPLICATIONEM & quasi ex-
tensionem, nostrum hoc Scholasticon finia-
tur. Sit itaque





A P P L I C A T I O

A R T I S L V L L I A N Æ

C A B B A L I S T I C Æ.



CERTE enim cum solempne discrimen sit, artem inter & scientiam, quod ista perpetuis contēplationibus adhæret, de operatione parum admodum sollicita: illa secūs delibatâ præscriptorum theoriâ, statim descendit ad praxim; rectè ut cætera omnia noster Lullius, suam Methodum **A R T E M** appellat, quia illam speculando delineasse vix quicquam est, nisi exercitio perpoliatur. In præceptorum explicatione scientiam non nego, in eloquentia artem esse aio; in Multiplicatione vtriusque mixturam. Sic igitur ad Applicationem deuenies. Cum Oratoris officium sit, de quâlibet re propositâ in vtramque par-

rem aprè differere ad persuadendum; liquet profectò materiam orationis quæstionem esse, quæ de omni Subjectò potest efformari; adeo ut in Cabbalâ, non minus quam in reliquis Disciplinis necesse sit,

1. Scire partes Subjecti propositi, finem quæsitum, & medium ad eundem finem. Subjectum ponatur Theologia, de quâ velut orationis finis inquiretur, sitne reliquis scientijs ac disciplinis præstantior? Assertionis probandæ medium erit, quia hominum salutem juuat augetque plurimum. Cum enim Musica solummodò aures titillet, pictura oculos pascat, Mathematica res merè externas contempletur, Scientia Naturalis plena sit erroribus, Ethica caducam virtutem inspiret; vna nimirum Theologia, hominum mentes eleuat ad certissimam Numinis cognitionem, adorationem ac fruitionem; in quibus sita est salus hominum consummata.

2. Post Subjecti inspectionem (siue thesis, siue hypotesis sit) ad APPLICATIONEM descendere oportet vel Authentice, vel Similitudinariè, vel Exemplariter. Sic nimirum

doceri potest, Regum ac Principum vitam subditorum salutis præferendam. Quod facere debent imprimis Christiani, ad id pietatis officium impulsu vel ipsamet Gentilium auctoritate, qui in solemni precum formula, sic orabant referente Tertulliano;

De nostris annis tibi Iuppiter augeat annos.

Tum ductâ similitudine ab Apibus, quas pulchrè describit Poëtarum Princeps Virgil.

Georg. 4.

Sin autem ad pugnam exierint, nam sepè duobus Regibus incessit magno discordia motu, &c.

Et circa Regem, atque ipsa ad pretoria densa

Miscentur, magnisque vocant clamoribus hostes.

Tandem Exemplo illius, qui cum accepisset ex oraculo Regem in pugna occidendum: Regijs ipse armis corruscans, in medias hostium phalanges irrupit.

Applicatur deindè implicitum ad explicitum, ut animal ad rationale & irrationale; abstractum ad concretum, ut bonitas ad bonum; quæstio ad locum, ut unde est bonus Angelus? A causis, & vice versâ. Res enim noscuntur ut fiunt, per corruptionem igno-

rantia, & doctrinae acquisitionem.

3. Ponendum est **SUBIECTVM** de quo mouetur controuersia, veluti in centro; circum in peripheria triginta sex Termini, qui varie inter se commixti quasi linea, methodo per quam facili deducunt ad circumferentiam stylum orationis, sermonem & calammum oratoris, auditoris attentionem. hæc namque Ars, verè Ars est mnemonica, quod rectè Carbonetus, & alij adnotarunt.

Et hæc quidem Subiecta quaternario numero, ideoque telesmatico absolui potuerant, per

ESSE.

VNUM.

VERVM.

BONVM.

Nisi arrideret magis vnitas nouies replicata, vt in cubum, seu quadratam nouenam desinat.

Sunt ergo vt explicui superius, Subiecta nouem non amplius, & illa quidem generalissima, quorum superiora continent eminenter inferiora; nam mysticus is numerus placuit Cabbalistis, in Ng. Gg. Gp. Inque triplici mundo.

B. DEVS.

B. DEVS.

C. SPIRITVS ANGELICVS.

D. COELVM.

E. HOMO.

F. IMAGINATIVVM.

G. SENSITIVVM.

H. VEGETATIVVM.

I. ELEMENTATIVVM.

K. INSTRUMENTATIVVM.

Ad hæc posse reuocari quæcunque creata
 existunt, vel increata, quis non videt? Vnde &
 de ijs dumtaxat, fingi possunt oratoriæ quæ-
 stiones. Modo supponas, vnum quodque
 Subjectum debere habere propriam defini-
 tionem, differentiam à cæteris, concordan-
 tiam cum singulis & omnibus; sic vt nobilius
 Subjectum pendeat à nobiliori principio, &
 illa nouem certò quodam ordine per ≡ &
 ≡ ð, velut primæ vnitati concatenentur; vt
 ab eo velut principio diffuant, & ad illum
 velut finem reducantur.

Proposito itaq; perthesim, hypotesimve Sub-
 jecto aliquo ex memoratis, velut in centro; il-
 li in peripheria circumdabis triginta sex Ter-
 minos, quatuor Circulis, seu Figuris inclusos.

Tū debet orator singulos attentius inspice-
re, vt pro iudicio & opportunitate omnium
faciat mixturam, in Subiecto quod tractat
exornando. Eo namque modo oratio facilli-
mè multiplicatur, per COMMATA & HIP O-
COLA, quæ suggerēt rei cuiusque Attributa;
quærendo eorum diuisionem, & diuerfa cui-
que Subiecto tribuendo per complexionem
substantialem & accidentalem, dum exami-
nantur

Genus, vt in homine, Animal.

Differentiæ, vt rationalitas.

Species, humana ex animali & rationali.

Proprietates, propriæ vt risibilitas, Aduenti-
tiæ vt color.

Facultates, vt intellectus, voluntas.

Habitus, vt Fides, Scientia, Prudentia.

Operationes, vt amare, ambulare, loqui.

Passiones, vt calefieri, ægrotare, comburi.

Partes, anima, corpus, pes, manus.

Principia, Deus, Elementa.

Causæ, parentes, materia, forma.

Effect⁹, liberi, lucubrationes, Architectonica.

Similia, homo præterit sicut flos agri, fugit-
que velut vmbra.

Conuenientia, hominem decet benefacere,
misericordia moueri.

Opposita, homini aduersatur vitium, Igno-
rantia, Crudelitas.

Priora, parentes liberis, Corpus animâ.

Posteriora, liberi parentibus, natiuitas con-
ceptione.

Exempla, petuntur à Subiecto quod tractatur.

Relatiua, filius ad patrem, simile ad simile.

Extranea, fortuna, diuitiæ, suppellex

Varia. Idque

Naturâ, vt membra in corpore.

Complexione, vt partes domus, cæteræque
artis & Metaphisicæ operationes.

Prædicatione, homo est sapiens, pius, iustus.

Coniunctione, homo coniungit in se corpus
& animam.

Separatione. Ex parte

Subiecti, animal in terrestre, aquatile, vo-
latile. Ex parte

Prædicati, rationale per cognitionem præte-
riti, præsentis & futuri; ac

Modi, &c.

Ea omnia per 36. Terminos variè miscendo:
& vti prædictum est, vel declinando, vel con-

jugando. Valdè porrò notandum, horum omnium Applicationē debere esse VNIFORMEM; itavt quod primū statuitur ex triginta sex Principijs, regula sit & mensura cæterorum. v. g. si in Subiecto posito essentia est infinita, vt in Deo: Bonitas, Magnitudo, Duratio, & reliqua erunt quoque infinita. Si cognitio corporea est, appetitus, cæteraque consequentia erunt etiam corporea. Vnde quando hi Termini alicui Subiecto applicantur, illius induunt naturam. Quo fit vt per rerum Piramidem à nobis excogitatam, & alibi enucleandam, ascendendo nec non descendendo Terminus vnus, opposito vt sic jungi nequaquam debeat. Absolum enim & Mezentij scelus, nec tere Bonitatem malitiæ, durationem non existenti, principium impossibili; sed omnia iustè temperanda.

Summò interim cauendum est opere, ne ex istis Raimundi præceptionibus vana duntaxat, & ostentitia quædam verborum, seu terminorum dilatatio hauriatur; quæ vel pueris ipsis ac mulierculis, haud fecùs quàm pſtacis posset tandem instillari. Cui periculo vt occurratur, penetrandi sunt Artis 36. Termini;

discendæ res ipsæ, in naturæ fideique Schola;
tum quid de eis in scientiarum classibus pas-
sim jactatur, nostra tandem Methodus per-
cipienda; quæ fateor, per Lullianas partiti-
ones latius explicatur, & verò non parum il-
lustratur, tametsi omnino diuersa censerì de-
beat.

Sed enim vbiqùè ars regenda, vitandumque
Auditoris fastidium. Quod vtrumque asse-
queris, si initium orationis facis, & tempera-
mentum aliquando ab absolutis, aliquando
à respectiuis, aliquando ab interrogatis. Si
compares absoluta cum absolutis, absoluta
cum respectiuis, abstracta cum concretis &
similia; donec simili artificio ducatur ad vm-
bilicum, sermonis filum ac textura; quod
dandis ad calcem exemplis, clariùs innotef-
cet. Vt sic per scientiarum orbem, & eloquen-
tiæ Circulum, viuida simul & florida spatie-
tur dicentis, vel scribentis oratio, quæ au-
dientes legentesvè rapiat in admirationem.
Iam verò non vltimum, licet loco vltimo re-
seruatum, Lullianæ Artis misterium est, ejus-
dem



MVLTIPPLICATIO

ARTIS LVLLIANÆ

CABALLISTICÆ.



VÆ ita triginta sex Terminos, seu principia connectit, & in se inuicem replicat seu reuoluit; vt de re quâlibet, scientia & eloquentia oriatur nusquam finienda. Diffusa quidem, sed rationibus pressa, sibi que semper inhærens & simillima.

Talis autem multiplicatio fit non vno modo, in vulgari Dialectica, in Figuris, & in Terminis tam extraneis, quàm innatis seu in arte explicitis.

Prima igitur MVLTIPPLICATIO in Dialectica vulgari, fit per VERBUM mentale, vocale, scriptum; primæ intentionis, quo aliquid verum & reale significatur, vt Deus, ho-

mo, Angelus; secundæ intentionis, quæ nostra conceptio rebus appingit, vt sunt subiectum, prædicatum, antecedens, consequens & similia.

Verba PRIMÆ INTENSIONIS alia sunt positiua, Deus, Angelus, homo: alia verò negatiua, quæ ad positiua reducuntur, mors, tenebræ, cæcitas.

POSITIVORVM alia sunt vniuersalia, vt spiritus, corpus, animal, homo: alia particularia, vt Michaël, Leo, Petrus.

VNIVERSALIA sunt I. vniuoca seu sinonima, quæ idem nomen, eundemque habent significatum essentialem, vt homo, lapis, Leo. Suntque præcipuæ voces quinque Genus, species, differentia, proprium, Accidens, de quibus Logici. 2. ÆQVIVOCA, quæ in nomine à casu, vel consilio imposito solum conueniunt, differunt in definitione essentiali; vt canis respectu Terrestris, Aquatilis, Cælestis. 3. ANALOGA, quorum nomen commune, ratio per nomen significata partim eadem, partim diuersa, vt vertex montis & capitis; sanitas in medico, medicinâ, & à mor-

bo liberato. Fit autem Analogia vel secundum ATTRIBUTIONEM, quando vnum aliquid præcipuum, significatum ita possidet, vt reliqua ad illud referantur; vt pater de Deo dicitur principaliter, quia ab illo omnis paternitas in Cœlo & in terra nominatur. vel secundum PROPORTIONEM, vt vertex dicitur proportionaliter de suprema parte montis, capitis, &c.

Sunt insuper SINONIMA, seu polionima, vt Deus, supremum numen, Creator, opifex; nomina quippe diuersa, ratio nominibus significata prorsus eadem. HETERONIMA, nomine & ratione differunt, vt amor, amarus, amare. Nominantur etiam TERMINI CATEGOREMATICI, qui scilicet aliquâ ex decem categorijs continentur, vt substantia, quantitas, qualitas, &c.

TRANSCENDENTALES, qui extra categorias excurrunt, continenturque hoc vocabulo REVBAY; id est Res, Ens, vnum, bonum, aliquid, verum. DISIUNCTIVI, hic, aliquis, &c.

COLLECTIVI, vt multi, trium viri, paterfamilias, &c.

SIN-

SINGVLARES, qui rem demonstrant.

Tandem CATHEGOREMATICI, Cincathegorematici, Abstracti, Concreti, Absoluti, Connotatiui, Subsistentes, Inhærentes; alijque, quos fusiùs recenset, & explicat Peripareticorum Dialectica; quam idcirco huic Arti præmittere commodum erit, vt per illos Terminos amplificetur tum Scientia, tum Eloquentia.

SECUNDA MULTIPLICATIO fit PER FIGVRAS, in propria scilicet & aliena. IN PROPRIA quidem, vnum prædicatum per alia simpliciter deducendo, vel vt jacent; vt differentia differentia, differentia concordia, bonitas bonitatis, bonitas magnitudinis. Vel commixtione arbitraria, vt differentia principij, concordia, finis; idque ascendendo à particularibus ad vniuersalia; & contra.

IN ALIENA DVPLICITER. I. Miscendo T. & S. idest voluendo Circulum seu Figuram Respectiuorum, per Figuram Subjectorum; vt si vestigetur differentia vel concordia GENERALITER, inter B. & E. idest

Deum inter & hominem. SPECIALITER, inter Michaëlem & Petrum; SPECIALISSIME, inter Petrum & Ioannem. 2. Miscendo T. & A. idest Respectiua & absoluta; vt si quæritur differentia inter bonitatem & bonitatē, inter bonitatem & magnitudinem &c. 3. Inueniendo & miscendo Terminos EXTRANEOs, quos scilicet Methodus hæc disertè non exprimit, vt potè minus generales & immediatos. Emerguntque 1. ex Terminis triginta sex quatuor Figurarum, vt Petrus in E. S. 2. Per oppositionem ad aliquem ex illis Terminis, vt Malitia opponitur bonitati.

3. Vicinitate, & similitudine ad eosdem, vt immensitas magnitudini, & extensio quantitati vicina est.

Illos verò suggerunt diuersæ Sciētix; producitque exemplum Lullius in suis CENTVM FORMIS. Quæ nihil aliud sunt, quàm proprietates profluentes à rei cuiusque differentiâ, vel modo intrinseco. CUIVSMODI sunt vnitas, pluralitas, simplicitas, materia, exterioritas, interioritas, dispositio, proprietates, conditio, ordinatio, dependentia, &c.

Suntque velut SECUNDARIA MEDIA, quæ studiosos paulatim deducunt ad ipsius essentiae cognitionem. Adeo ut si rei cuiuspiam essentia ignoretur, statim recurrendum sit ad illius Terminos extraneos, formas seu proprietates; quæ velut diuersi radij simul vniti, solem repræsentabunt. Cauendum tamen summopere, ne ad rei notitiam comparandam, inhæreatur affectionibus, quæ communes sint & nimis vagæ: alioquin definitio erit impropria, certè superflua, & oratio sua extensione languescens.

Quod si rei alicujus ignoraueris tam essentiam, quam proprietates, sine morâ recurre ad NATVRAM REI OPPOSITÆ. Si enim nosti hujus proprietates (vt fermè fit) omnino diuersas conclude de re quam quæris, & negotium scientiæ confectum est. Verbi gratia, diei proprietates ignoras, recurre ad noctem; hæc obscura est & nigerrima, ergo dies clara & lucida. Æstatem ignoras, ejusque proprietates, cogita hiemem; hæc frigidissima est, ergo æstas calore feruet. Mors quid sit, nunquam expertus es: vitæ proprietates

meditare, spiras, loqueris, manducas, ambulas, &c. ergo in interitu horum omnium contraria; mortui namque os habent & non locuntur, oculos habent & minime vident. Libertatem minime gustasti, finge tibi diuersissimam vitam à carcere, compedibus, neruo, fustibus, &c.

Omnis porrò Multiplicatio, sit **PER PROPOSITIONES**. Vt autem fiat propositio, inquire Subjectum, deinde prædicatum, mouendo Circulos. Vt inuenias **SUBIECTVM**, perquire nouem Cameras, seu Terminos, primæ Figuræ **S**. In aliqua nouem cellularum latitabit vel explicitè, vt Deus sub **B**. Angelus sub **C**. Homo sub **E**. Vel implicitè, vt persona Patris, aut Spiritus sancti sub **B**. Michaël sub **C**. Ioannes sub **E**. Quod si in nullo laterculo primi Circuli Subjectum occurrat, reuolue **A**. & **T**. hoc est secundam Figuram Absolutorum, & tertiam Respectiuorum. Quæ quia sæpè induit, vt dixi, naturam Subjectorum, Subjectum illud quod quæris subministrabunt. Demus exemplum hoc modo. In Figura **A**. Sapientia est causa cur Dei boni-

tas, sciat producere creaturas sibi similes & bonas. Et quia hæc sapientia Dei magna est, æterna, potentissima, gloriosa, &c. Efficit vt Deus producat in Creaturis imaginem suæ magnitudinis, æternitatis, potentia, gloriæ, &c.

Eodem modò decurre Figuram T. Respecti- uorum; Sapientia cuncta ordinans causa est, cur Deus omnia creando distinxit. Et quia sapientia per Concordiam omnia conjungit in vnitate, ratio est cur Deus tot partes mun- di differentes vniuit in vniuerso. Et quia sa- pientia opponitur ignoratiæ, per illam Deus omnia condidit in luce, sine tenebris & igno- rantia. Quod in infinitum poterit extendi, si lubet.

Ex quibus conclude, Terminos in Arte Ex- pressos variè misceri, ad augendam Mul- tiplicationem. 1. miscentur expliciti inter se; bonitas & magnitudo, magnitudo & dura- tio, potestas & differentia, concordia & prin- cipium, &c. 2. EXTRANEI inter se, vnitas & simplicitas, materia & forma, interioritas & exterioritas. 3. EXPLICITI CVM EX-

TRANS, bonitas & vnitas, pluralitas & differentia, simplicitas & gloria.

Multiplicantur autem vel in VNA FIGVRA, vel in duplici, etiam interdum multiplici; idque ex parte subiecti, prædicati, modi, aut omnium simul. Exemplis rem illustremus. In S. seu prima Figura simpliciter, quæ est Subiectorum, Deus est homo: homo est sentiens & vegetans.

In A. seu secunda Figura Absolutorum, bonitas est magna, cognitio est vera;

In T. Differentia est opposita. Deinde ipsæmet Figuras combinando, & miscendo.

In S. A. Deus est Bonus, Sapiens, Magnus, &c.

In S. T. Deus est Principium, & Finis.

In S. Q. Angelus est à Deo: homo propter Deum.

In A. T. Bonitas est concordans: Magnitudo est differens.

In T. Q. Differentia est à forma. Et eo modo, cum vna literula miscentur & variantur triginta sex Termini, itavt in infinitum excurrat oratio; verbi gratia, Deus melior est Angelo, quia ejus duratio magnitudinis est eterna. In

ista propositione vnica habes sex literas,
Deus, ecce B. S. *Melior*, ecce B. A. *Angelo*, ec-
ce C. S. *Duratio*, ecce D. A. *Magnitudinis*, ec-
ce C. A. *Æterna*, D. A.

Verum enimvero species commixtionis præ-
cipuæ & quasi principes, apud Raimundum
sunt quatuor.

PRIMA est Figura A. idest Absolutorum in
seipsa, vt bonitas est magna.

SECUNDA T. idest Respectiuorum, diffe-
rentia est opposita.

TERTIA ex combinatione A. & T. idest
Absolutorum simul & Respectiuorum, mag-
nitude est differens.

QUARTA COALESCIT ex tribus præce-
dentibus simul junctis, ideòque censetur
omnium sicut generalissima, sic optima.

Constatque TRIBVS CIRCVLIS, quorum
superior stat semper immobilis, duo inferio-
res mouentur. Itavt in qualibet Camera seu
cellula TRES LITERÆ sint, quarum pri-
ma indicat Subjecta propositionum, secunda
media copulantiæ, tertia prædicata quæ
enunciantur.

IN SECUNDA FIGURA A. Termini omnes de primò Subjecto, nempe Deo, ad INVICEM conuertuntur: de reliquis octo Subjectis, non nisi seruata proportione. Illiusque munus est & OFFICIUM, manifestare NATURALEM CONIUNCTIONEM inter Subjecta & prædicata: quænam conuertuntur ad inuicem, & quæ non conuertuntur, passiones proprias & aduentitias; ex quibus nascuntur MEDIA ad scientiam necessaria.

Atque hujus quidem Figuræ mixtio fit.

1. In abstracto, bonitas est magnitudo.
2. In concreto bonum est magnum.
3. In abstracto & concreto, bonitas est magna.
4. In concreto & abstracto, magnitudo est bona. Sed imprimis attendi debet CONSONANTIA inter Terminos, vt congruè procedat ratiocinatio; de quo enim affirmatur bonitas æterna, virtus finita dici non debet, quod suprà insinuauimus.

TERTIA FIGURA T. seu Respectiuorum, voluitur circulariter, linealiter, & transversaliter;

uersaliter; mutando angulos cum angulis, &
 terminos cum terminis, generaliter & spe-
 cialiter. Itavt anguli mutuò se penetrent, &
 adjuuent. Denique Figura A. T. quæ miscet
 omnia Absoluta cum omnibus Respectivis,
 media quam plurima perquirens; continet-
 que triginta sex Cameras, seu Terminorum
 combinationes, quarum quælibet continet
 duodecim propositiones. Quæ trium Figura-
 rum combinationes, efficiunt de vno quoq;
 Subjecto plusquam MILLE PROPOSITIO-
 NES, quarum vna alteram gignit, & corro-
 borat. Propositio enim cõfirmatur, tùm cùm
 in suos resolvitur Terminos, & hi per Cîrcu-
 los deducuntur. Quid enim aliud confirma-
 tio, quam plurium propositionum simul jun-
 ctarum cohærentia? virtus namq; eo fortior,
 quo magis vnita. Quanquam in tanta propo-
 sitionum copia, quæ orationem & scien-
 tiam partim juuant, partim amplificant, par-
 tim ornant, seligendæ potiores, nec enim nu-
 merandæ sunt, sed ponderandæ; sæpè alio-
 quin, eedem combinationes recurrerent satis
 inutiliter. Exemplum vnicum statuamus, in

quatuor Figuris.

Probandum assumo sequentem propositionem, bonitas Dei est gloriosa. Subiectum propositionis est bonitas, prædicatum gloriosa; Ambo in Circulo A. sub literis B. & K. Sic igitur perlustrabo, vel si placet loqui cum Doctore, enacuabo Circulos & Cameras; primo quidem, planè & simpliciter in eadem Figura A. per nouem media.

1. Quod se admirabiliter diffundit in omnes Creaturas, est gloriosum; bonitas Dei diffundit se in omnes Creaturas; ergo bonitas Dei est gloriosa. Habes combinationem B. B. K.
2. Quod magnitudine sua se extendit ad Angelos & homines, gloriosum est: bonitas Dei est ejusmodi; ergo &c. Est combinatio C. B. K.
3. Quod æternum est, gloriosum est; bonitas Dei est æterna, ergo gloriosa; en D. B. K.
4. Quod potestatem habet super omnia, gloriosum est; bonitas Dei est ejusmodi; ergo; ecce E. B. K. Et sic consequenter vsque ad K. Quod affert Gloriam Deo, Angelis, & hominibus gloriosum est: bonitas Dei affert gloriam Deo, Angelis, Hominibus; ergo bonitas

Dei est gloriosa; combinantur in hac propositione K. B. K.

Haud aliter demonstratur propositio per novem cameras Circuli T. seu Respectiuorum.

1. Quod cuilibet enti suas proprietates tribuit, est gloriosum; bonitas Dei tribuit cuilibet enti, &c. ergo gloriosa; en B. B. K.

2. Quod omnia reducit in harmoniam, & quasi perfectissimam consonantiam, gloriosum est; bonitas Dei est ejusmodi, ergo; en C. B. K.

3. Quod apponitur malitiæ & infamiæ, gloriosum est: bonitas Dei est ejusmodi, ergo; en D. B. K.

4. Quod omnium rerum principium est, gloriosum est: bonitas Dei est omnium rerum principium, ergo gloriosa; en E. B. K. Et ita de alijs quatuor.

Vis miscere omnes Figuras? sic age. Quod
C. S. D. S.

tribuit Angelis immortalitatem, soli lucem,

E. S. I. S. H. S.

homini gratiam à lapidibus & brutis diffe-

C. T.

B. S.

G. A.

rentem, simillimam Deo; quem reddit ama-

D. A.

K. A.

K. S.

K. A.

bilem in æterna gloria, per lumen gloriæ

K. A.

cognoscendum, gloriosum est: bonitas Dei
 ea omnia exequitur; ergo gloriosa est. Hic
 decem & quatuor combinationes videas.
 E. in S: I in S: H. in S: B. in T: C. in T: B. in S:
 G. in A: D. in A: K. in A: K. in S: K. in A:
 F. in A: tandem prædicatum K. in A; id quod
 demonstrant notulæ literarum terminis quos
 designant, superpositæ.

Brevius sic habe, quod habet principium
 æternum à seipso, Gloriosum est: bonitas Dei
 habet principium æternum à seipso; ergo bo-
 nitas Dei est gloriosa. Vides probationem uti-
 què efficacem, quam format combinatio.
 E. in T. nempe *Principium*, quartus Ter-
 minus Respectivus. Deinde D. in A. nem-
 pe *ÆTERNVM*, species durationis, quæ
 est tertium Absolutum. Tandem F. in Q.
V N D E nimirum, quæ est quæstio

quinta. Quæ tres combinationes mutuo se iuuant, vt confirmetur propositio B K. in S. & A. videlicet Bonitas Dei est gloriosa. iam opinor concludet quiuis cum Græco Poeta,
σαφὴς ἔστι σοφὴς.

Denique triginta sex Artis hujus Terminos si cupis **MULTIPlicARE**, illorum partitiones & proprietates, per titulos & subtitulos diligenter addisce. Neque hîc pretium est, singulos per natiuam illis amplificationem diducere, habent siquidem debita spatia in Circulis Enciclopædiæ; adeo vt classes præcipuas & cellulas quibus locantur, indicare sit satis. Singulos igitur triginta sex Terminos relegamus, & summatim distribuamus.

- B. Deus.
- C. Spiritus Angelicus.
- D. Cœlum.
- E. Homo.
- F. Imaginatum.
- G. Sensituum.
- H. Vegetatum.
- I. Elementatum.
- K. Instrumentatum.

Totam replet THEOLOGIAM; sed maximè PRIMAM partem, vt vni-trinus, autorque vniuersorum. SECUNDAM, vt finis per virtutum opera acquirendus. TERTIAM, vt Incarnatus autorque gratiæ, sacramentorum, & gloriæ consummator. Atque sub hoc respectu triplici, cognoscitur supremum illud: Ens viâ

CAUSALITATIS, cum à creaturarum cognitione conscēdimus ad notitiam Creatoris. Vt mundus non est à seipso, ergo à Deo conditore.

EMINENTIÆ, vbi omnis creaturarum perfectio creatori tribuitur, sed ratione eminentissima; vt sapientiæ radij in hominibus elucēt, ergo in Deo omnis sapientiæ pelagus.

REMOTIONIS, quoties creaturarum defectus remouentur à creatore. Vt Deus est vtique scientiarum Dominus, sed citra tenebras & ignorantiam. Deinde intelligitur EXISTENS vbiquè per essentiam, præsentiā, & potentiam. Quippe agit seu OPERATUR,

INTERIVS, per cognitionem intellectus, quâ filium progignit: deinde per voluntatis amorem, quæ productio est Spiritus sancti.

EXTERIVS, per opera tempora nea quibus exit quasi extra se; cuiusmodi sunt creatio, conseruatio, redemptio, iustificatio, glorificatio. Hæc enim varias constituunt Entis supremi proprietates; quarum aliæ vocantur **P**ERSONALES, sic solus pater gignit: aliæ verò

ESSENTIALES, potentia, scientia, æternitas; aliaque attributa.

SPIRITVS ANGELICVS.

Substantia nimirum creata, & ab omni materie secreta; cuius potissima **O**PERATIO est intelligere, vnde nomen intelligentiæ illis tributum: secundaria mitti à Deo ad diuersa officia, vnde Angeli nuncupantur. Suntque omnes natura boni, plerique autem sua culpa mali. Vtrique considerantur in prima itidem parte Summæ Theologicæ, vbi inspicitur Angelorum

NATVRA.

INTELLECTVS.

VOLVNTAS.

OPERATIO, ET MOTVS.

CREATIO.

GRATIA.

GLORIA.

ORDO HIERARCHICVS, per nouem classes distributus; sunt enim Cherubini, Seraphini, Throni, Dominationes, Principatus, Potestates, Virtutes, Archangeli, Angeli.

Diabolus verò Angelus naturâ est, sed à gratiâ Apostata: & à Cœlesti gloriæ regno suâ culpâ, in æternas inferorum tenebras detrusus.

C O E L V M.

Ostendunt libri de Cœlo in Philosophia, consideratis illorum,

ESSENTIA, quæ diuersæ, saltem nobilioris naturæ, quantum constituunt corpus, seu elementum.

NUMERO, nam Cælum censetur alijs vnum, alijs Tria, alijs nouem, alijs plura vel pauciora.

MOTV, Circulari à seipso vel ab Angelo assistente, non informante.

ACCIDENTIBVS, quorum alia consequuntur

tur Cœli materiam, vt sunt durities, densitas, raritas, pelluciditas, opacitas: alia formæ adhærent, vt motus de quo paulò ante, lux solis & astrorum, calor virtualis, influentiæ occultæ.

H O M O

Narratur vbique in Philosophia, in Theologia, in Medicina; vbi examinatur illius

NOMEN, impositum appellationis causâ, à parentibus, patriâ, casu, &c.

NATURA, in sexu, gente, natione, cognatione, patriâ, ætate, bonis fortunæ, corporis, animæ.

VIRTUS, apud quos vixerit, quomodo, quos habuerit præceptores, socios, amicos: quo in negotio, quibus artibus & quæstibus fuerit occupatus, quâ vsus consuetudine domesticâ & ciuili, quomodo administrauerit familiam, communitatem, &c.

IN FORTUNA, quæritur liberne an seruus, pecuniosus an contra, priuatus, felix, clarus: quos liberos, seruos habuerit; quos gesserit magistratus, & cætera quæ fortunæ bonis comprehenduntur; ad quæ etiam vitæ & mortis

M

genus reuocari potest.

HABITVS definitur, animæ & corporis constans & absoluta in re aliquâ perfectio. Ejus partes sunt si corpus inspiciamus, studio & industriâ corpori comparatæ dotes; si animum, Scientiæ virtutumque perceptio.

AFFECTIO seu passio, est animi aut corporis ex tempore & causâ facta mutatio; vt lætitia, cupiditas, dolor, vnîuersæ demum animi affectiones, sentientisque appetitus passionibus.

STVDIVM, est assidua & vehemens animi ad aliquam rem applicatio, vt ad Grammaticam, Geometriam, Militiam, &c.

CONSILIVM, est aliquid faciendi, aut non faciendi verè excogitata ratio.

FACTA, casus & sermones tribus pensantis temporis partibus, quid fecerit, faciat & factururus sit; quid acciderit, accadat aut accidere possit; quid dixerit, &c.

IN NEGOTIIS considerantur ea quæ antecesserunt, quæ illius complexione gesta & dicta, quæ causæ, quæ in gerendo negotio interueniunt, quæ consequuntur.

IN GESTIONE considerantur locus, tempus, modus, occasio, facultas.

RELIGIO, Clericus, an Secularis, Monachus, Episcopus, Sacerdos? Atheus, Paganus, Iudæus, Schismaticus, Hæreticus? &c.

POSTERITAS, vbi de morte, & quæ ante vel post officia, prærogatiuæ, liberi, opera, monumenta, gratia & gloria.

In quinta Subjectorum classe numerantur

IMAGINATIVVM.

Quod explicat Physica & Medicina, per

ESSE

VIVERE

SENTIRE intrinsecè; nam sentire extrinsecè, pertinet ad sextum subjectum, nempe

SENSITIVVM.

Ibidem expositum, per

ESSE

VIVERE

SENTIRE extrinsecè; & quidè quintupliciter, VISV, respectu luminis & coloris, quid enim aliud oculus prospicit?

AVDITV, respectu soni, quem efficiunt durities corporum & leuitas aëris in aëre, aqua

& igne per murmur, vocem, & Echum.

GUSTV, respectu saporum qui in humido siti sunt.

ODORATV, respectu odorum qui magis sicci sunt.

TACTV, quod faciunt animalia nullo medio externo, siue interno, per neruum & cutem. Quæcumque etenim verè viuunt vti animalia omnia, vita fruuntur sensitiua; cuius operationes præcipuæ tres.

SENSATIO quintuplex, ante recensita.

MOTIO progressionis quadrupedum, piscium, auium; cum violenta, seu corporum projectorum.

APPETITIO naturalis, quæ & instinctus dicitur.

ANIMALIS SEV SENSITIVA, cui subnascuntur PASSIONES sex in concupiscibili; Amor erga bonum cognitum, desiderium si abest, gaudium si adest, odium circa malum oblatum, fuga si malum absens est, Tristitia si præsens. Quinque in irascibili, circa bonum arduum absens, spes; si extra spem est, desperatio: nullus autem motus si illud bonum

num præfens est, quia arduum esse definit. Circa malum arduum vt fugiatur, timor: vt repellatur, audacia; si opprimit, ira excandescit. Est demum

APPETITVS rationalis in intellectu & voluntate, à quo humanæ actiones

ELICITÆ, quando intellectus vel voluntas immediatè, & per se illas producit.

IMPERATÆ, cum ab alijs facultatibus exe-
runtur, jussu tamen superioris.

INTERNÆ, cognoscere, amare, &c.

EXTERNÆ, quas peragunt diuersa mem-
brorum ministeria. Atque in hac vitæ sen-
tientis classe recensentur,

ZOOΦΥΤΑ, sine motu, & perpetuo adhæren-
tia, vt ostrea: non semper adhærentia, vt mi-
tuli, les moucles.

IMPERFECTA cum motu, vt cancri fluuia-
tiles, lacerti, &c. item vermes, nascentes

Ex plantis, & seminibus, vt formicæ, erucæ,
Aselli, &c.

Ex homine exterius, pediculi, pulices, cinifes,
&c. Interius ex intestinis, lumbrici rotundi,
oblógi, latitæniæ, ascarides seu pungētes, &c.

Ex Piscibus, Echenis, seu Remora; Stella, seu Aster.

Ex Auibus, Muscæ, Vespæ, Papiliones.

Ex Serpentibus, Aranæ, Phalangia, Tarantulæ, Scorpiones. Similiter

M I N V S I M P E R F E C T A A M P H I B I A.

E Terra fiber, seu Castor.

Ex Aëre vespertilio.

Ex Aqua rana, ἰχθυόπτερος.

Ex Igne Salamandræ, Piraustes, &c. His accensentur

E X A N G V I A, I N S E C T A, &c.

M O N S T R A, vt muli, &c. ex diuersarum specierum copula. Tandem eminentiori loco extant

P E R F E C T A T E R R E S T R I A

Ouipara, viuipara, seminipara.

Ruminantia, vt Bos.

Non cornuta, Lepus, Leo.

Cornuta cum pilis, Capræ.

Siluestria, Cerui, Damæ, Capreoli.

Setigera, Boues, Sues.

Lanigera, Oues.

Non ruminantia, vnguifida, porci,

Πολύδαχθυλα, vnguibus non fissis digitorum
more, vt Talpæ, Mustellæ, Simiæ, Vrsi, &c.

Vnguifolida, prominentibus dentibus, vt
Elephas.

Planis vt æquus. Sequuntur

AQUATICA

In Aqua dulci vel fassa, maiora vel minora,
scabra seu aspera, squammosa, crustacea, spi-
nosa, interius vel exterius.

Plana, vt quatuor Solearum species.

Longa, vt Murena, Anguilla.

Mollia, Sæpiæ, Polipi.

Ovipara, Moruca seu Mixa, & *Silurus*.

Viui para, Balæna, Delphis, &c.

Domestica stantia, vt Gallinæ.

Non stantia, vt Anates, Columbæ.

Transitoria, vt Grues, Hirundines.

Aues oscines quæ cantant pipiando, en pio-
lant, vt Pulli gallinacei.

Cucutiendo, en criquetant, Coturnix, Quis-
cula.

Modulando, fredonnant, Philomela.

Sibilando, gazoüillant, Merula, Sturnus.

Garriendo, jargonant, Pica, Gracculus, Psit-
tacus.

Silueſtria pulueracea, vt ſunt Gallinæ indicæ,
Perdices, Roſtratulæ Becaffes.

Aueſ inoſcines, omniuoræ ſeu πένταγοι, aqua-
ticæ, apodes, palmipedes, Olores, Anſeres, &c.
Σχιζόποδες & digitatæ, Ibis, Ciconia.

Rapaces piſciuoræ, Ardea.

Carniuoræ, Accipitres, Aquilæ, Vultures.

Haſtenus de Senſitiuo.

V E G E T A T I V V M.

EXPLICATUR per

Esse, &

VIVERE. Animæ quippe vegetantis quæ
plantis propria eſt, tria ſunt munera;

NUTRITIO, quæ finitur tranſmutatio ali-
menti præparati in ſubſtantiam viuentis.

ACCRETIO, mutatio quâ ſecundum quan-
tatem idem numero viuens ad terminum
tendit, per intus ſuſceptionem; cuius cauſa
efficiens præcipua, ipſum viuens: ſecundaria,
calor naturalis; materialis, quantitas: finalis,
perfecta conſtitutio.

GENERATIO, progreſſio de non eſſe, ad eſ-
ſe; ſeu productio viuentis à viuente, in ſimili-
tudinem naturæ.

PLAN-

PLANTARVM porrò Genera quatuor.

ARBOR, Pinus, Quercus, Abies.

FRUTEX, Laurus, Ligustum.

SVFFRUTEX, Rosmarinus, Lauendula.

HERBA seu olus, Plantago, Borrago, Beta;

in quibus singulis, PARTES considerantur

Perpetuæ, vt radices, caudices, rami, cortices, matrix, medullæ.

Annuæ vt flores, calices, semina, bacca, filiquæ umbellæ. Decidentia quoque sunt

Excrementa, musci, resinæ, succi, gummi, lachrymæ, viscum, cuscuta seu cassuta. In his attenditur

NASCITVRA per cultum feminis frugiferi, vt Pomi: infrugiferi; vt salicis & partium ramorum, radices, lachrymarum, vt in insitionibus.

ARTOMATA seu spontanea & sine cultu, solâ Dei & naturæ prouidentiâ. Consideratur deinde

QVANTITAS INTERIOR, in Arboribus cæduis, succisiuis, viminibus.

In Arbustis rosetis, violetis, &c.

In Oleribus repentibus, lactuca, acetosa, &c.

N

QUANTITAS EXTERIOR loci; domesti-
cæ, excultæ, spontaneæ, siluestres, peregrinæ.
Temporis quo durant & protuberant, nas-
cuntur aut plantantur. Post quantitem pen-
sanda

MATERIA ET SAPOR. Nam

Ex tenui sicca & calida materia nascitur acer
acre, vt in pipere.

Ex tenui sicca & frigida, acidus aigre, vt in li-
monibus & aceto.

Ex tenui aërea sed moderatè calidâ, pinguis,
vt in oleo.

Ex calida & sicca sed mediocri, salsus.

Ex mediocri, terrena & aquea frigidiori, au-
sterus qui idem crudus, viridis & acerbus, vt
in omphacio ex vuis immaturis.

Ex temperata dulcis, vt in saccaro & rigalissa.

Ex crassa terrestri & deusta amarus, vt in felle.

Insipiditas græcis ἀσθονος est priuatio saporis in
materia crassa, sed multo humore perfusa; cu-
iusmodi sentitur in cucurbita, farre, &c. Tan-
dem considerata est vegetatiui

QUALITAS, in forma interna secundum ac-
tionem inter se, vt caules & vinea: inter alias

vt raphanus, &c.

Secundum passionem in pejus, vt frumentum in lolium: in melius, vt secalia in frumentum.

In forma externa seu figura, cuiusmodi sunt folia longa, lata, rotunda, dentata, &c.

Flores integri, simplices, multiplices, variegati, &c.

In situ, terræ adnascentes, adhærentes, montanæ, vallosæ, aquosæ, arenosæ, &c.

In Colore viridi, albo, rubeo, &c.

Siccitate vel humiditate perenni, vel annua:

Odore suavi, & graueolento. *Post vegetatiuū*

E L E M E N T A T I V V M

Speciali tractatu in Philosophia enucleant,
Elementa quatuor SIMPLICIA. Quorum
Rex aut Tyrannus,

IONIS summè calidus & moderatè ficcus:
actualis in flamma & carbone, virtualis in
omnibus calidis; reperiturque si Magistris
placet,

In concauo Lunæ, sine motu & pastu.

Cum pastu super, in, intra terram.

Naturalis in foco, artificialis in silice, miracu-

lofus in inferno.

A E R summè humidus, moderatè calidus, solum enim per accidens exsiccat; quem tres regiones partiuntur, superior, media, infima, cum quatuor Ventis.

A Q V A summè frigida excellenter quoque humida, falsa vel dulcis, Oceani, Mediterranea, Fontis, Riui, Fluminis, Stagni, Torrentis, Elementaris, Naturalis, Pluuiialis, Artificialis.

T E R R A summè sicca, moderatè frigida variè per Geographiam distributa. Alterum Elementum vocatur

C O M P O S I T V M, videlicet in corporibus mixtis, quorum alia imperfecta, alia perfecta, vulgo Meteora seu Impressiones; quorum principia duo,

V A P O R, halitus scilicet calidus & humidus nascens ex aquis; & E X H A L A T I O, calida & sicca. Vnde distinguuntur Meteora ignita, lucida, humida, sicca; forma illis eadem, cum suis principijs Elementaribus; figuræ innumerae scopæ, serpentis, jubæ expansæ & similia. His adjungi debent quæ sunt quasi me-

dia, & rerum omnium vincula; appellantur-
que

SEMINA, in animatis.

GERMINA, in vegetabilibus.

PRINCIPIA, & quasi rudimenta, in mi-
neralibus; his enim velut mediæ traduces
connectuntur, inter

Tetram & Aquam, limus.

Aquam & Aërem, vapor.

Aërem & Ignem, exhalatio.

Ignem & Cœlum, Æther. Hæc de simplici-
bus. In compositis verò pariter, inter

Limum & lapides, Argilla.

Aquam & Adamantem, Cristallus.

Aquam & Metalla, hydrargirus.

Plantas & Lapides, Corallium.

Plantas & Mineralia, Argirodendron.

Tetram & Plantas, fungi, boleti, tubera.

Plantas & animalia ζώοντα. Similiter in ani-
matis inter

Pisces & terrestria, Amphibia.

Masculos & foeminas, hermaphroditi, seu An-
drogini.

Aquatica & volucres, ἰχθυόπτερα.

Aues, & reptilia, vespertilio.

Homines inter & bruta, simiæ.

Inter Animalia & Angelos Satyri, Fauni, Genij, Incubi, Succubi.

Homines inter & Angelos Deus, circuli fibula, rerum α & ω , vniuersitatis author. Iam verò composita perfecta sunt,

L A P I D E S P R E T I O S I.

Diaphani & perspicui, puta Adamas, Opala, Berillus, Onix, &c.

Politi & læues, iaspes, Turqueza, Achates, Marmor, Alabastrites, Chalcedonius, &c.

E Terra, creta, ochra, sandix, terra lemnia, amiantus, alumen rochæ, terræ carbo, lapis lidius, &c.

Ex Animalibus, Ceruinus, Taurinus, &c.

Ex Piscibus, vniones, & anonimus è capite cancrorum fluuiatilium.

E Serpentibus, bathrachides, crapaudina.

Ex minereis, sal, vitrum, ambra, campha, bitumen, calcantum, sulphur, &c.

M E T A L L A I M P E R F E C T A.

Metallina, minium, lapis lazuli seu cianus, auripigmentum, arsenicum, sublimatum, lapis

calaminaris, spodium, flos æris, ærugo æris.
 Marcasita, pyrites, chrisites, argyrites; tot de-
 nique, quot species metallorum; quæ sunt
 Aurum, Argentum, Æs, Plumbum, Stannum,
 Ferrum.

MIXTA SEV ARTIFICIALIA.

Electrum, ex auro & argento.

Plumbago, ex plumbo & argento.

Stannum glaciei Bissemutum, ex plumbo &
 argento.

Aurichalcum, ex auro & argento.

Æs chorinthium, ex omnibus. Aut per veram
 transmutationem,

ooo in aurum; cujus materia tam incerta,
 quam ars ipsa nebulonibus infelix, spondens
 diuitias quas non habet, fumosq; diuendens
 & cruces comparans.

Silicis in chalibem.

Ferri in Æs.

Vitri in Argentum, &c. Omnium autem

METALLORVM PRINCIPIA.

REMOTA, exhalatio & vapor.

PROXIMA, sulphur & argentum.

RVDIMENTA, metallina & marcasita; qui-

bus absoluuntur ea omnia quæ in Elementorum regno & imperio subjacent. Cui postremo & ultimo loco, pro Coronide superadditur,

INSTRUMENTATIVVM.

Quod quidem explicant infinitis propemodum subdiuisionibus tam Philosophia, quam moralis Theologia; definiturque accidens in alio, cui cooperatur in actione sua. Est autem multiplex

CONJUNCTVM, vt manus.

SEPARATVM, vt germen.

INTRINSECVM, vt calor naturalis.

EXTRINSECVM, vt malleus.

VNIVERSALE, vt lumen & calor solis.

PARTICVLARE, vt calamus, semine hominis.

NATVRALE necessarium, vt oculi, pedes.

ARTIFICIALE & arbitrarium, vt Angeli, Cœli, respectu Dei: equi, & boues, respectu hominis: malleus & securis, respectu artis.

MORALE, vt virtutes & vitia; quæ tum interiora, tum exteriora Ethica percipiunt. Atque his quidem Subjectis innituntur, licet in explicatione Artis ultimo loco referuantur,

INTER-

RAIMVNDI LVLLII. 105
INTERROGATA SEV QVÆSTIONES.

AN SIT.

QVID.

QVALE.

QVANTVM.

VNDE.

QVARE.

QVANDO.

VBI.

QVOMODO.

In quibus occurrit omnium prima Quæstio

AN SIT?

Hujus etsi rarò sit mentio, quoties tamen occurrit, subdiuiditur an sit, fuerit, futurum sit, fiat?

AN POSSIBILE?

IMPOSSIBILE?

NECESSARIVM?

CONTINGENS? Quibus respondemus affirmando, negando, dubitando, distinguendo. Estque optimum, si initio vtrūque supponatur possibile, & impossibile; nam proprius actus intellectus est intelligere, non credere: vnde id quod magis intelligitur, magis est

O

vero similis.

Q V I D S I T.

Explicatur per definitionem, vestigando in vnaquaque re, quid sit rei in Genere & specie, vt homo est animal rationale.

N O M I N I S, tectum quasi amplum tectum.

P E R S O N A L E, Petrus indiuiduum naturæ humanæ.

O P E R A T I V V M, cognitio est actus intellectus.

C O N T E N T I V V M, dolium continet liquorem.

I T E M per diuisionem rei substantialem in se, & accidentalem in alijs.

Absolutè, respectiuè, & similibus.

Q V A L E

Soluitur per explicationem qualitatis, quæ sumitur pro omni accidente quo benè vel malè Subjectum afficitur, si firmiter vocatur habitus, si remissè dispositio; nec ambo aliter differunt, quam puer à viro. Cujus proprietates sunt habere contrarium, suscipere magis & minus, inter diuersa similitudinem effingere. Ideoque multiplex est, & propemodum

infinita.

SIMBOLA, vt ignis & aër.

DISSIMBOLA, ignis & aqua.

ALTERATIONEM PRODUCENS, vt sūt
quatuor primæ qualitates, caliditas, frigidi-
tas, humiditas, siccitas; Primæ quidem nun-
cupatæ, quia primæ inter sensibiles sunt, &
mixta componunt.

MOTVM GENERANS, leuitas in igne,
grauitas in lapide;

PROPRIA siue Essentialis, vt risibilitas.

Aduentitia, albedo, scientia.

NATVRALIS, humores in homine.

AQVISITA, Musica, Philosophia.

INFUSA, Fides, Charitas, Gratia gratuita, gra-
tis data, operans, cooperans, præueniens, con-
comitans, subsequens.

ANIMI, intelligere per intellectum, sapien-
tiam, scientiam, prudentiam; & artes tam li-
berales, quam seruiles.

CORPORIS, habere partes.

EXTERNAE, fortunæ.

HABITVS, doctrina in præceptore.

DISPOSITIO, calor & siccitas in igne.

O ij

NATVRALIS POTENTIA vel IMPOTENTIA, videre in homine, non videre in lapide. PASSIBILIS qualitas, seu passio, recipere verbi gratia in materia prima; & similia, quæ per se aliquo sensu percipi valent.

FORMA, ab intrinseco immutabilis vt rationalitas.

FIGURA, ab extrinseco quæ variari potest, vt triangulus.

CONTRARIETAS, frigiditas calori.

COESSENTIALIS, intellectus in anima.

ACCIDENTALIS, intellectio.

CONVERTIBILIS, risibile & rationale.

QVANTVM SEV QVANTITAS.

Primum videlicet accidens quod afficit substantiam, seque tenet ex parte materiæ, vt rem faciat mensurabilem, diuisibilem, extensam per suas partes primò interiùs, in ordinem ad se: deindè exteriùs, per comparationem ad circumjacentia corpora; cujus proprietates sunt nihil agnoscere contrarium, suscipere plus & minus, non verò majus & minus, res còstituere æquales vel inæquales. Ejus porrò partes sunt puncta copulantiæ in

medio, terminantia in fine. Ex punctis indiuisibilibus, lineæ: ex lineis, superficies; ex omnibus simul junctis, corpora.

Quantitas verò alia est

DISCRETA, in numeris.

CONTINUA, in lineis, cujus signū quantum.

INTERNA, in Eucharistia.

EXTERN A, in palmo.

SUBSTANTIALIS rei seu entitatiua, vt in materia prima.

ACCIDENTALIS, in corpore extenso.

MVLTITVDINIS ordinatæ, in exercitu; cujus signum quotus.

CONFVSA, in aceruo tritici, cujus signum quot.

PAR, duo, quatuor, sex.

IMPAR, vnum, tria quinque.

MVLTIPPLICITATIS, in Arithmetica, quoduplex.

DISTRIBUTIONIS, in partibus, cujus signum quoties.

HOMOGENEA, in aqua.

HETEROGENEA, in hominis corpore.

MAGNITVDINIS seu molis, quæ compo-

110 R H E T O R I C O R V M

ta est ex longitudine, latitudine, & profunditate.

V I R T U T I S , in spiritibus, quæ & simplex.

P E R M A N E N S , in cœlo, &c.

T R A N S I E N S , vt tempus.

C R E S C E N S & decrescens, vt in subcœlestibus.

V N D E

Respondendi tres species à quo, de quo, cuius; nam Deus nec ab aliquo est, nec de quo: Angelus ab aliquo, non de quo; Corpora ab aliquo, & de aliquo.

P E R demonstrationem quatuor causarum. De quo M A T E R I A L I , vt homo de limo terræ.

C O N V E R S I V O , Eucharistia de pane & vino.

E F F E C T I V O , lux de Sole.

C O N S T I T V T I V O , homo de anima & corpore.

D E R I V A T I V O , riuus de fonte.

C O N T E N T I V O , foëtus de vtero, seruus de hero.

O R I G I N A L I , verbum de patre.

QVARE.

Quærit quare est, quare est hoc, quare est ab hoc, quare est de hoc, quare est hujus.

Respondetur per causalitates.

FORMALITER, homo ut ratione utatur.

FINALITER, ut Deo fruatur.

NEGATIVE, ne damnetur.

ILLATIVE, ut non obediat concupiscentijs, quarum victoria juuat ad beatitudinem obtinendam.

QVANDO

AB ÆTERNO, ut Deus.

IN ÆVO, seu discreto tempore, ut spiritus.

IN TEMPORE ut corpora, quæ sunt in præterito, præsentis vel futuro; per sæcula, annos, menses, dies, horas, momenta, hiemem, ver, æstatem, autumnum.

VBI

Explicatur per relationem ad locum communem seu moralem, proprium seu physicum, internum, externum, realem, imaginarium, naturalem, violentum, supra, infra, dextrorsum, sinistrorsum, ante & retro; in his enim ambientis corporis superficiebus res

existunt.

REPLETIVE & vbique, vt Deus.

DEFINITIVE, Angelus.

CIRCUMSCRIPTIVE, corpus.

SACRAMENTALITER, Christus in Eucharistia. Iuxta quantitatē molis, aut virtutis.

ESSENTIALITER, anima in se.

POTESTATIVE, intellectus in anima.

OPERATIVE, intellectio in intellectu. Tam actiue, quā passiuē.

SVSTENTATIVE, accidens in subiecto.

COMPOSITIVE, pars in toto.

CAVSATIVE & exemplariter, vt Creaturæ in Deo.

QVOMODO, ET CVM QVO

Explicatur primò per insinuationem modi, qui ordinem & ordinis partes explicando est ESSENTIALIS, vt Creatura à Deo.

CONTENTIVVS, communicatio diuinæ bonitatis.

OPERATIVVS, intellectus, manus.

SITVALIS, jacens, supinus, aut pronus, sedens, stans, rectus, inclinatus; Et contra.

HABITVALIS, in vestitu & ornatu diuinissimo,

fimo, intrinseco, extrinseco, domestico, foren-
si, militari, sæculari, ecclesiastico, religioso,
gentili, peregrino, splendido, sordido, togato,
muliebri, senili, puerili. Illique responderetur
per gerundium; vt quomodo Tullius eua-
sit in perfectissimum oratorem? orando, &
scribendo.

SECUNDO explicatur cum quo instrumen-
to, juxta diuisionem allatam titulo INSTRU-
MENTATIVVM; scilicet per instrumenta es-
sentialia, vt homo intelligit per animam: siue
per proprietates, vt ridet per risibilitatem:
siue per omnia, tam Phisica, quam Moralia,
examinando omnes circumstantias,
Quis, quid, ubi, quibus auxilijs, cur, quomodo, quando.
Quod iterum non multò post extendetur
vberius, examinando omnes circumstantias.
Nam propositis vt superius monui, de vno è
nouem Subjectis, totidem Quæstionibus sa-
tisfacit orator, primo per

ABSOLUTA

BONITAS.

MAGNITUDO.

DURATIO.

P

P O T E N T I A .

S A P I E N T I A .

A P P E T I T V S .

V I R T V S .

V E R I T A S .

G L O R I A .

Igitur primus Terminus transcendentalis res omnes permeans, est

B O N I T A S .

Ens videlicet ratione cujus aliquod Subiectum est bonum, producitque bonum sibi simile, & ita bonum est aliquid esse, malum est non esse. Est igitur bonitas principium communicationis & diffusionis, idemque permanens in suo Subiecto, fluens verò in aliud per operationem. Vbi nota omnes definitiones Lullij, procedere per actum & operationem rei cujusque. Non debet autem sumi actus ille actualiter in operatione, sed virtualiter in sua potestate, ut definitio sit essentialis; verbi gratia, ignis est elementum potens producere ignem. Est igitur Bonitas
 A B S O L V T A, ex integritate rei, ut Dei in se.
 R E S P E C T I V A, per quam res alteri fit ap-

petibilis, Deus in gratia & gloria.

PERMANENS, beatitudo habitualis in Sanctis.

ELVENS, in reprobis, dum hic exercent actus bonos.

NATURALIS, vt anima.

SVPERNATURALIS, vt gratia, Fides, & Charitas.

MAGNITVDO ET DVRATIO

Definiuntur quomodo dicebatur mox de bonitate; debetque extendi, seu vt locuntur Artis Magistri, deduci Titulis supra explicatis.

QVANTVM, &

QVANDO.

POTESTAS

Id per quod ens, Deus, bonitas, differentia, &c. possunt esse, existere, operari; ideoque multiplex est.

ESSENDI, quomodo mille mundi creari possunt.

EXISTENDI, vt Antichristus.

DESISTENDI, vt homo viuens, Synagoga.

AGENDI in igne intrinsecè, extrinsecè, intense, extense, remisse, mediate, immediate,

per se, per aliud, continuè, interruptè, per vices.

PATIENTI, in damnatis.

OBIEDIENDI, in igne tartareo dæmones cruciante.

NATURALIS, in aqua humectante.

VIOLENTA, in sagitta & omnibus projectis.

AD MOTVM, circularem in cœlo, localem in deambulatione, latione, &c. progressuum, in animatis.

MORALIS.

LEGITIMA, in Rege.

TYRANNICA, contra Iustitiam.

POLITICA, in Magistratibus.

ORDINARIA, in Prælato.

DELEGATA, in Vicario seu Legato.

SPIRITUALIS, Ecclesiastica, seu Canonica in Præsule. Tandem generalissimè,

CORPORALIS, seu temporalis & Ciuilis in Iudice.

CREATA, &

INCREATA.

COGNITIO.

DIVINA.

RAIMVNDI LVLLII. 117

ANGELICA, intellectualis sine discursu.
HVMANA, cum ratiocinatione.
SENSITIVA, per sēsus externos & internos.
COELESTIS.
TERRENA, SEV ANIMALIS.
DIABOLICA.
POLITICA.
MVNDANA.
NATVRALIS, per instinctum.
AQVISITA.
INFVSA.

APPETITVS.

Id per quod omne ens, & appetit, & appetitur.

RATIONALIS, in homine.

INSENSIBILIS, seu instinctus tam in brutis quam in animatis.

MEDIVSQVE sensitivus, de quo supra.

VIRTVS.

Facultas innata seu indita rei, quā eliciuntur operationes illius naturæ conformes. Distinguitur autem à potestate, quia hæc principium est, illa origo, & quasi actualis fluxus facilem in agente ad operandum proprieta-

tem denotans; estque

NATVRALIS, in Deo.

ELEMENTARIS, in igne.

VIRTVALIS, in mixto.

SENSITIVA, in oculo.

MOTIVA, in pedibus.

VEGETATIVA, in plantis.

COELESTIS, in Astris.

OCCVLTÆ INFLVENTIÆ, in magnete.

OPERATIVA, patiēdo & agēdo.

ÆTATIS, pueri, senis.

SEXVS, viri, mulieris.

MEDICINALIS, in medicamentis.

ANIMALIS, in cerebro.

VITALIS, in corde.

NATVRALIS, in hepate.

ATTRACTIVA, Retentiva, Digestiva, Conuersiva, Expulsiva.

Tandem quia tot reperiuntur Genera virtutum quot potentiarum, & operationum secundum actionem & passionem, virtus propriē est habitus humanus ad bonum inclinans, cujus altiore considerationem exequitur moralis, seu scientia, seu Theologia;

illius Explicando

ESSENTIAM.

SUBJECTVM.

DIVISIONEM.

CAVSAM.

PROPRIETATES.

EFFECTVS. Quod idem de vitijs virtuti oppositis dicendum.

VERITAS

Vel in habitu, vel in actu.

THEOLOGICA, cujus contrarium dubium, error, schisma, hæresis, politeismus, & atheismus.

NATVRALIS, seu Physica.

ETHICA, seu Moralis, &c. quæ à Philosophis docentur per Scientiarum, quam vocant Encyclopædiam; quorum indicem fusissimum hic retexo ex nostra Encyclopædia, vel ut verius loquar, ex passiva fermè & vulgari distributione: nostra enim longè erit diuersa, magis vna, simplex, inconfusa, & concatenata; ut vno velut intuitu videatur

RHETORICORVM
ORBIS, SEV
CIRCULI SCIENTIARVM VNIVER-
SALE SYNTAGMA.

Hæc nimirum perspicacibus viris celebrata
toties Enciclopædia, quæ ad vnicam verita-
tem, de qua hic agitur, animos ducit ≡ & ≡.
In qua quidem consideratur omnis doctrina
duplex.

DIVINA, SEV INSPIRATA, &
HVMANA, SEV INVENTA.

INSPIRATA EST
FIDES, in lege naturæ, Mosis, & Euangelij.
A qua multiplex.

THEOLOGIA.

POSITIVA, sacræ Scripturæ in veteri, & no-
uo Testamento.

EXEGETICA, SS. Patrum & Doctorum Ec-
clesiæ Orientalis & Occidentalis, Græcæ &
Latinæ.

CATHOLICA, contra hæreses exoletas, &
Neotericas.

CANONICA, casuum conscientiæ, prisca ex
Concilijs Generalibus, nationalibus, prouin-
cialibus: vetus ex Iure Canonico: recens ex

Sum-

Summarum collectoribus.

SCHOLASTICA disputationum, quæ tribus Summæ partibus docet Deum vnum in natura, trinum in personis, Creatorem Angelorum, mundi & hominis: Finem vltimum per virtutes Theologicas, & Morales cum directione & gratiæ auxilio acquirendum: Incarnatum, vt sit autor salutis, Sacramentorum & gloriæ.

SIMBOLICA, seu ænigmatica per imagines imaginarias, simplices, eruditas, proprias, alienas.

MISTICA, seu contemplatiua, qua Deus cognoscitur negatione, affirmatione, supereminentia.

PROPHETICA, à qua DIVINATIO.

SPIRITALIS.

NATURALIS.

ARTIFICIALIS.

DAMNATA.

SPIRITALIS

Fic

PROPRIE, vel parabolice.

VOCE interiori, vel exteriori.

Q

R A P T V, seu Extasi.

A F F L A T V.

V I S I O N E corporea, imaginaria & mentali;
hujus imago est

N A T V R A L I S.

A N I M A L I V M, hirundinum, formicarum.

H O M I N V M, Physiognomica, Metoposco-
pica, Chiromantica, Phitognomica.

F V R E N T I V M, Poëtarum, Vatum, Propheta-
rum, Bacchantium.

A M E N T I V M.

D O R M I E N T I V M, per phantasmata, visum,
& Ephialten, seu succubum: in somnijs pro-
prijs, communibus, alienis, allegoricis, theo-
rematicis; quorum omnium conjectura, fit

N A T V R A.

L E G E.

C O N S V E T V D I N E.

I N S P I R A T I O N E. Hanc imitatur

A R T I F I C I O S A.

A S T R O L O G O R V M, in anni tempestatibus.

M E D I C O R V M, in hominis sanitate.

C O N S I L I A R I O R V M, in statu politico.

G V B E R N A T O R V M, in maris tēpestatibus.

D A M N A T A.

D Æ M O N V M.

M A G O R V M.

Quam à dæmone hauriunt Pithiæ, seu Phæbæ-
des, Dodonides, Homoplatoscopi, Obserua-
tores, Aruspices, Augures. Inspiciendo auium
volatus, cantus, Extæ, Tonitrua, sidera, sortes,
simbola, nomina, sternutamenta, aurium tin-
nitus, oculorum saltus, imagines, folia, semi-
na, specula, genios; à quibus Necromantia,
Hidromantia, Geomantia, Pyromantia, Ero-
mantia, Chirromantia.

I N V E N T A S C I E N T I A E S T S P E C V -
L A T I V A , E T A C T V A L I S.

S P E C V L A T I V A, triplex.

N A T V R A L I S, Philosophia, seu Phisiologia.

M A T H E M A T I C A.

M E T A P H I S I C A.

A C T V A L I S, item triplex.

S E R M O C I N A L I S.

R A T I O N A L I S.

M O R A L I S, de quibus subinde. Nam

S V B A C T V A L I s c i e n t i a j a c e n t

S E R M O C I N A L I S, seu Philologia.

Q ij

RATIONALIS, seu Logica.

MORALIS, seu Ethica.

SVB SERMOCINALI.

GRAMMATICA.

POETICA.

HISTORICA.

GRAMMATICA, quæ per etymologiam & syntaxim tradit methodum legendi, scribendi, loquendi. Docens velut Elementa LITERAS, vocales & consonantes; ex illis syllabas, atque earum combinationem. PARTES orationis DECLINABILES, nomen, pronomen, verbum, participium: INDECLINABILES adverbium, propositiones, conjunctiones, interjectiones; cum syllabarum quantitate longâ, breui, acutâ: item cum accentu acuto, graui & circumflexo: cum vocabulorum deriuatione, compositione, genere masculino, fœminino & neutro. Cum flexione per quinque casus nominatiui, genitiui, datiu, accusatiui, vocatiui, ablatiu. Cum syntaxi in consociatione substantiu & adiectiu, nominis & verbi, per declinationes & conjugationes; cum punctis, virgulis & commatis,

alijsque distinctionibus ; vt legamus bene, scribamus rectè, loquamur propriè & purè, mox venustè & eleganter ; tam in linguis primordialibus Hebræa, Græca, Latina: quàm in deriuatis & secundarijs Gallica, Italica, Hispanica, &c.

POETICA, quâ paulò fufius explicabimus, non fecus ac reliquas minoris apud nos pretij disciplinas, quibus in Enciclopedia classis nulla est; est duplex RITHMVS ET CARMEN. Rithmus est vel sine metro, vel cum metro, & illo quidem multiplici; scilicet in initio, medio, fine, vel alterna variatione, vt sæpè reperiuntur apud Bernardum, Thomam Aquinatem, Bonauenturam, aliosque qui circa duodecimum sæculum floruerunt.

CARMEN, seu melos, constans tempore & pede.

TEMPVS, est iusta quantitatum, vel longarum, vel breuium mensurâ. PES, est pars metri, sillabarum temporibus mensurata. Pes autem duplex, simplex & compositus.

SIMPLEX, constans vnâ, alterâ aut tribus sillabis. COMPOSITVS, qui vltèrius excur-

rit; Ita vt formentur 124. pedes, quatuor dissyllabi, trissyllabi octo, tetrasyllabi sexdecim, pentasyllabi triginta duo, hexasyllabi sexaginta quatuor; à quibus elatio, & demissio procedit, siue puri sint, ex meris longis aut breuibus: siue mixti, ex vtrisque. Inter eos insigniores Spondæus, *Cœlūm*. Dactylus, *Angēlūs*. Iambicus, *Pārēns*. Choriambicus, *Nōbilitās*. Pirrichius, *Dēūs*. Anapestus, *Trīnitās*. Trochæus, *Vīrgō*. Tibrachus, *Dōmīnūs*. A quibus carmen multiplex.

EPICVM, seu Heroicum & Princeps, in magis ~~or~~ Augustis vt Virgilius in *Æneide*: Vidas vt *Christiade*: Baptista Hispaniolus inter Christianos Mantuanus, in *Parthenicis*. Nostro quoque sæculo notissimi Golminus, Sirmundus, Borbonius, alijque benemulti.

ELEGIACVM, in fletibus, nēnijs &c. Princeps in hoc genere Ouidius.

LIRICVM, in doctrina, Himnis, victorijs; totus in his Pindarus, & Horatius: inter Christianos Sinesius, & Boëtius.

EPIGRAMMATICVM, in breuibus & acutis; in quibus regnant Martialis, Angelus

Politianus, Raimundus, Bencius, alijque in Bibliotheca nostræ criticæ recensendi.

EPIDICTICVM in laude, vel in vituperio; sic Claudianus laudat Honorium, Stiliconem; Sannasarius partum Virginis, Prudentius, martyras, &c.

PROTREPTICVM, in exhortationibus; quod egregiè præstat nostræ ætatis verus Appollo, Iacobus Fauerauius, in suprema vectigalium Curia Senator perillustis.

ECLOGICVM, in familiaribus; & in istis Maro illustris.

SATIRICVM, in inuectiuis; regnat in eo Iuuenalis.

DIDASCALICVM; quo res diuinæ, naturales, morales, vel historicæ, enarrantur, cuiusmodi Lucretius, Lucanus, Manilius Fracastor; & in politissima sua Pædotrophia, Scævola ille Samaritanus, quod nomen nunquam siue honore appellandum.

DRAMATICVM, in Comœdia, cuius Palmares Plautus & Terentius; nam Græcos hîc non attingo.

Et Tragœdia, seu Tragicomœdia, quam to:

tam sibi vindicat Seneca; cuius partes aduentitia, PROLOGVS, & EPILOGVS: Naturales, PROTASIS, EPITASIS, CATASTROPHE; inter-mediae CHORVS & Mimi. LOCOSVM carmen, vario ingeniorum lusu adinuentum; puta

ÆQVIDI CVM seu Isolectum, cum singulae dictiones singulis opponuntur, vt

Anguis, Aper, Iuuenis, pereunt vi, vulnere, morsu.

Hic fremit, ille gemit, sibilat hic moriens.

PARONOMASTICVM, cum per alliterationem Echus effingitur, vt

Dic mihi quisnam clamor? amor: quisnam furor? uror.

ÆNIGMATICVM seu logogriphicum, sub cuius significatu latet sensus aliquis mysticus & obscurus, vt de homine

*Quod bipes, & quadrupes foret, & tripes omnia solus
De nunc*

Mater me genuit, sed quæ mox gignitur ex me.

Si caput est currit, ventrem super adde volabit.

Adde pedem comedes, & sine ventre bibes.

Hoc versu indicatur mus, musca, muscatum, mustum.

ACRO-

ACROSTICVM seu Cephalonomasticum,
quando scilicet literæ capitales integrum ali-
quod nomen initio, in medio, vel in fine in-
cludunt. Exemplum dabo nomen, suis literis
fatis superque commendatum.

HENRICVS MEMMIVS.

*Heroum soboles, Procerum generosa propago,
HENRICVS nostro celebratur MEMMIVS orbe.
Zumine cœlesti concessus, ut aurea sæcla
Restituat terris, & Franci lilia regni
Illustrat titulis major; quem purpura reddit.
Conspicuum, & veteris spirans virtutis imago;
Ut Sol exoriens Stellarum lumina condit,
Sic meritis aui superat miracula nostri.
Mortalem ut vidit supremâ Numen ab arce
Enatum, cunis infudit maxima Cœli
Munera, quæ maturæ exornant tempora vitæ.
Majorum nomen, præclaraque stemmata lucent.
Inde decus Themidis, mentis Constantia, Musæ
Aix alibi notæ, remanent in pectore MEMMI.
Sic fœlix terris vivit, cœloque beandus.*

Imo interdum etiam ipsæ dictiones, integro ejusmodi artificio includuntur.

CHRISTVS homo atque Deus, casta de Virgine natus.

VICTIMA facta poli, victima facta soli.

PRO INIVSTIS IVSTVS, pro crimine criminis expers

OFFERTVR PATRI, hac victima quanta fuit?

Producentur mox nonnulla ejusdem stili, sed longè magis operosæ anxietatis. Sequitur Carmen

ANAGRAMMATICVM, quod literas nominis alicujus transponens, nouam in nomine significationem reperit. Desudarunt superioribus annis, omnes Mercurij & Apollines Gallici, dum vel Ludouico XIII. Palmas Regias in Trophæum erigunt: vel Musarum Epinicia concinentes Eminentissimo Cardinali, antiquæ & exteræ Poëseos inuidiâ prouocant. Nos qui vix etiam in alieno ære diuites sumus, non vltra spicilegium audemus tentare. Audemus tamen, quia ex Tertulliani elogio, difficilium facilis venia est.

LVDOVICVS BORBONIVS REX GALLIÆ.

Anagramma.

NOVVS CÆSAR, BELLO VIGIL, DVX ORBI.

Acrostichis.

*L*iligerum meditata decus, dum Nominis ome
*V*atis Musa canit, liceat Rex Magne secund.
*D*iuinos fatorum aditus peruadere Curs
*O*ptima Palladio gessit quæ prælia mot
*V*ictorum fortuna Ducum, licet ampla triumph
*I*nferior manet illa suis; stat martius illi
*C*asus, at ipsa tue virtus causa inclyta palm
*V*incit, & hostiles debellat ubique tumultu
*S*ic latijs deuota fauere tua fascibus arm

ô Nouus in Bello Cæsar, Dux peruigil orbi.

*B*ellicus ille tuus magni velut Herculis ardo
*O*buia monstra domat; testis Rupella super
*R*emigio confisa maris, tibi mille repent
*B*elligeræ cessere arces: quæque ante tribuna
*O*bsidibus vexata suis, stat longius exu
*N*umme victa tuo male fidens hæresis Angl
*I*mpatiens vario pacti qui fœderis ast
*V*icinos turbat populos, vaser Hesperus omn
*S*pe cadit, & Iusto trepidat domus Austria Re

ô Nouus in Bello Cæsar, Dux peruigil orbi.

*R*egales Europa sinus tibi pandit honor
*E*t sceptris deuota tuis, nec inane tribuna
*X*erxeum tentabit opus; jamque augurat illu
*G*allus, & exuto supplex Lotharingia fast
*A*rbiter in Procere, populos sub fœdere vinde
*L*egitima ditione tenes, quique auspice cæl
*L*iligeræ pietatis honos præteruolat æquo
*I*ndigetum sacro Heroum te destinat al
*E*ternique parat meritis monumenta triumph

ô Nouus in Bello Cæsar Dux peruigil orbi.

ARMANDVS PLESSÆTUS DE RICHELIEV.

Anagramma.

EN CLARVS DIVINA OPE MINAS HÆRESIS
ELVDES.

Acrostichis.

Auspicijs Dux magne tuis, dum vatis ab or
AReddit Appollineum terris oracula Nume
RMultiplices condat radios tua purpura, done
MANDugustum liceat splendoris adire tribuna
NDunc tua regali pietas spectabilis aul
Diffficilisque statu perfunctus temporis ardo
VICTrices referant palmas, dum Gallia plaus
SACra triumphales instaurat ubique per ara
IImperijs denota tuis; tibi vindicat illu
OObsequium Romana fides quod nescia fren
usea, iam posito deferbuit hæresis est
NON audita prius justis miracula bell
NATURE superant leges: tibi nominis ome
HINC Rupe cadens, te vindice frustr
SANTONICO toties amens furit Anglia pont
POSTERITAS vix credet opus; tulit equore praece
FUDIBRIUM valido classis percussa trident
EXILIOQUE patens proprium vix attigit orbe
SIC Rheanempe suo stat victrix insula Reg
SIC studiis animosa tuis sibi Gallia nome
AETERNAMQUE decus peperit, sic Regia sceptr
IMMANES frænant pelagi terræque Tyranno
VIX bene Memphæo fortis sub principe Iosep
SUSTINUISSET onus: nec tante præmia fam
DEMERUIT phrygijs moriens sub mœnibus Hec
EXTREMUM complexa decus tua purpura lat
REGALES firmat titulos, meritoque rebelles
INGENÏ portentis timent; hinc surgit Iber
CONSILIIS fatalis obex, nostrique tumultu
HERCULIS edomito placuit dextra Leon
EXILIO reuocata Themis tibi Maxime Præs
LEGIBUS incumbit patrijs, medioque Senat
IURA ferens Astræa tibi fatum insonat illu
EN ope Divina Clarus, pietatis amor
VINCE Minas stigios, Eludes Hæresis æstu

CANCRINVM, cum per anastrophen ad eandem, vel diuersam sententiam recurritur; quale operosissimum istud, dæmonis inuentioni tributum.

Signa te signa, temerè me tangis & angis:

Roma tibi subito motibus ibit amor.

CENTAVRINVM, quando Carmen ex multiplici versuum genere componitur, inchoaturque à longioribus metris & definit in breuiora, vel secus. Huiusmodi artificio fabricantur versus Geometrici in figuram oui, Pyramidis, Crucis, Crucifixi, Angeli, & similia. Quod insigniter præstitum est à H. Rabano Mauro, in illo præsertim labore operosissimo, & verè stupendo, nisi deesset versuum elegantia, quo Figuris siue Imaginibus XXVIII. multa fidei Christianæ mysteria, multi mystici numeri Angelorum, Virtutum, VII. donorum Spiritus sancti, VIII. Beatitudinum, I V. Elementorum, Temporum anni, Euangelistarum, Agni, Mésium, ventorum, librorum Moïsis, nominis Adam, Alleluya, & Amen; aliarumque rerum vis & dignitas in formam crucis redacta, subtiliter & ingeniosè explicantur. Exemplum selegi non quidem operosissimum, sed tipis mandari, vt opinor, facillimum. Crux est Apostolorum Elogijs dilaudata.

XXVII. Figura. De Apostolorum dictis ex eadem re in nouo testamento.

Nec minus ergo tu ac u
R itenoui testament
Qua edeus altus homo
P ertecrux sacra uo
P romissum conplense
S edominum testans l
Qu igeminum mundopa
N oshilata actus at
Qu i solabatur vera x
V nde qe apostolicus
A lmatropae atua fer
P rinceps orbis sonat
T aliter en laudes fa
E st frat ~~ist~~ ist: p
E xemplum tradens cl
E ius per gatis cuius
H inc credo accipiat

| Sidonius u se i et si b o

I p se qui am it is non f
A st iacobus hinc nos
E xemplum ponens chr
H inc q: monet scriben
C astus amor maneat e
I esus u test passus d
S ic nos mentepias oc
I esumpertypicum pi
Iudas ductorem et pe
P auxillum haud paul
C rux sacra cum dixit
T e si ne ne claudem f
I n cael is terris mag
T e propter cristis p
S ic et apostolic: lau
V atibus antiq:is con
P assio sancta pie ie

s | t o d i t i u r a c a r a c t e r
i | e t p i a m u n e r a p a n d i t
d | i u i n u s d e t u l i t o r b i
o | v e n e r a n d a f r e q u e n t i
t | v e r a x d o g m a t a v a t u m
e | g i s v e t e r i s q: n o u a e q:
t | e v e r b o f e c i t a b y s u m
i | a n s y o t o a n t e r i o r e s
b | o n u s o m n i b u s a e q u u s
i | u s t a p e r f a m i n a f i d a
m | o c r u x l a u d a t v b i q u e
e | x i m o p e c t o r e p e t r u s
t | u p i u s o p t i m e d i c e n s
r | o v o b i s i t i p i t e p a s s:
a | r u m v e s t i g i a q u o d v o s
f | a c r a v u l n e r a f a n a n t
o | r a n t i s f a m i n a i e s u s

n | c o m m u n e r a h a c c e i

o | r d e c o m m u n e r a h a c c e i
b | o r t a t u r f a m i n e p u r o
t | s t u m d e f i n e l a b o r u m
s | a l t: d u x o r c i o h a n n e s
i | s o b r i a v o t a f e r e n e t
e | v o t e p r o p t e r a m o r e m
i | o p a t i a m u r a m o r e h i c
e | v e r u m p s a l l i t i e s u m
f | s u m f i d i s e t i n i q u i s
u | s o r a u i t t e m e t i n o r e
s | e i a m n e s c i r e l o q: l a m
i | t e d a r e f a u c i b: v l l a m
n | u m p e r t a r t a r a n o m e n
o | n d e t f a t r i t e v a l e r e
d | a t c o n c o r d i t e r o r d o
i | u n g i s c u n c t a r a p i n a
s | u p e r f a e c u l a c r i s t i

VERSVM SERIES.

NEC minus ergo tua custodit jura caracter
 Rite noui testamenti: & pia munera pandit,
 Quae Deus altius homo diuinus detulit orbi.
 Per te Crux sacra voto veneranda frequenti
 Promissum complens, & verax dogmata vatum:
 Se Dominum testans legis veterisque, nouaeque:
 Qui geminum mundo pate verbo fecit abyssum.
 Nos hilarat actu satians voto anteriores,
 Qui solabatur verax, bonus, omnibus equus.
 Vnde Apostolicus iusta per famina fida,
 Alma trophaea tua sermo Crux laudat ubique.
 Princeps orbe sonat ex imo pectore Petrus
 Taliter ex laudes fatu pius, optime dicens:
 Est frater Christus pro vobis stipite passus,
 Exemplum tradens clarum, vestigia quod vos
 Ejus pergatis, cuius sacra vulnera sanant.
 Hinc credo accipiant orantis famina Hiesus,
 Sidonius ei, & si honos artem ibit & odis:
 Ipse quia mitis, non sordent munera haec ei.
 Ast Iacobus hinc nos hortatur famine puro:
 Exemplum ponens Christum de fine laborum.
 Hincq; monet scribens altus dux ore Iohannes:
 Castus amor maneat, & sobria vota serenet
 Hiesus, ut est passus deuote propter amorem:
 Sic nos mente pia socio patiamur amore; hic
 Hiesum per typicum pie verum psallit Iesum.
 Judas ductorem, & pessum fidis & iniquis:
 Pauxillum haud Paulus orauit, temet in ore
 Crux sacra cum dixit, se jam nescire loquelam,
 Te sine nec laudem scire dare faucibus ullam.
 In calis, terris magnum per tartara nomen,
 Te propter Christi spondet sat rite valere.
 Sic & Apostolicus laudat concorditer ordo,
 Vatibus antiquis conjungis cuncta rapina:
 Passio sancta pie Hiesu per secula Christi.

Affine est Carmen *PROTEICVM*, cuiusmodi vidimus olim ad Diuam Foiensem nō procul Dinanto, inter Leodienses. Népe vt R.R. P.P. Societatis Iesu, fontes habent ficut pietatis sic & eruditionis, ex illis Bernardus Bāhusius Carmen edidit hocce titulo illustre. *PROTHEVM PARTHENICVM*, vnus libri versus, vnus versus liber; stellarum numero, siue formis centum viginti duabus.

Tot tibi sunt dotes Virgo, quot sidera Cælo.

Extat simul cum commentariolo Latinissimi Ericii Duteani & Iusti Lipsij successoris, versus de Christi Seruatore.

*Rex, Dux, Sol, lex, lux, fons, spes, pax, mons, petra
Christus.*

Qui quidem nomen versus ita meretur, vt incredibili artificio verti queat tricies, sexcies, centies, millies, & octingenties. Ego certè credere malim, quàm experiri.

CENTONICVM, interpolatum ex vnus Poëtæ vel plurium versibus, hinc inde con-
gestis. Vnde Tertull. de præscript. Homē-
rocentones vocari solent, qui de Carmini-
bus Homeri propria opera more centona-
rio,

5 rio, ex multis hinc inde compositis in vnum
 sarcunt corpus. Fusiori stilo Ausonius arti-
 ficium sic depingit; varijs de locis, sensibus
 » diuersis, quædam carminis structura solida-
 » tur, in vnum versum vt coëant aut cæsi duo,
 » aut vnus & sequens cum medio. Nam duos
 » iunctim locare ineptum est, & tres vna se-
 » ric meræ nugæ. Diffinduntur autem per cæ-
 » suras omnes, quas recipit versus Heroicus.
 » Sensus diuersi vt congruant, adoptiua quæ
 » sunt, vt cognata videantur, aliena ne inter-
 » luceant, accersita ne vim redarguant, &
 » sa ne supra modum protuberent, hæc ne
 pateant. Nostro æuo vt de veteribus taceam,
 celebre fuit Vaticinium Virgilianum F. Sam-
 marthani (quod nomen Musis amicissimum)
 de expeditione Rupellana, quam credas re-
 uera à Marone descriptam. Inter Palmas quo-
 que Regias assurgit, Publij Maronis Proso-
 popœia pro vrbe Mantua; quæ inter cætera
 Regem Inuictissimum sic depingit.

--- Rege incolumi mens omnibus vna est.

Qui regere imperio populos, indicere bella,

---- Tutari Italiam, deffendere finibus hostem,

Sive anima, siue arte valet----

Hesperiam metiri, & debellare superbos.

Vix tamen quispiam assecutus est Capiluporum in Italia, mirabilem cōcinnitatem; cuius gustum accipe precationem ad B. V. Mariam, de tumultibus Gallicis.

Dum te nunc solio stellantis Regia Cæli

Accipit, æternumque tenet per sæcula nomen;

Hinc geminas nunc flecte acies, terrasque iacentes Gallorum, & longè salus lateque patentes.

Aspice; nunc supplex venio, miserere tuorum, &c.

P A R A M I T M, incipit omnes dictiones ab eadem licera, vt

Flos fueram factus, florem fortuna fefellit;

Florentem florem florida Flora fleat.

Re, Regnum, Reges recta ratione reguntur.

S E R P E N T I N V M, seu Epanalepticum, cum eadem dictio versum incipit & absoluit, vt

Crescit amor nummi, quantum ipsa pecunia crescit.

A L P H A B E T I C V M, quando singuli versus abs literis alphabeti seriatim incipiunt. Quo ordine decurrunt Ieremiæ Lamentationes, & apud Vatem purpureum Psalmus cētesimus

decimus octauus. Nos optimo, si materiam spectes, exemplo ejusmodi versus conati sumus imitari, in laudem viri profecto nunquam satis laudati.

ELOGIVM ALPHABETICVM
in laudem Petri Seguieri Franciciæ
Cancellarij.

Admiranda mihi referens mea Musa laborat
Blandiloquos formare modos, cui concinit omnis
Castalidum chorus, atque inspirat carmina Phoebus
Debita; quò SEGVIERE tuū super æthera nomen
Extollam, serusque nepos post sæcula longè
Felicibus votis antiquum numen adoret.
Gentis honos primæ nascentis limina vitæ
Heroum titulis ornat, meritisque Parentum
Illustres spargit radios; fortuna deinceps
Karam suscipiens sobolem, & cunabula circum
Lilia depingens, venturos signat honores.
Mox puerum casto complexa est pectore Virtus,
Nutriuit pietas, docuit Prudentia mentem,
Obsequiumque fides, animam constantia, mores
Patrum Religio, ac veteris reuerentiæ cultus.

Quid loquar Ascræas dotes, sacraria Montis
 Reclusa Aëniæ? Themidis quid munera summa,
 supremosque apices, quos Callica purpura vestit?
 Talibus auspicijs toto spectalibis orbe
 viue diu, legum Custos virtutis & equi.

METATHETICVM, cum in vna dictione
 per literarum transpositionem variatur di-
 ctionis significatio, vt

Roma, Mora, amor, Maro, oram,

PARALELLVM, seu correlatium, vt

*Musicus, orator, vates, trahis, allicis, imples,
 Saxa, animos, cælos, voce, Lepore, modis.*

Antitheticum modo Antitheticum, vt

Nunc	{ bonus }	in mundo	{ tristatur }	{ castra }	{ Capescit. }
	{ malus }		{ letatur }		

Quos	{ anguis }	{ di }	{ trist }	{ mulce }	{ dine }	{ pauit. }
	{ sanguis }					

Qui	{ capit ambrosiam }	{ Christi }	{ capit ille salutem }
	{ caret ambrosia }		{ caret ille salute. }

RAIMVNDI LVLLII.

.,9

In sequenti correlatiuo longè vt proluxior, sic
operiosior,

*Cæna, sacramentum, panis, communio, sanguis,
Ultima, diuinum, viuus, sanctissima, christi,
Viuiuat, donat, confortat, deprimat, auget,
Mentem, solamen, mortales, crimen, amorem,
Latificat, spernit, concludit, pandit, adunat,
Mœstos, elatos, infernum, sidera, amantem,
Roborat, exaltat, nutrit, dilatat, opimat,
Infirmos, humiles, pietatem, pectora, fructu,
Coniungit, solidat, ducit, dulcescit, opacat,
Credentes, dubios, errantes, mentibus, umbra.*

MONOSILLABVM, frequens in Aulonio,
» qui istud Technopaignion non inutiliter
» vocat, ocij inutile opusculum; quod non
» mireris, sed paucis literis additis eius mise-
» rearis, neque æmulari velis. Per omnia va-
gatur monosyllaba; pauca hæc laboriosissi-
ma sufficient in exemplum,

*RES hominū fragiles alit, & regit & perimit SORS.
SORS dubia, æternūq; labans quā blāda fouet SPES.
SPES nullo finita æuo, cui terminus est MORS.
MORS auida infernā mergit caligine quam NOX.
NOX obitum vicem remeauerit aurea cum LVX.*

LUX dono concessa Deūm, cui præuius est SOL.
 SOL cui nec furto Veneris latet armipotens MARS.
 MARS nullo de Patre sat⁹ quē Tressa colit GENS. &c.
 COMMIXTVM, ex Græco & Latino idioma-
 te, habet idem Aufonius.

Ελλαδικῆς μετέχων μῦθους *latitiaque Camæna,*
 Ἀξίος Αὐσόνι & *sermone alludo bilingui, &c.*

SIMPHONIACVM seu Philomelinum, ex
 suaui & artificiosa vocum aliquot, versibus
 comprehensarum repetitione; vt in illa verba
 Cantici Canticorum, Tota pulchra es amica
 mea;

(*pulchrum*
sunt pulchræ SILVÆ, *sunt pulchra* NUMISMATA,
Est pratum, in viridi GRAMINE *pulchra* solo.

Sunt pulchræ GEMMÆ, *sunt* ASTRA & STEMMA-
 TA *pulchra*:

Sunt pulchri FLORES, *est quoque pulchra* DIES.
Pulchrior es SILVIS *mea sponsa,* NUMISMA-
 TE PRATO

GRAMINE, GEMMA, ASTRO, STEM-
 MATE, FLORE, DIE.

PARODICVM, quod fit ad imitationem al-
 terius, vt

Discite iustitiam colere, & non temnere Reges.

Vel per aliud metri genus; quomodo pulchrè
 Horatium imitatur non semel Boëtius ille
 Romanorum, & Eruditorum vltimus. Dabo
 ex lib. 3. consolatur. Prosa 5. Metrum 5.

*Qui se vult esse potentem,
 Animos domet ille feroces;
 Nec victa libidine colla,
 Fædis submittat habenis.
 Etenim licet Indica longè
 Tellus tua jura tremiscat,
 Et seruiat vltima Thule:
 Tamen atras pellere Curas,
 Miserasque fugare querelas
 Non posse; potentia non est.*

M N E M O N I C V M, ad iuuendam memoriam;
 vt septem vitia, Superbiam, Auaritiam, Luxu-
 riam, Inuidiam, Gulam, Iram, Acediam, versus
 vnus comprehendit.

Vt mortem vitas, semper S A L I G I A vitas.
 Extat simile opus, quo omnia Sacrorum Bi-
 bliorum capita comprehenduntur; **S P E C I-**
M E N E R I T.

RHETORICORVM APOSTOLORVM HISTORIA SIC INDICATA.

1	2	3	4	5	6	7
Eligitur Ma- thias.	factus est de cœlo.	Claudus.	Communia.	Ananiz.	Diaconi eli- guntur.	Stephanus.

Sorte. sonus. salit. omnia. fraus. septem. lapidatur.

8	9	10	11	12
baptizat Eunuchum.	Conuertitur.	submit- titur.	circumcisi contra Petrum.	misit manus ut affli- geret.

Philippus. Saulus. vas. disceptant. & Herodes.

13	14	15	16	17
dixit Paulus Elimæ.	obtulerunt Paulo & Barnabæ.	neque nos portare potuimus, neq; patres.	exiuit à Pico- nissa.	prædicabat Paulus.

Cæcus eris. tauroque. jugum. spes. quæstus. Athenis.

18	19	20	21	22
peruenit ante tribunal.	editionem mouit.	iuuenis qui ecceiderat è fenestra.	ligat Pau- lum.	cedit Paulus.

Sostenem. Ephesij. rediuius. Zona. Flagellis.

23	24	25	26	27	28
Et nepos Pauli.	audiet Pau- lum.	venit Ieru- salem.	loquitur Paulo.	navis & animæ cuaferunt.	venit Paulus.

Iudex. Fœlix. Festus. Agrippaque. naufraga. Romam.

LEONINVM seu Equiuocum, in quo rith-
micè contrariant initium & finis, vel etiam
medium, ut

Hunc dominus ditat, qui sedulus otia vitat.

Ne scribam vanum, duc mihi Christe manum.

Quæ omnia Carminum genera efficiunt ver-
sus

sus diuersi, præcipue verò à pedibus dicti,

HEXAMETER.

Crēscit ā | mōr hūm | mī, quān | tum ipsā pē | cūniā | crēscit.

PENTAMETER.

Nēc vōlō | quōd ciūcī | at, | nēc vōlō | quōd sātī | at.

IAMBICVS, monometer purus, Dēus pōtēns
ternarius, quaternarius, &c. vsque ad octona-
rium. Fāī | iūbēs | tācē | rē quæ | suādēt | mērūs.

TROCHAÏCVS, præcedenti affinis, vnus
metri, Chrīstē | sāctē. Dimeter. Sæcū | lī bē | atūs | āuthōr.

PHALÆSIVS, qui & à numero sillabarum,
hendecasyllabus. Vitām | quæ faci | unt bē | atī | ōrēm.

DACTILICVS, dactilis constans duobus,
vel pluribus, pāngitē | cārminā | Pānditūr | intēr ē | ā dōmūs.

SPONDAÏCVS, ex meris spondæis,
Sūt Chrī | stūs Rēx | Cœlī | iūdēx | ōrbīs. Ex vtriusque mix-
tura fit.

GLICONICVS, Sic sic | iūr ād | āstrā.

Vel **HIPERCATALECTVS**, cum redundat
sillaba, nē dūbī | tā nām | vēā fī | des.

SAPPHICVS, Istē | cōfēs | sōr Dōmī | ni sā | crātūs.

Itavt post tres Sapphicos adnectatur,

ADONICVS, Scāndērē | Cœlī.

ANAPÆSTICVS seu Partheniacus, ferè con-

stans anapæstis, paucis interdum spondæis & dactilis cum sit impurus, Tibi laus | sit et om | nis ho
nor | pater.

CHORIAMBI CVS, oritur ex Societate Cho-
ræi & Iambi. Prôtē | gē nōs | ōmnī | pōtēn | tē dēx | tērā.

ASCLEPIADEVS, Mæcæ | nās ātāuīs | ēditē Rē | gībūs.

Qui versus si in Carmine, seu Poëmate sem-
per similes sint vno genere metri, Carmen
illud vocatur

SIMPLEX ET MONOCOLON; seu Astro-
phon si variè misceantur, COMPOSITVM; &
quidem multiplex, dicolon, tricolon, polico-
lon; idest duobus, tribus, pluribus metri ge-
neribus constans. Quo præsertim modo con-
ficiuntur

ODÆ DICOLÆ, tricolæ; quæ si post secun-
dum admittunt iterationem, vocantur di-
strophæ: si post tertium tristrophæ. In eis par-
tes sunt STROPHA, ET ANTISTROPHA;
EPODOS, subsequitur. Atque hujus quidem
Poëmatij, non illustriora exempla laudare
par est, quam quæ Musarum sicut & sacro-
rum Pontifex Maximus, stilo apibus suis sanè
dignissimo, mellitissime concinnauit. Labor

fuiſſet in delectu, niſi præoptaſſem Elogium
Sancti Ludouici, quaſi publicum & immor-
tale fœdus Maphæi olim Cardinalis, nunc
verò Urbani VIII. cum Galliarum Regno, hîc
veluti gemmam interſerere.

DE SANCTO LVDOVICO
REGE GALLIARVM.

O D E.

STROPHE I. VERS. XII.

Objectu gemini maris,
Illinc Pyrenes, arduis hinc Alpium
Præcincta muris; ingenio ſoli,
Fluxuque diues fluminum;
Fortium turmis equitum verenda,
Heroum genitrix Gallia, bellicis
Fecunda palmis: inclyta Regibus,
Quos longâ ſerie dedit
Præſci Capetij genus:
Vt inter omnes thure LVDOVICVS
Cultus, & aris,
Cæleſti radiat vinctus diademate frontem!

Antistrophe 1. Versuum XII.

*Quas dudum mea parturit
 Mens feta laudes, Regis educ optimi
 In lucis oras, Aonijs lyra
 Sonora cantus obstetrix.
 An piæ primum studium Parentis
 Formandi puerum moribus integris,
 Doctæque raris Palladis artibus;
 An celsæ decus indolis
 Dircaïs celebrem modis?
 En blanda prodis Comitas, Pudorque
 Iuuenioris
 Majestas ac forma, decens & Gratia lingua.*

Epodus 1. Versuum IX.

*Non me tamen moremini:
 Plectrum prouocat aureum
 Pulchrius fulgens teneris ab annis
 Laus parta bello. Iactet Alcida manu
 Infantis enectos colubros
 Ficto Græcia plausu.
 Vt primum nituit murice regio
 Heros gloria Sequana,
 Impuber armis comprimit rebelles.*

Strophe 11. Versuum XII.

Ast etas ubi firmior.
Accessit, omnis abstinens culpa, Deo
Devota jungit pectora, dotibus
Virtutis auctus: commoda
Urbium curat: studiosus equi
Regum delicias spernit, & otium
Fontem malorum claudit, & amouet
Luxum criminis illicem:
Iustis præmia diuidit,
Prauosque pœnæ corrigit timore.
Sic populorum
Munit amore latus, nō ense, aut inilitis hastis.

Antistrophe 11. Versuum XII.

Horti pulchra per areas,
Hinc inde transfert candidum Virgo pedem,
Quà mira florum pompa recluditur:
Seu quos dedit Britannia,
Vel Tagi potor, Sporadumve cultor,
Mox voluens, oculos, undique conspicit,
Et hæret anceps, quem sibi deligat:
Illic floret amaracus,
Hic albet breue liliū,
Floresque pandunt aduenæ decorem:

Deniqueserta

Om nibus illa rose Pæstanum prætulit ostrum.

Epodus I I. Versuum IX.

Florem tibi quem seligam?

Te sceptro potior Fides,

Alme Rex, clarat; Themis, & sorores,

Pietasque majus adferunt tibi jubar,

Gemmata quàm vestis, vel aurum:

At quæ clarior astri

Nascentis radijs fulsit, & in tuo

Fulget corde, rapit sacrâ

flagrans Caritas canentem.

Strophe I I I. Versuum XII.

Hæc te neectare Calitum

Pascit, Deique nunc beat præsentia:

Hæc una quondam, dum tuus induit

Caduca membra spiritus,

Se tibi junxit comitem; viaque

Index, te Superûm cœtibus addidit.

Hinc liberali spargis opes manu,

Sive Altaria construis;

Seu sacras reficis Domos,

Ades vel agris, vel juvas egenos;

Hæc duce bellum

Suscipis, & mortis jaculis caput obijcis ultro.

Antistrophe III. Versuum XII.

Urbis nam Solymæ vicem

Dolens, ut impiam opprimas tyrannidem,

Pacata Regni linquis, & horridis

Armis petens Pelusium,

Traicis textis trabibus phalanges,

Quæ septemgemino cerula flumine

Nilus colorat: mœnia vix quatis

Arcis, cum subitus fores

Recludit pavor hostium;

Mox victor agmen militum patentes

Ducis in agros,

Hostilesque acies geminatâ clade trucidat.

Epodus III. Versuum IX.

Spes sæpè quò propinquior

Arridet, celeri fugâ

Exitus cœptis adimit secundos.

Inuadit, eheu! te lues, & Celticas

Infesta vis morbi, famesque

Vexat dira cohortes.

Illinc flumen aquis, hosticus hinc furor

Denso circuit agmine:

Pugnatur; atrox fœdat arua cades.

Strophe IV. Versuum XII.

Victum gloria non minor
Te sequitur, Heros magne, quàm cùm vinceret.
Constans recusas Martis ab aleâ
Lembo per amnem subtrahi.
Vna nos omnes, eademque pugnae
Sors, inquis, maneat. Vos ego deseram?
Regemque vestrum me fuga polluet?
Captiuo tibi quas minas,
Quæve opprobria barbarus
Infert Tyrannus? sæua quot tuorum
Funera cernis?

Tu tamen immotus CHRISTO spem ponis in vno.

Antistrophe IV. Versuum XII.

Natantes animos fide
Firmas, jacentes erigis. Quid, ais, cadit
Spes vestra? curas pellite lugubres:
Probat Deus quos diligit:
Hos & educit memor è periclis.
Olim quæ populus pertulit Israël?
Hæc ipsa tellus testis: ad innium
Rubri dum pelagi fretum
Urgebat Pharaos ferox
Equis & armis; obsequens repente

Scinditur æquor,

Erectisque vagæ lapidescunt mœnibus undæ.

Epodus IV. Versuum IX.

Electa siccis transilit

Gens plantis: mare sæuiens

Defluit rursus: rapit insecutum

Ducem procellis, & quadrigas obruit.

Sic fatus, haud exspes tueris

Flexo poplite Cælum.

Lux ô Christiadam maxima Principum,

Heros inclyte, qui, tui

Æquent honorem carceris, triumph?

Strophe V. Versuum XII.

Dat dirus tibi Mempheos

Pœnas Tyrannus. En suorum concidit

Ferro peremptus,sertaque laurea

Mutat cupressi frondibus:

Tuque dimissus, redimensque captos,

Oppressosque graui seruitij iugo,

Appellis Aces littoribus ratem.

Hic te Christicolæ tenent,

Vt sis certa cadentium

Tutela rerum: haud te trahunt paterni

Commoda Regni,

Nec Genitricis amor, Procerum nec vota precēsque.

Antistrophe v. Versuum XII.

Non est, quæ premat acrior

Te cura, quàm CHRISTI superbos frangere

Hostes, & almo Nomine, gentium

Delere cultus impios.

Nec pium belli studium remittis,

Donec te Libye sanguine diffuens

Palmâ potitum, corporis exui

Arctis nexibus adspicit.

Nunc ô verticis Incola

Caespi, audi quas preces decorum

Pallida vultum

Religio mærens lacrymis tibi fundit obortis.

Epodus v. Versuum IX.

Inuicte Rex, en Gallia

Iuncta est rursus Iberia

Sanguinis vinclis: animos, & arma

Fac jungat arctum fœdus. Heu! quot conficit

Europa se discors in oris?

Squalet Punica tellus:

Te deuincta vocat Græcia compede,

Iordanes vocat, & sacrum

CHRISTI Sepulchrum vindicem moratur.

RAIMVNDI LVLLII. 153

At num Gallos decet hostimentum pro In-
uictissimo Principe suo Ludouico, tanto
Apolline non indignum rependere? Enim-
verò in magnis quia voluisse sat est, ten-
tasse apud Beatissimum Patrem crimen non
erit, veniam tamen præfatus.

S A N C T I S S I M O
DOMINO D. NOSTRO,
V R B A N O
PONTIFICI MAXIMO.
PRO GALLICIS EIVS
EPINICIIS.

Et Poësi Christianâ.

A VGVSTA Poëtices disciplina, V R B A-
NO PONTIFEX MAXIME, jam
olim vindicat sibi quidquid est in orbe Reli-
giosum. Neq; enim alio vnquam dicendi ge-
nere, vel Dij cum hominibus, vel homines
cum Deo sunt collocuti. Vt credatur de facili,

V ij

suos Diuinitatem splendores, vel oculuisse sub ejusmodi fabularum inuolucris, ad suam nostrique reuerentiam: vel musicis inclusisse numeris, vt sibi mortalium animos grata modulatione conciliaret. Prisca certè Theologia non alijs quam Poëtarum vmbreis, sua apud Nationes misteria delineauit. Fluxerunt deinceps ab eodem fonte Sapientum oracula, legum sanctiones, Morum præcepta, Status & Πολιτεία Imperiorum. Quidquod nostra quoque Christianorum Schola, quæ Tertulliani genio ac stilo tota ad rudem Iudæique austeritatem Sectatores suos effingit; adeo non abhorret à Poëtarum delicijs, vt tota vtriusq; Instrumēti pagina Musarum amœnitate efflorescat. Sed ecce nostro æuo testimonium omni exceptione majus, sacra illa Poësis, quâ diuinam scientiam prophanis manibus velut impiâ contagione maculatam, non aliter quam Pontificiâ apothefi, suo honori pristinaeque sanctitati restituiti.

Tandem ad omnium stuporem, Musæ induerunt peplum Euangelicæ castitatis: vnus-

que inuenisti felicissimo ingenij miraculo,
 quonam fœdere Poësis fieret Christiana: nec
 tamen elegans, acuta, polita, suis demum om-
 nibus numeris absoluta qualis tua est, esse
 defineret. Præcucurrerunt in eo stadio, serua-
 tâ infularum fasciumque Majestate (vt de
 Græcis neoterisque hoc loco nihil attingam)
 Paulinus & Prosperus in Aquitania, Fortuna-
 tus inter Pictones, Sidonius in Aluernia, Fau-
 stus in Gallia, Boëtius in Italia, Rabanus in
 Germania, Prudentius & Iuuenius in Hispa-
 nia; atque ante omnes in sede Romana-Ca-
 tholica, Damasus ille vrbis & orbis Pontifex
 Maximus. Verum audacter dicam, & citra
 omnem adulationis suspensionem, vnus post
 omnes palmam præripuisti vniuersis. Adeo-
 que sequentibus spes imitandi adempta est,
 vt obscurum carmen non alio hic fine adum-
 brarim, quam vt vestri solis radios nostra
 inofuscatio in maiori, ac meliori lumine
 collocaret.

ODE D I C O L.

L O N G E prophani nomen Apollinis
 Injuriosum Cœlitibus, procul
 Fatalis Heroum potestas,
 Mæonijs simulachra vatis.

V R B A N E magnum Romulidum decus,
 Totius orbis Christiadum caput:
 Quem spontè procliues adorant,
 Conspicui pietate Reges.

Quacunque mundi parte refulserit
 Lux solis, ardens ingenij jubar
 Pellit laborantis Minervæ,
 Auspicio tenebras beato.

Nuper fauentis gratia Nominis,
 Sublime Gallis intonuit melos:
 Heröis instaurans triumphos,
 Et meritum renouans honorem.

O quanta sacri gloria Principis!
 Quæ fama justis parca laboribus,
 Dignos triumphali Thiara
 Sancte refers Lodoice plausus?

Olim beatis sedula manibus,
 Sacros honores Roma dicauerat:
 Nunc rursus VRBANI fauore
 Pontificis, sociantur astris.
 Ex quo recenti Musa volumine,
 Exuberantes mentis opes tulit,
 Europa concessas Minervæ
 Fertur ouans rapuisse palmas.
 Illas perennes exuias, tuis
 Appendit ultrò Gallia fascibus:
 Fatalis augendo vicissim,
 Promeriti titulos honoris.
 Nullus secundos Numinis impetus
 Spirare sacris Carminibus neget;
 Cedant Palatini lepores,
 Et veterum monumenta Vatum.
 Quicquid Platonis fabula venditet,
 Hæsisse linguae Cecropias apes:
 Hunc caeca mentitur vetustas;
 Eloquium meruisse Diuum.
 Verumque pignus, Maxime Praesulum;
 Diuinus in te conciliat fauor;
 Examen Hyblæum quieuit
 Stemmatis, pariterque labris.

*Hinc fortiores Hercule Gallico
 Nactus catenas, eloqui truces
 In iura compellis Sicambros,
 Inque feras dominaris aures.
 His fretus armis iurgia Principum,
 Martisque sæuos comprimis impetus:
 His victor, accensos serenas
 Imperijs hominum furores.
 Quas BARBERINI Nominis infulas,
 Aut Gentis alma Nobilitas parit;
 Sublimat Ascræis amicum
 Nuribus, super astra nomen.
 Quamvis auitâ Stirpe decentius,
 Tollas propinquum sideribus caput;
 Diuina commendat potestas,
 Patritios Generis decores.
 Hæc Christianis jura fidelibus,
 Cæli supremis nutibus asserit:
 Hæc tutus & liber Sacerdos,
 Thuriferis operatur aris.
 Hæc veritatis prouidus arbiter,
 Sincera terris dogmata vindicas;
 Dum sæuus infames Alastor,
 Exagitat sceleris ministros.*

Dum

*Dum præpotentis jus anathematis,
Devota diris pectora fulminat:*

*Dum sacra Majestas, prophanos
Hæreseon resecat tumultus.*

*Quò sanctitatis gloria peruolat,
Stipant ouantis munera Pallados;*

*Vnâque conspirant trophæis,
Ingenitas cumulare dotes.*

*Seu Galliarum Regibus intonas,
Testes amoris Pieridum modos:*

*Aut ære commendas perenni,
Egregiæ monumenta laudis.*

*Hic vena sensus explicat entheos,
Phæbique gaudens officiis amor,*

Testatur affectus paternos,

Atque pîj studium Parentis.

*Hæc liliorum fœdera publicis,
Signata fastis exitio carent;*

Hoc pignus exundans amoris

Nulla tui, violabit ætas.

Ne gratiosi muneris immemor,

VRBANITATIS Gallia vixerit;

Tantos remetiri fauores,

Nestorem sataget per ævum.

*Noscant supremum sacula Præsulem,
Franci columnam Nominis, & pios
Sensisse Gallorum triumphos,
Ausoniae columnen Thyaræ.
Cunctis tremendos Numine viuido
Vultus adorans Gallia, posteris
Hæc vouit V R B A N I Parentis,
Atque sacrae studiosa Sedis.
Gratantis ergo vota Poëseos,
Quæ sponte Gallus parturit, excipe;
Cultusque præmissum coronet,
Obsequij melioris omen.*

Eodem animi calamique decursu, nec omnino præter extreuâ propositum, sequentia adnectere pretium duximus.

ANAGRAMMATA.

VRBANVS OCTAVVS

PONTIFEX MAXIMVS.

ORBIS APEX VNCTVS, FAX OMNIVM VATVM.

NVNC IVSTO' SVM ORBIS APEX, FAX VATVM.

VNICVS ORBIS APEX, NVN STO FAX VATVM?

VNCTVS APEX, FAX VATVM OMNIBVS ERIS.

AVCTVS ORBIS APEX, TV ES FAX OMNIVM.

ORBIS APEX, FAX VATVM, CVSTOS OVIVM.

*Inclytus, Illustris, Vigil, Eminent, Emicat, Instat,
Orbis Apex, Fax Vatum & Christi Pastor Ovilis.*

*Inclitus Illustris Vigil
Eminent Emicat Instat
Orbis Apex, Fax Vatum, Christi Pastor Ovilis.*

Poësim ita paulo fusius explicatam (materia enim est amœnitatis plenissima) subsequitur methodo fusius alibi dilatarâ.

HISTORICA, docens res gestas scribendo, legendo, narrando, interpretando, iudicando. Estque in vera narratione, aut fabulosa, à qua Mythologica; in vtraque notat res, personas, causas, effectus, loca, modum, tempus, materiam, instrumenta, consilia, euentus, &c. in quibus vitanda adulatio, & odium; ne quid falsi dicat, ne quid veri non audeat. Historia vero multiplex.

DIVINA, ET HUMANA.

DIVINO-HUMANA, SEV SACRA, in lege Naturæ, Mosis, Euangelij, Ecclesiastica, & Monastica.

PROPHANA, vetus & noua: extera & domestica.

CHRONOLOGICA, per diuersas æras quas notant v. g. Creatio mundi: Diluuium: Monarchiæ Assiriorum, Medorum, Græcorum, Romanorum: Imperium Constantini, Caroli Magni, S. Ludouici, Ludouici XIII. Aut melius per singula quæque sæcula.

NATVRALIS Botanica, Plantarum.

ICTIOGRAPHICA, Piscium.

ORNITHOLOGICA, Avium.

ZOOGRAPHICA, Animalium.

SUB RATIONALI.

RHETORICA.

DIALECTICA.

LOGICA.

RHETORICA, quæ docet ornatè dicere tropis, figuris, voce & gestu; de quibus abundè in ATRIO vulgaris Eloquentiæ.

DIALECTICA, quæ modum tradit benè differendi simplicia inueniendo, complexa disponendo; examinando voces æquiuecas, analogas, vniuocas, subjecta, prædicata, copulas, enunciationes, antecedens, consequens, nexum vtriusque, opposita, relata, disparata, contradictoria, priuantia, paria, maiora, minora, similia, dissimilia, conjugata, partes, totum, definitionem, diuisionem, &c. quæ Lulliano artificio supra latius extenduntur.

LOGICA adhuc contractior, & rebus magis insistentis tres dirigit mentis operationes; apprehensionem, iudicium, ratiocinationem. Verum secernit à falso, affirmado & negando, conficiendo syllogismum absolutum, vel

hipotheticum, constantem materiâ & formâ, in modo & figurâ triplici; cum refutatione fallaciarum. Veritatem demôstrando à priori, vel posteriori, cum METHODO inuentionis, quæ fit sensu, obseruatione, experientia, inductione, & doctrinæ, cujus industriâ traduntur disciplinæ, respiciendo cuiusque finem, objectum, subjectum, partes præcipuas: attendendo ordinem, collocationem, antecessionem, consecutionem. Generale enim præcedit speciale, corporeum, spiritale, notum ignotius, simplex compositum. Est insuper

COMPOSITIVA, quæ considerat subjectum per affectiones, species, &c.

RESOLVTIVA secus, rimatur finem, subjectum, media; quæ quidem Logica propriè vtens dicenda est, tum cum in omnibus artibus, scientijs, & disciplinis reperitur; veram id circo formans eloquentiam, quâ de in Sanctuario alibi misterijs velato.

SVB MORALI, SEV ETHICA
Continentur
ARETICA,

OECONOMICA,

POLITICA.

ARETICA, præscribit finem vltimum, seu beatitudinem Philosophis Moralem, Christianis supernaturalem; quam accipere debet homo per media proportionata, quæ sunt vitiorum fuga, & cultura virtutum. Per fugam enim voluntas recedit à malo, accedit ad bonum veluti ad proprium objectum per virtutem, quæ habitus est cum rectâ ratione electius. Cujus quidem habitus considerat

PRINCIPIA.

PROPRIETATES.

EFFECTVS.

GRADVS.

SPECIES.

PRINCIPIA, Deum, Christum, gratiam, Sacramenta, hominis fides, bonam indolem, & probam educationem.

PROPRIETATES, vt in se sit bona, bonum faciat possidentem, sit aurea mediocritas inter duo vitia extremè opposita, sibi inuicem concatenentur.

EFFECTVS, hominem dirigere ad Deum, per religionem: in se, per virtutes monasticas: erga proximum, per societatem, seu familiarem, seu civilem.

GRADVS, qui sunt inchoatus, proficiens, perfectus, heroïcus.

SPECIES, DIRIGENS, vt prudentia:

DIRECTA, vt pietas: VNIVERSALIS, vt

Iustitia: SPECIALIS, vt eleemosina, mode-

stia, &c. MODERANS, passiones, quæ vn-

decim locantur in parte irascibili, & con-

cupiscibili (cum tamen vna amoris sufficiat,

vt alibi probabitur) vt fortitudo in aduersis,

moderatio in prosperis, temperantia in cupi-

ditatibus, sobrietas in esu & potu, castitas in

venereis: in sermone veracitas, discretio, ta-

citurnitas, in gestu modestia, in diuitijs libe-

ralitas, in conuersatione mansuetudo, & ci-

uilitas, &c. Quas summatim complectuntur

quatuor Cardinales,

PRVDENTIA.

FORTITVDO.

TEMPERANTIA.

IYSTITIA, distributiua, quæ seruat medium
propor-

proportionis Geometricæ, in honoribus, præmijs, & pænis : & commutativa, seruans proportionem Arithmeticam in venditione, emptione, contractibus, &c.

OECONOMICA, quæ docet felicitatem familiæ, illiusque acquirendæ, conseruandæ & amplificandæ modum. Dirigitque SOCIETATEM in familiâ conjugalem, viri & vxoris : patriam, parentum & liberorum : herilem, domini & Seruorum. ACQUISITIONEM justam & prudentem bonorum mobilium, & immobilium ; quæ fit Georgicâ, Armentariâ, Mercaturâ, Officiariâ, Mechanicâ, Vigilantiâ, Parsimoniâ ; & eorum omnium vsu moderato.

POLITICA, quæ hominem instruit, vt sit felix prudentiâ Ciuili ; dirigitque idcirco RES, tam naturales puta aërem, aquam, regionem, vicinos, hostes, confœderatos, &c. quam artificiales domos, nummos, bellum, pacem, inducias, &c. PERSONAS, principes, magistratus, ciues, plebem, viros, mulieres, seruos, &c. STATVM, SEV FORMAM Reipublicæ BONAM, Monarchiam, Aristoc-

cratiam, Rempubicam. MALAM, Tirannidem, Oligarchiam, Democratiam; Ex quibus conflatur RES PVBLICA.

In his spectatur patriæ, seu Reipublicæ, Ciuitatis & familiarum fundatio, ordinatio, administratio, conseruatio, defensio; juxta, leges, edicta, judicia, sententias, canones Ecclesiasticos, rescripta, plebiscita, res, hypothecas, testamenta, possessiones, venditiones, contractus, cæterasque normas quas præscribit complectiturque

IVS LEGISLATIVVM.

Quod quidem à Theologis, Ethicis & Iurisperitis censetur multiplex.

ÆTERNVM, lex nimirum idæalis, quâ statuit ab æterno Deus, mundum in temporis articulo condendum inuiolabili ordine gubernare; cui subest quidquid Deus non est.

DIVINVM, lex duplex VETVS & NOVA; illa velut semen, ista velut fructus maturitate perfectus. Prior à Deo lata Mosis ministerio, quem idcirco Angelum seu mediatorem Scripturæ appellant. Posterior Euangelica, gratiæ & libertatis instituta à Christo Chri-

stianorum Legifero, cui similis nemo in Legislatoribus.

NATVRALE, Impressio scilicet in tabulis humani cordis, & participatio legis æternæ, per quam homo similis auctori suo, sibi cæterisque cum iustitiâ & moderamine prouidēs est; quam nulla delet iniquitas, nulla obliuio potest obliterare. Suntque prima rationis dictamina è quibus nemo tam vecors est aut barbarus, quin per findere fin & instinctum naturæ, practicas conclusiones elicere queat. Quæ conclusiones quia sæpius vt fit, aberrando variant dum ad particularia descendunt; quæ solemni omnium populorum consensione receptæ sunt vocantur

IVS GENTIVM. E quo deriuatur

IVS HVMANVM, positium duplex; CIVILE & SACERDOTALE. Cum enim Respublicæ omnes his duobus membris præcipuè constent, populo & sacrificatoribus: leges quæ ciuitatum reginæ meritò appellantur, singulorum munia præscribere debent vt vigeat pietas erga Deum, societas inter homines, virtutum cultura, vitiorum extirpatio

partim propositis præmijs, partim pænarum metu. Hinc singulis Nationibus sui Legislatores; Persis Zoroastres, Chartaginenfibus Charondas, Schitis Zamolxis, Siculis Plato, Lacædemonijs Licurgus, Atheniensibus Solon, Gallis Druidæ; ipsis quoque Tartaris impius Mahumetes, cæterique omnes qui auctoritatem legum ferendarum, aliquo semper diuinitatis afflatu, vel consilio sunt ementiti. Atenim ex quo Romani rerum Domini toto orbe potiti sunt, præualuit vbique I V S R O M A N V M, nunc vt olim, Christiano more bifariam distributum;

C I V I L E seu politicum & Cæsareum. Nam cum ciuitate exoriente populus in certis legibus ageret, omnia nutu Regis gubernabantur. Postea verò cum Romulus omnem populum in tres Tribus, Tribus autem in triginta Curias, Curias in decurias diuisisset; quasdam etiam leges tulit, quas idcirco C V R I A T A S appellauit. Tulerunt & alij deinceps Reges, quas omnes Papirius collegit in vnum volumen; quod à Collectore, I V S P A P I N I A N V M nuncupatum est. Exactis vero

Regibus, lege Tribunitiâ jus illud exoleuit:
 & ne Ciuitas sine legibus pessum iret, jam
 viginti annorum interstitio multum labefa-
 ctata, decem vel ex nonnullorum relatione,
 tres-viri à Senatu Romano Athenas legati,
 leges à Solone & Lycurgo latas, Romam at-
 tulere: & eas Senatoriâ authoritate jureque
 absolutissimo correctas & emendatas, tabu-
 lis eburneis pro Rostris promulgarunt. Ad-
 ditis insuper duabus tabulis, quæ ad Ciuita-
 tis regimen, & pacem necessariæ videbantur;
 Hinc DVODECIM TABVLARVM IVS,
 authoritas & nomen inualuit.

At verò cum his legibus subobscuris inter-
 pretatio desideraretur, dareturque vt pluri-
 mum sine scripto; Ius istud postea in corpus
 compositum, CIVILE denominatur. Ex quo
 mox legis actiones quæ formam agendi con-
 tinent, natæ sunt & ortæ; quas ne Populus
 pro libito inuerteret, solemnes & certas esse
 voluerunt. Igitur ex his TRIBVS, tabulis ni-
 mirum, interpretationibus, & formulis jus
 Ciuile constabat. Atque omnium legum au-
 thoritas & interpretandi scientia, jurisque

actiones penes Pontifices religiosissimè asseruabàtur. Deindè cum à Cneo Flauio qui à secretis Appio Claudio erat, hæ actiones Populo fuissent traditæ; liber iste juris FLAVIANI, nomen accepit. Nec multo post Sextus Ælius alias quoque leges composuit, quibus juris ÆLII, cognomen appositum est. Tandem plebs à Patribus dissidens, jus sibi proprium constituit, seu PLEBISCITA, quod vim legis postea obtinuit. Opposuerunt ex aduerso Senatores SENATVSCONSVLTA, quibus vim, & audaciam populi reprimerent.

Vltimò demum jus HONORARIVM dicta sunt Magistratum, seu Prætorum Edicta; quæ cum multum hominum inuidiæ, & libidini permitterent; annuos enim Magistratus annua Edicta sequebantur, lege Corneliâ sub Adriano Imperatore, in Edictum perpetuum transierunt. At successu temporis à La-beonianis, Sabeanis, Proculianis fuerunt tam copiosè interpretata, vt librorum numerus ad duo millia excreuerit; quæ tempore Iustiniani & deinceps contractæ in vnum cor-

pus, quatuor Tomis continentur. In PRIMO extat index generalis omnium Titulorum. Lib. 4. Institutionum. Digestorum seu Pandectarum libri 50. In SECUNDO extant Codicis libri 12. In TERTIO Nouellæ Imperatorum, & Canones Apostolici. In QUARTO, feudorum consuetudines. Porro materia quæ in jure tractatur est DVPLEX, absoluta & relata. Ius ABSOLVTVM est de HOMINE vel solitarie, vel ciuilitate seu politice: de REBUS primò corporalibus, siue mobiles sint, vt vestis, liber, nummus: siue immobiles vel soli, velut prædia, vel solo hærentes, vt fructus: deinde de rebus quæ tangi nequeunt, siue quantitates sint, vt valor nummi, ponderis & mensuræ æstimatio: siue qualitates, vt dominium, possessio. Ius RELATIVVM locum habet in litibus & judicijs; queis partes sunt, Personæ tum Principales, vt Iudex & litigantes: tum accessoriæ, vt Aduocati, Procuratores, Scribæ, Apparitores. Et Questiones, quæ controuersiæ sunt, vel in facto, vel in jure. Hactenus de Iure Ciuili, seu Cæsareo. Iam verò

IVS CANONICVM, seu Pontificium duobus libris comprehenditur. DECRETO, & DECRETALIBVS. Illud sic compositum est à Gratiano Sancti Proculi Monacho, vt omnes Pontificum, Patrum & conciliorum decisiones, quæ Canones dicebantur & regulæ, dispersas vnum in corpus collegerit circa annum Christi 1151. tempore Eugenij III. & in tres partes distribuerit. PRIMA continet pugnatum decretorum DISTINCTIONES; nam discrepantes inter se Patrum, Pontificum, Conciliorumque Canones & sententias, adhibitis 101. DISTINCTIONIBVS conciliat, quarum vnaquæque suos habet Canones seu capitula, paragraphos & versiculos. SECUNDA pars CAUSARVM Nomen obtinuit, quod ex illis eliciantur quæstiones vnde de rebus disputatur. TERTIA pars est de CONSECRATIONE. Decretum quod non aliam vim, quam ex authoris sui nomine vindicat. Secuntur

DECRETALES; summorum scilicet Pontificum Epistolæ, quarum PRIMA pars abs Raimundo,

Raimundo, jussu Gregorij I X. in corpus vnū redacta est, & in 5. libros distincta. **SECUNDA**, Sextus vocatur suppletus à Bonifacio VIII. & ad prioris normam compositus, sequæ habet ad Decretales, vt Nouellæ ad Codicem. **TERTIA** pars à Ioan. 22. constituta, duas partes cõplectitur; **CLEMENTINAS**, à Clemente V. conscriptas, & ab Ioanne denuò promulgatas; & **EXTRAVAGANTES**, sic dictas quod sint extra corpus juris, non secus ac Nouellæ Imperatorum constitutiones, cõsuetudinibus feudalibus additæ sunt. Atque ita Decretum responder Codici, Decretales Institutis, Nouellis Sextus, & aliæ decretales; tandem ijs constitutionibus quas Imperatores Iustiniano posteriores ediderunt, Bullarium. Habent autem juris Pontifices sua Simbola, v. g. C. idest Codex. I. Institutiones. N. Nouellæ. E. Edicta. N. I. Nouellæ Iustiniani. L. N. Leonis Nouellæ. C. I. Constitutiones Imperiales. F. Feudorum consuetudines. C. Capitulum, seu centesima in Distinctionibus. D. distinctio. ff. digest. seu Pandectæ. §. paragraphus. Q. quæstio. L. lex.

vel quinquagesima in Distinctionibus T. ti-
tulus ; similesque characteres P O L I T I C Æ
famulantur

M E C H A N I C Æ.

Artes & disciplinæ, ab alijs aliter recensitæ &
distributæ in necessarias, vtilis, & delectabi-
les, quæ sequenti serie, vt se offerent confi-
derabuntur.

P O L E M I C A, militiæ vmbra-tilis & legitimæ;
quæ constat viris, & armis. Inter viros cense-
tur D V X; in duce debet esse scientia bellica,
fortitudo, authoritas, peritia, felicitas.

M I L E S, eques, & pedes: turba reliqua cu-
jusmodi sunt Fabri, Tubicines, Lixæ, & Ca-
lones.

A R M O R V M, alia sunt offensiva, alia defen-
siva, in bello barbaro, extero, ciuili: in præ-
lio Nauali, Campestri, Obsidionali.

A G R I C V L T V R A, agnoscit Principia, so-
lem, aquam, terram: finem, vtilitatem, & vo-
luptatem; siue sit naturalis, campestris, colli-
na, montana: siue artificialis ad speciem, &
fructum; Consideratis cœlo, solo, tempore, &
instrumentis. Subnectitur

Pastio, &

Venatio; Ruralis, Siluestris.

Auiaria.

Piscatoria.

ARCHITECTURA, quæ ordine disponit & collocat structuram ædificij sacri, prophani, publici, domestici, Regij, plebeij, per Icno-graphiam, Orthographiam, Scenographiam, Euithmiam, Symmetriam, Artificio Ionico, Dorico, Corinthio; spectata, vtilitate, firmitate, venustate; Cui adiungitur

PICTURA, adiuuante Perspectiuâ, per dimensionem pedis, vnciolæ, minutæ; per normam stantem, & basim, finitionem per organum, cuius partes sunt horizon, radius, perpendiculum, &c. per delineationem, proportionem, colorum mixturas, vmbras, &c.

Ciuii etiam deseruiunt THEATRICA; continēs SENICOS, Hipocritas, Comædos, Tragædos, Mimos, Cantores, vt sunt Cytharædi, Cytharistæ: Tibicines; vt sunt Chironomi, Choragi, & Saltatio quadruplex Cordax, sin-cinia, Emmelia, Pirrichia. GLADIATORES, qui sunt Retiarij, Scutores, Thraces, Samni-

tes, Hippomachi, Dimachæri, Mirmiliones, Aridarij, Probatores, Orbelæ, Equestres, Efedarij, Velites, Laqueari, in quibus erudiunt Lanistæ. GIMNICO S, qui sunt Stadiodromi, Dolicodromi, Pugiles, Palestritæ, Pancratistæ, Sciomachi, Xistici. AGITATORES, qui sunt Russati, Albani, Prasini, Aurati, Lutei, Purpurei, Defultores, Aurigæ, Bigarij, Veneti. CÔQVINARIA, victui enim inseruiūt, hamiotæ, macellarij, stabularij, vinarij, popinarij, conditores, piscatores, cupedarij, caupones, fartores, pastores, pistores, tostores, vrinatores, salsamentarij, condimentarij, lactarij, medicamentarij, & similes.

FABRILIS, fabri tignarij, ferrarij, monetales, gemmarij, fornicarij, argentarij, cæmentarij, carbonarij, lapidarij, loricarij, cultrarij, vascularij, vehicularij, vitrarij, & similes.

SOMATICA, Corpori enim inseruiunt Mediasini, Libitinarij, Balnearij, Mangones, Coronatores, Designatores, Alistæ, pædotribæ, Cosmetæ, præficæ, probolæ, pigmentarij, funerarij, Ciniflones.

LANIFICA, & qui lanam tractant lanarij,

fullones, patagiarij, reticularij, plumarij, cer-
dones, feritarij, textores, interpolatores, flam-
mearij, molochinarij, polimitarij, linternes,
netrices, phrigiones, infectores, sutores, &
similes.

GRAPHICA, nam scripturæ inferuiunt no-
tarij, exceptores, scrinarij, scribarij, pragma-
tici, librarij, &c.

NAVICA, Gubernatores, Remiges, Prore-
tæ, Nauarchi, Epibatæ, vectores, naucleri, sen-
tinarij, naupegij, &c.

STABULARIA, equis & mulis stratores, mu-
liones, stabularij, agasones, equifones, curso-
res, cisiarij, proxenetæ.

MERCATVRA, rei nummaria & mercibus,
Nummularij, negotiatores, argentarij, celli-
bistæ, institores, trapesitæ, probolæ. Præci-
pue vero venditioni præcones, sectores, coa-
ctores, venatilitarij; subsunt igitur artes me-
chanicæ illustriores septem.

AGRICVLTVRA.

VENATIO.


NAVIGATIO.

LANIFICIVM.

FABRICÆ.

ARCHITECTVRA.

MEDICINA; melius Philosophiæ infra ad-
nectenda; vt alijs aliæ pro libito & arbitrio
cujusque.



M O R A L E M

SEQVITVR THEORETICA

T R I P L E X.

P H Y S I O L O G I A.

M A T H E M A T I C A.

M E T A P H Y S I C A.

P H Y S I O L O G I A duplex

D O G M A T I C A &
C H I M I C A.

Dogmaticæ partes sunt, speculari res in materia, & cum materia concreatas, seu corpus omne naturale.

Primo quidem P R I N C I P I A, per se, remota Deum & Cœlum: propinqua communia tria materiam, formam, priuationem: particula-

ria, semen & calorem; cum modo productionis, siue sit creatio, siue generatio, quibus additur conseruatio.

Deinde CAVSAS QVATVOR: materialem, formalem, efficientem, finalem: vna cum concausis, instrumento, exemplari, arte, &c. quæ sunt principia externa. Tandem principia primis illis annexa, puta

LOCVM.

MOTVM.

VACVVM.

INFINITVM.

TEMPVS.

CONTINVVVM.

MOTORES. Itemque

PRINCIPIIS orta sempiterna, fluxa, cœlestia, terrestria, simplicia.

Cœlum de quo in Astrologia.

ELEMENTA, ignem, aërem, aquam, terram; cum singulorum, natura & proprietatibus, rerum ortum & interitum.

MIXTA, seu composita, imperfecta, vt meteora, quorum considerantur causæ, materia, locus, species, proprietates, significata.

PERFE-

RAIMVNDI LVLLII. 183

PERFECTA, vt lapides & metalla; & hæc quidem inanimata; de quibus Paulo post.

ANIMATA, vero quadrifariam.

VEGETATIVA, vt planta.

SENSITIVA, immobilia, vt zoophita.

LOCO MOTIVA, vt iumenta, aues.

RATIONABILIA, vt homo; de quibus supra distinctis titulis. At enim verior & secretior Philosophia est, ALCHEMIA infausto jam nomine odiosa, & prauo sophistarum usu infamis;

Cujus præcipuæ partes sunt,

CHRYSOPEIA.

ARGIROPEIA.

MAGIA naturalis, de quibus mox in Medicina. Nam vbi Philosophia desinit, ibi incipit subordinata illi triplex

MEDICINA.

EMPIRICA, quæ sola experientia vtitur.

METHODICA, constituens tria duntaxat morborum genera, astrictum, fluens, & mixtum.

DOGMATICA, tam speculatiua, quam practica.

THEORICA, considerat naturam physiologicam, causas ætiologicas, procatarticas, id est præuertentes, præugmenas id est antecedentes, synecticas id est continentes: Signa simiotice presentium discernicula, futurorum præfaga, præteritorum memoratiua.

PRACTICA prophylactica, id est conseruans: Therapeutica, id est curans: Diætica, Gero-comica, Analiptice, Cosmetica, Pharmaceutica, Chirurgica. Vtriusque partes præcipuæ duæ ὑγιεινὴ, & θεραπευτικὴ. Illa sanitatem tuetur diæta diateretica, quæ sanitatem firmat & prophylactrice quæ deflexionem in morbos præuertit. Ista restituit sanitas autem consistit in eucrasia, id est in proportionem qualitatum: in diaplasi, id est partium simmetria in quantitate & figuratione: tandem in constructione partium ratione situs & nexus inter se. Sanitatem destruit ametria seu discrasia simplex aut composita, particularis aut vniuersalis quam corrigit remedij vis agendi in quantitate, qualitate & mixtione. Medicinæ pars

SECRETIOR PHISICA.

Quæ Corpora mixta naturalia dissolvere, dissolutaque coagulare docet; Ejusque Schola natura est, quæ perpetua generatione & corruptione totum in partes resoluens; non tamen operatur nisi virtutes illius intrinsecæ ab agente naturali, aut artificiali juventur. Porro

HERMETICÆ PHILOSOPHIÆ
PRINCIPIA SVNT

MERCVRIVS.

SVLPHVR.

SAL, quæ defœcanda, vt suavius agere valeant; cum vbiq; hæc principia reperiantur.

MERCVRIVS, nihil est aliud quam acidus ille liquor æthereus, omnia permeans subtilitate & puritate sua, vitam omni Enti conferens, sensum, & motum; vnde spiritus dicitur, Sal armoniacum, idæa informans, mouens intelligentia, intellectus gloriosus.

SVLPHVR, est balsamum dulce & oleaginosum, naturalem calorem conseruans, alias vitrum dulce, anima, &c.

SAL, corpus illud ficcum & salsum, quo mixta à corruptione seruantur, alias Resche &

amarum, corpus, materia, ars, &c.

Alia duo corpora, quæ communiter caput mortuum, aut damnata terra & phlegma insipidum dicuntur, non sunt principia, sed principiorum indumenta, thecæ aut excrementa. Prima operatio Chimiæ est

RESOLVTIO

Quæ fit Calcinatione, aut
Extractione.

CALCINATIO est mixti reductio in Calcem, id est in puluerem subtilissimum, qui fit vel

Ignitione, vel

Corrosione.

CORROSIONIS, species quatuor.

1. Amalgamatio.

2. Præcipitatio.

3. Stratificatio.

4. Fumigatio.

IGNITIONIS, species duæ.

1. Cinefactio.

2. Reuerberatio huiusque affinis est

DESICCATIO.

EXTRACTIO, quæ separat partes subtilio-

res à corporibus mixtis & crassioribus, hocque

ASCENSIONE, & DESCENSIONE. Ascensio fit

1. Sublimatione.
2. Distillatione.
3. Rectificatione.

Descensio vero fit

1. Filtratione.
2. Deficientia, siue deliquio.

PER INTERMEDIUM FIT

1. Digestione, quæ etiam alias maceratio dicitur.

2. Putrefactione, quæ quia vt plurimum mense vno peragitur, liquor quo imbuitur menstrua dicitur.

3. Circulatione cum putrefit deinceps liquor agitatione; hucque pertinet.

FERMENTATIO, qua rei natura exaltatur, actius calor immutans virtute sua in propriam naturam, quod passivum erat.

Altera hujus scientiæ pars est

COAGULATIO.

Quæ liquido humore sublato, solida facit; idque

1. EXALTATIONE, cum humor expirat.
2. DECOCTIONE.
3. CONGELATIONE.
4. FIXATIONE.

EFFECTVS CHIMIÆ SVNT.

1. AQUÆ florum.
2. AQUÆ, fortes & causticæ; in quibus corrosiores sunt stygiæ, & quæ aurum regale dissoluunt, alias, des deux champions.
3. SPIRITVS, qui sunt oleum, vel aquæ prædominanti qualitate: qui ex humano sanguine exprimitur inter animalia excellit, qui ex vino inter vegetantia, qui ex vitriolo inter mineralia.
4. OLEI species, mediæ inter ignis & aquis naturam.
5. TINCTURÆ liquidæ, quæ colores sunt qualitatibus, aut essentiæ rerum adhærentes.
6. BALSAMI genera, id est, olea addensata, & composita ex aliarum rerum mixtione.
7. EXTRACTA, siue succus animalium, & vegetabilium.
8. TINCTURÆ molles, liquidis solidiores.
9. FLORES, vt Sal, quod ex omni re extrahitur.

10. MAGISTERIA, quæ partes homogeneas eleuant, exterioribus impuritatibus dumtaxat rejectis.

11. SOLIDÆ tincturæ, aut panacæa.

12. QVINTESSENTIÆ, alias, Cœlum, Elixir.

Hic aduertendum metalla duas veluti naturas habere contrarias; nam, verbi causa, ferrum in suo manifesto calidum, & siccum est: In occulto frigidum, & humidum; quod de omnibus verum est, quæ his nominibus celam logodædali.

PLVMBVM, Saturnus.

STANNVM, Iupiter.

AVRV M, Sol.

FERRVM, & calibs, Mars.

CVPRVM, Venus.

ARGENTVM viuum, Mercurius.

ARGENTVM, Luna.

NATVRALÆM SCIËNTIAM EXCIPIT.

MATHEMATICA.

PVRA, & IMPVRA. Illa speculatiua, hæc practica adjungit sibi operationes aliquas; ideoque ferè omnes Mathematicæ partes

mixtæ sunt.

SPECVLATIVA, constat

1. PRINCIPIS, in quibus DEFINITIONES, seu suppositiones & hypotheses, quæ vocabula declarant: POSTVLATA, seu petitiones, vt determinationes fiant

AXIOMATA, & receptæ sententiæ.

2. PROPOSITIONIBVS, in quibus PROBLEMA, docens constructionem, seu ædificationem rei quæsitæ in propositione. THEOREMA, est demonstratio examinans proprietatem rei constructæ: LEMMA, problema, seu Theorema propositioni prærequisitum, antequam ad præcipuam ejus demonstrationem deueniatur. COROLLARIUM, consequentia deducta ex præcedenti propositione: SCHOLIA, adnotatio in aliquam propositionem.

Mathematicæ puræ quæ contemplatur abstractam à materia quantitatem, subsunt

ARITHMETICA.

GEOMETRIA.

MVSICA.

COSMOGRAPHIA.

ARITH-

ARITHMETICA.

Scientia videlicet quantitatis discretæ, seu numerorum parium & imparium, æqualium & inæqualium; quos artificiosè computare docet quinque modis; NVMERATIONE, ADDITIONE, SVBTRACTIONE, MVLTIPLICATIONE, DIVISIONE; confiderans numeros integros, fractos, numerorum proportiones & radices. Quibus additur Algebra, Algorithmus, & Rabdologia; cum Arithmetica practica, quæ reducit nummos, mensuras liquidas & solidas, monetas, &c.

GEOMETRIA.

Docens artem recte metiendi, inspicit quantitatem continuam in LINICOMETRIA, mensurans lineas in longitudine, latitudine, & profunditate. PLANIMETRIA, mensurans superficies planas, conuexas, concavas, mixtas. STEREOMETRIA, quæ est corporum solidorum; in quibus omnibus respicit figuras Geometricas lineationem, planum, solidum, piramidalem, cubum, sphæram, &c. In his

Punctum à quo linea recta, jacens, erecta,

Bb

conjungens, diameter, basis, &c.

Angulus planus, intrinsecus, extrinsecus, egrediens, contingentia, incidentia, rectus, acutus, obtusus, solidus.

Figura plana, circularis, in qua peripheria, diameter, semicirculus, sinus, rectus, versus.

Rectilinea trium, aut quatuor angulorum, Isocèles, Scalena, Isopleurus, &c. Porro Geometriæ OPERATIONES fiunt propositione alicujus PROBLEMATIS, aut Theorematis: constructione seu ædificatione duorum PARALLELOGRAMMATVM: EXPOSITIONE, seu explicatione horum duorum Parallelogrammatum: DEMONSTRATIONE & determinatione, seu affirmatione duorum Parallelogrammatum: PROBATIONE, & examine propositionis; & CONCLUSIONE.

M V S I C A.

Quasi potissima Musarum inuentio, statuitur duplex; Naturalis, & Artificialis.

N A T V R A L I S.

ARCHETIPA.

DIVINA.

MVNDANA.

COELESTIS.

ELEMENTARIS.

HVMANA.

ARTIFICIALIS.

METRICA, eadem nimirum cum Poëtica; quæ mensuram & melodiam quandam obseruat in versuum constructione, & ordinatione.

RITHMICA, quæ oritur ex numeris connumeratis, dinumeratis, complicatis, sesquatis: discerniturque visu in saltatione, auditu in cantu, tactu in chordis. Partes habens tempora, pedes, mutationes. Atque nascens ex hac HARMONICA; seu Canonica tam THEORICA, quam PRACTICA, VOCALIS, INSTRUMENTALIS, & ex utrisque CONFLATA; & ea quidem multiplex.

VETVS, cuius tria genera memorantur. DIATONICVM, ita tonis abundans, vt per tonum & tonum, & semitonium procedatur. ENHARMONICVM, è contra quod per minima interualla procedit, per diæsim & diæ-

Bb ij

sim., & ditonum. Inter vtrumque mediat
CHROMATICVM, constans mediocribus
interuallis, puta semitonijs. Quæ tria compa-
rant nonnulli velut bonum, melius, optimũ.
NOVA nostro hocce æuo vsitata SINTONA
est; & ex præcedentibus varie conflata à mul-
tis creditur. Consideratque & cantando de-
currit,

SONORVM potestates, vt agnoscat & diri-
gat vocem altam, infimam, grauem, acutam,
&c. ascendendo & descendendo per gradus
seu voces, sex, vt, re, mi, fa, sol, la.

SPATIORVM differentias, seu sistemata
quæ sonos eliciunt ex organo, cithara, mono-
chordo, &c. per tempora, & modos.

TONOS, seu consonantiæ proportionēs, id-
est dissimilium inter se vocum ex acuto, &
gravi, per superius, contra, tenorem, & bas-
sum, in vnum redactam concordiam. Vnde
definitur TONVS major, seu minor, planus
sonus, & legitima spatij quantitas, sub distin-
ctione duarum vocum, quæ per se intonan-
tur. Ab hoc tantillum recedit SEMITONVS,
spatium videlicet imperfectum duarum vo-

cum quæ sint immediatæ, dum vox velut media hæret inter vtramque ascendendo, & descendendo. Subseruiunt

DIÆSIS, id est semitoni minoris dimidium.

COMMA.

Per hos igitur tonos maiores & minores, siue quindecim, siue duodecim numerentur; nempe per dorium, hipodorium, lidium, &c. Et semitonos cum eorum assumptione, deductione, disiuncta, transmutatione, mixtura & vsu, variæ fiunt consonantiæ, seu harmoniæ & simphoniæ musicales; quas inter insigniores sunt.

UNISONANTIA, cum per octo generales tonos planus cantus deducitur.

DISCANTVS, quæ consonantia est diuersi & variati cantus, per

DIAPENTE, quæ in sesqui altera proportionem consistit, vt trium ad duo.

DIATESSARON, ex sesquitertia, vt 4. ad 3.

DIAPASON, ex dupla, vt duorum ad vnum, quatuor ad duo, octo ad quatuor; qui modi rursus inter se mixti, replicati & complicati efficiunt disdiapente, disdiapason; Ea autem

mixtura sumitur ex proportione, quæ duplex est

S E S Q V I altera major, vt sex & quatuor: &
S E S Q V I tertia minor, vt quatuor & tria; at-
 tendendo in vno quoque tono, tam regula-
 ri, quam irregulari, velut principia quædam,
 tertiam, quartam, sextam, & octauam. Ex
 quibus conficitur præclara illa Musica ho-
 minum in terris, Angelorum in cœlis, nobile
 illud Trifagion decantantium. Substernun-
 tur quoque **MATHEMATICÆ IMPVRÆ**,
COSMOGRAPHIA.

PERSPECTIVA.

MECHANICA.

COSMOGRAPHIÆ partes sunt

ASTROLOGIA sphærica, considerans Cœ-
 lorum situs, Astrorum conuersiones, ortus,
 obitus, altitudines, longitudes, latitudes,
 declinationes, circulationes; & cæteras cœli
 facies. Idque instrumentis varijs, puta Sphæ-
 ra artificiali, Globo cœlesti & terreno, Semis-
 phærico Nautico, & Astrolabio. Illis enim de-
 prehenduntur orbes Cœlorum vndecim;
 puta Empireum Beatorum sedes, primum

Mobile, Cœlum nonum, Sphæra octaua, septem Planetarum orbes Saturni, Iouis, Martis, Solis, Mercurij, Veneris, Lunæ, recentiores alios superaddunt.

Stellæ fixæ, vt sunt signa Zodiaci, sequenti disticho indicata

Sunt Aries, Taurus, Gemini, Cancer, Leo, Virgo, Libraque, Scorpius, Arcitenens, Caper, Amphora, Pisces,

tum Stellæ Septentrionales & meridionales. Motus orbium, primi mobilis ab Oriente in Occidentem: aliorum ab Occidente in Orientem; trepidationis & librationis.

Circuli maiores Horison, Meridianus, Zodiacus: Minores coluri duo, Tropici duo, duo Solares. Cœli cardines cum axe & Polis artico & antartico. Zonæ quinque duæ temperatæ, duæ frigidaæ cum Torrida.

Planetarum excentrici, concentrici, deferentes, apogœum seu aux perigœum. Illorum etiam passionēs; sunt enim Planetæ directi, vltrogradi, tardi veloces, ascendentes, descendentes, orientales, occidentales, luminati obscuri, amici inimici; per aspectus qui

sunt sextilis, quadratus, oppositus, conjunctio.

Est & altera IUDICIALIS, seu genethliaca ex Cœlorum motu, influentijs, facie, aspectu præfagiens temporum vices, & quæcumque futura sunt; ad quæ reducuntur PHISIOGNOMIA cœlestis & naturalis, CHIROMANTIA, & GEOMANTIA.

PIROGRAPHICA, ANEMOGRAPHICA, & METHEOROGRAPHICA; hic etiam locum habent, licet alibi explicentur,

HIDROGRAPHICA, quæ describit Maris Oceani & Mediterranei portus, lacus, flumina, fontes.

GEOGRAPHICA, quæ quatuor terræ partes delineat, Asiam, Affricam, Europam, & in orbe nouo Americam vtramque Septentrionalem & Meridionalem.

CHOROGRAPHICA, quæ Regiones singulares.

TOPOGRAPHICA, quæ loca peculiariora.

PERSPECTIVAM ET MECHANICAM
DIVIDUNT PRÆSERTIM.

OPTICA, ars perspiciendi Res, per diaphanum

num oculis objectas verè, vel falso; per radios
DIRECTOS incidentiæ, vt quando aspici-
mus parietem: REFLEXOS, vt in speculo:
REFRACTOS, in duplici medio, vt in aqua.
Docet quoque differentiam luminum, um-
brarum, interuallorum; augmentum & de-
crementum à proximitate, vel remotione ob-
jecti. Hanc ad praxim reducit Perspectiua,
seu Scenographica, & Pictura.

CATOPTICA, quæ docet artem fabrican-
di specula, lucidaque corpora; quorum refle-
xione lumen accipimus.

DIOPTICA, docens refractionem, quæ fit
ex occurſu corporum vitreorum, & transpa-
rentium.

GNOMOMICA.

PNEVMATICA.

HIDRAVLICA.

ARCHITECTVRA.

STATVARIA, TIPOGRAPHICA, aliæ-
que proprie dictæ mechanicæ artes, quo de-
mum nomine cuiusque arbitrio nuncupen-
tur; & ita tandem peracto circulo reditur in
vltimam, quæ est

1^a METAPHYSICA DVPLEX.

NATVRALIS, quæ totius Philosophiæ corona est; & speculatur

Entis essentiam & existentiam, ejusque PROPRIETATES, transcendentales sex, VNITATEM, VERITATEM, BONITATEM, NUMERVM, ORDINEM, PERFECTIÖNEM, seu pulchritudinem.

DIFFERENTIAS, in ens vniuersale & singulare, potentiâ & actu, dependens & independens, completum & incompletum, naturale & artificiale, simplex & compositum, totale & parziale, prius & posterius, idem & diuersum, possibile & impossibile, finitum & infinitum, reale & fictitium, seu rationis, abstractum & concretum, necessarium & contingens. Item in

Substantiam & accidentia nouem; ex quibus decem conficiuntur CATEGORIÆ, seu prædicamenta, quæ illorum proprietates seorsim complectuntur.

SVPERNATVRALIS, eadem nimirum cum relatâ superius Scientiâ inspiratâ, seu

THEOLOGIA.

Vbi velut in throno sedet virtus, vsque adeo gloriosa, vt non nisi eloquendi gratia distinguatur ab vltimo absoluto

GLORIA

Quæ est delectatio cuiuscumque rei finalis, seu quies beata in æternitate, continens idcirco & quietem, & delectationem; estque INCREATA in Deo, & beatis creata.

NATVRALIS, in centro.

HVMANA, in vltimi desiderij fruitione.

MVNDANA, in vanitate.

DIABOLICA, in voluptate. Vno verbo definitur Ambrosio & Aristoteli, clara cum laude notitia. Sed est alia beatitudo & finis vltimus, quem proponit & declarat tam Philosophia Moralis quàm Theologia Christiana, status videlicet omnium bonorum aggregatione perfectus.

Absolutis succedunt vltimo loco

RESPECTIVA.

DIFFERENTIA.

CONCORDANTIA.

OPPOSITIO.

PRINCIPIVM.

RHETORICORVM

MEDIUM.

FINIS.

MAJORITAS.

ÆQUALITAS.

MINORITAS.

Ab his nonnihil discrepat relatio illa seu respectus categoricus quo formaliter aliquid refertur ad aliud, non tanquam ad subiectum aut objectum, principium vel finem, sed velut ad terminum; in queis attenditur præcipuè subiectum in quo, fundamentum propter quod, proximum seu remotum, terminum ad quem fit relatio; ita ut relationes seu substantiales in Deo, seu prædicamentales, ut inter duos parietes albos, mutuae sint, ut Pater & Filius, oppositæ ut Rex & subditus, simul natura & definitione coexistent. Nam Termini Lulliani longè latius patent; eosque omnes paulo fusius evolutos orditur

D I F F E R E N T I A.

Quà alterum differt ab altero, reperitur Inter substantiam & substantiam, substantiam & accidens, accidens & accidens, abstractum & concretum & similia. Et quidem ex

primis intentionibus.

ESSENTIALIS, vt creator essentialiter differt à creatura per esse increatum.

REALIS, rerum in se, vt homo à bruto per animam rationalem.

ACCIDENTALIS, per accidens vel proprium, vt homo differt à bruto per risibilitatem, vel commune, vt ætiops à Gallo,

EX secundis intentionibus sumitur à

RATIONE seu phantasia,

GENERE, vt homines, lapides, arbores.

SPECIE, vt homo, leo, canis.

NUMERO seu INDIVIDVO, vt Petrus, Ioannes, Iacobus; & ex decem reliquis prædicamentis, per declinationem supra memoratam.

CONCORDANTIA.

Quâ omnia in vno vel pluribus conueniunt, optima ad vestiganda media rei cuiuslibet probandæ accommodata, estque; Tam vniuersalis inter omnes creaturas, quam specialis, verbi gratia, inter succinum & paleam.

I. Per diuisionem incomplexorum, vt sunt vniuoca, vt homo respectu Petri Ioannis &c.

æquiuoca, vt homo, respectu hominis viuentis, mortui, picti, analoga, vt sanitas conuenit Medico, medicinæ, sanato. Sinonima, à Consilio, Casu, Assimilatione, Metaphora, Grammatica; vt Deus omnipotens, Rex vniuersi, Centrum mundi, cuncta videns.

2. Per diuisionem realem totius
E S S E N T I A L I S, vt homo diuiditur in Corpus & Animam.

I N T E G R A L I S vt Anima in intellectum, voluntatem, memoriam; corpus in membra.

A C C I D E N T A L I S, templi in chorum, nauim, tectum.

I N partes secundum esse, & modum essendi in tempore, quantitate, &c.

G E N E R I C I, in species superiores & inferiores, vt spiritus Angelicus & humanus. Subalternatas & specialissimas, vt viuens in animal & rationale.

V N I V E R S A L I S, in differentias subjectas, animal in rationale & irrationale.

C A V S Æ, in effectus, & contra, vt sol, lux, calor, influentia; homo respectu solis, & hominis generantis.

SUBIECTI, in accidentia & contra; vt terræ
ficcitas & frigiditas.

Virtutis, in operationes intrinsecas & extrin-
secas; vt Charitas ad Deum & ad proximum.

SUBSTANTIÆ, in suas potentias, vt anima
in intellectum & voluntatem.

Absoluti, in relata; vt natura diuina respectu
personarum.

3. Nascitur, Concordantia ex complexis, siue
ratiocinationibus per conjunctiones.

SUBIECTI & prædicati, vt homo est ani-
mal, Deus est bonus.

PATIENTIS & agentis, vt ignis comburen-
tis & ligni quod comburitur.

MODI actionis, & passionis, vt cœli rapidissi-
me mouentur, mare tardè gelatur.

4. Fit denique concordia per varias attribu-
tiones vt sunt collectio partium in toto, verbi
gratia, membrorum in corpore.

Mixtorum in mixto, vt herbarū in medicinâ.

Simplicium in mixto, vt Elementorum in la-
pide.

Continuorum, vt punctorum in linea, linea-
rum in superficie.

Discretorum, vt minutarum in hora, horarum in die, Angelicarum operationum in æuo, operationum Dei ad extra.

Materiae & formæ, vt animæ & corporis in homine.

Aliquorum in vno tertio, vt personarum in Essentia Diuina, naturarum in Christo.

Substantiæ & accidentis, vt albedo, & calor in homine.

Effectuum in causa, vt radiorum in Sole.

Instrumentorum in arte. Tandem

AFFINIVM, vt rami & truncus, aër & ignis.

Æqualium, vt Leo & Tigris, Petrus & Ioannes, duo palmi.

SIMILIVM, vt flores & stellæ, imago & prototipus aliaque innumera quæ reperies percurrendo quinque vniuersalia Genus, Speciem, Differentiam, Proprium, Accidens. Decem prædicamenta substantiam, quantitatem, qualitatem, &c.

O P P O S I T I O.

In eo autem à differentia discreta quod per differentiam præcisè quodlibet in se distinctum constituitur, nec villo cum alio confusum;

sum; oppositio verò distinctam superaddit pugnam & mutuam resistantiam propter diversos respectus. Estque vel

IMMEDIATA, vt inter frigiditatem & calorem, vel

MEDIATA, vt inter colorem viridem & purpureum.

Rursum reperitur inter incomplexa & complexa; & quidem quadruplex inter incomplexa.

CONTRARIA, propriè inter accidentia quæ se mutuò expellant à subiecto amborum successiue capaci; vt inter primas qualitates calorem & frigus.

PRIVATIVA, vt vitæ & mortis, visus & cæcitatatis; dicitque solum absentiam formæ à subiecto in quo naturaliter debet existere.

RELATIVA, vt inter Patrem & Filium; estque omnium minima oppositio.

CONTRADICTORIA, maxima est, vt est, non est; animal, non animal.

Vbi verò inter complexa, id est inter propositiones oppositio attenditur, est quoque quadruplex. Etenim ex subiecto & prædica-

to & Spula nascuntur propositiones.

CONTRARIÆ, vniuersales affirmatiuæ vel negatiuæ, vt omnis color est lucidus, cui opponitur nullus color est lucidus.

SUBCONTRARIÆ, particulares itidem affirmatiuæ & negatiuæ, vt aliquis color est lucidus, aliquis color non est lucidus.

SUBALTERNÆ, cum vniuersali affirmatiuæ, vel negatiuæ, particulares ejusdem generis subijciuntur, vt omne viuens operatur, animal est viuens.

CONTRADICTORIÆ, vel vniuersalis affirmatiua cū particulari negatiua, vt omnis homo est animal, aliquis homo non est animal. Vel vniuersalis negatiua & particularis affirmatiua, vt nullus homo est animal, aliquis homo est animal. Insigniores oppositionis species tres delineat Raimundus in Angelo B. inter sensibile & sensibile puta inter colorem & sonum: inter sensibile & intellectuale, vt inter corpus & animam, inter spiritale & spiritale, vt inter Deum & Angelos.

At enim ternarium istud differentiarum, concor-

dantiæ, & oppositionis, seu contrarietatis facilius innotescet, sequenti non boni viri indiculo, cui includitur ad maiorem amplificationem declinando & conjugando secundum Regulas artis, & omnes terminos Lullij per quatuor figuras nec non earum mixtionem.

R E R V M C O N C O R D A N T I A
E T R E P V G N A N T I A.

Nam vt probes Deum esse reuera bonum, cognata peruestigabis, quia benignus, sui diffusius, omnibus utilis &c. Similiter repugnancia, quia procul ab omni malitia, auaritia, dedecore ex similibus. Igitur

B O N I T A T I

C O N C O R D A N T, emanatio, communicatio, diffusio, melioratio, constructio, nobilitas, honestas, utilitas, commoditas, sanctitas, esse, essentia, actio, & similia.

R E P V G N A N T, malicia, solitudo, destructio, restrictio, inhonestas, dedecus, prophanium, damnum, incommodum, otium, & similia.

M A G N I T V D I N I

Dd ij

CONCORDANT, extensio, intensio, infinitas, immensitas, incomprehensibilitas, subtilitas, superioritas, vnitas, indiuisibilitas, totalitas, summitas, vniuersitas, singularitas, emanatio, amplitudo, multitudo, plenitudo, abundantia, sufficientia, diuitiæ, numerus, pondus, mensura, distantia, figuratio, punctum, linea, superficies, soliditas.

REPUGNANT, minoritas, paruitas, paupertas, comprehensibilitas, partialitas, diminutio, insufficiens, occupatio, comprehensum, limitatum, vacuum.

DURATIONI

CONCORDANT, æternitas, incorruptibilitas, immutabilitas, immortalitas, antiquitas, firmitas, sempiternitas, indissolubilitas, perennitas, tempus, æuum, primitiuum, constantia, perseuerantia.

REPUGNANT, corruptio, priuatio, mutatio, inconstantia, dissolubilitas, præteritum, transitorium, recens, aliquando.

POTESTATI

CONCORDANT, esse, existere, possibilitas, operari, agere, producere, creare, dominari,

RAIMVNDI LVLLII.

omnipotentia, magnipotentia, fortitudo, vis, facultas, violentia, actus, authoritas, iurisdic-
tio, præceptum.

REPUGNANT, otium, resistantia, impoten-
tia, passio, potentia passiva, impossibilitas, de-
bilitas, impedimentum, seruitus.

SAPIENTIÆ

CONCORDANT, cognitio, prophetia, præ-
notio, instinctus, præscientia, prouidentia,
prudentia, præfagium, scientia, ars, industria,
intelligentia, opinio, sensus, fides, electio, re-
memoratio, contemplatio, interpretatio, dili-
gentia, ordo, necessitas, ratiocinatio, arbitriū,
conscientia, synderesis, conjectura, diuination,
præsumptio, suspicio, nomen, Eloquentia.

REPUGNANT, ignorantia, error, obliuio,
incredulitas, stultitia, negligentia, immemo-
ria, confusio, contingens, fors, casus, fortuna,
extraordinarium, imprudentia, impudentia.

APPETITV

CONCORDANT, voluntas, amor, libertas,
audacia, liberum arbitrium, dilectio, conser-
uatio, licentia, permissio, consuetudo, inter-
pretatio, & reliquæ omnes animi passionēs,

R H E T O R I C O R V M

pondus & inclinatio rerum naturalium in finem, desiderium.

R E P V G N A N T, odium, coactio, fuga, desperatio, timor, ira, horror, metus, violentia, malevolentia, obligatio.

V I R T V T I

C O N C O R D A N T, dignitas, nobilitas, honestas, laus, decus, honor, gratia, donum, meritum, fortitudo, natura, operatio, unio, instrumentum, potentia, agendi, & patiendi.

R E P V G N A N T, vitium, impotentia, ineptitudo, vilitas, ignavia, &c.

V E R I T A T I

C O N C O R D A N T, iustitia, ordo, correctio, lex, præceptum, prædestinatio, necessarium, possibile, esse, existentia, idæa, imago, exemplar.

R E P V G N A N T, falsitas, error, mendacium, confusio, obscuritas, incorrigibilitas, impossibile, contingens, dispensatio, priuilegium.

G L O R I Æ

C O N C O R D A N T, gaudium, lætitia, plenitudo, perfectio, satietas, pulchritudo, beatitudo, libertas, felicitas, delectatio, voluptas,

fruitio, finis, præmium, retributio, laus, notitia, fama.

REPUGNANT, contrarietas, inquietudo, imperfectio, deformitas, impedimentum, infelicitas, ignominia, obscuritas, damnatio, pœna, pœnitentia, ingratitude, tristitia.

ESSENTIÆ

CONCORDANT, esse, substantia, natura, forma, informatio, entitas, actus, existentia, persona.

REPUGNANT, non esse, non ens, accidens, casus, fortuna, violentia, negatio, falsitas, mendacium.

VNITATI

CONCORDANT, simplicitas, identitas, convertibilitas, paritas, integritas, singularitas, proportionalitas, fortitudo, individualitas, omnia absoluta prædicata.

REPUGNANT, debilitas, dualitas, multitudo, compositio, diuisio, mixtio, diuersitas, multiplicatio.

PERFECTIONI

CONCORDANT, finis, complementum, pulchritudo, status, aggregatio, eleuatio, purificatio.

REPUGNANT, imperfectio, deformitas, diminutio, defectus, mutabilitas, superfluitas, egestas, inchoatio, corruptio.

DIFFERENTIÆ

CONCORDANT, distinctio, pulchritudo, distributio, diuisio, distantia, diuersitas, pluralitas, ordo.

REPUGNAT, confusio, vnitas.

CONCORDANTIÆ

CONCORDANT, proximitas, similitudo, vnio, identitas, conuertibilitas, collectio, compositio, comparatio, amicitia, sympathia.

REPUGNAT, discordia, odium, antipathia, separatio, soliditas, &c.

CONTRARIETATI

CONCORDANT, contrarietas, contradictio, repugnantia, resistantia, inimicitia, derogatio, negatio, priuatio, corruptio, destructio, oppositio, relatio.

REPUGNAT, disquiparantia, facilitas, amicitia, vnio.

PRINCIPIO

CONCORDANT, causa, origo, impulsus, nobilitas, productio, influxus, effluxus, antecedens,

RAIMVNDI LVLLII. 215

cedens, absolutum, prioritas, autoritas, bonitas, conseruatio.

REPUGNAT, otium, defectus, indigentia, sterilitas, malicia, infirmitas.

M E D I O

CONCORDANT, instrumentum, centrum, forma, dignitas, mediatū, perfluens, refluens, comitans, coniungens, connectens, naturale, morale, secundarium.

REPUGNAT, vacuum, repugnantia, inutilitas, separatio, diuisio.

F I N I

CONCORDANT, quies, perfectio, consummatio, retributio, refluxus, affluxus, euentus, objectum, consequens, terminus, determinatio, finitum, posteritas, extrema, consummatio, felicitas, gloria.

REPUGNAT, inquietudo, imperfectio, motus, infinitum.

M A I O R I T A T I

CONCORDANT, decencia, magnificentia, autoritas, superioritas, libertas, difficultas, causalitas, majus, magis, superius, conseruatio, liberalitas.

Ec

REPUGNAT, nihilum, nullitas, paruitas, passio, infimus gradus.

ÆQUALITATI

CONCORDANT, similitudo, conformitas, conuertibilitas, imitatio, propinqua, immediata, affinitas, studium.

REPUGNAT, inæqualitas, auersio, extrema, oppositio.

MINORITATI

CONCORDANT, humilitas, obediētia, opera, effectus, inferius, facile, minus, receptio, seruitus.

REPUGNAT, immensum, infinitum, omnipotens, diuitiæ, scientia, actio.

Ad maiorem porro extensionem omnia, ut jam monui, conjugant & declinant Cabbalistæ, verbi gratia.

BONITAS, bonificat, communicat, diffundit, construit, emanat, agit, essendi vim tribuit, sanctificat, emendat.

MAGNITUDO, magnificat, amplificat, extendit, intendit, multiplicat, extollit, mensurat, figurat, sufficit.

DURATIO, confirmat, conseruat, durat, perseuerat.

RAIMVNDI LVLLII. 217

POTESTAS, continet, operatur, agendi vim tribuit, fortificat, producit, possificat, creat, liberat, producit.

COGNITIO, regit, cognoscit, credit, recolit, intelligit, inuestigat, eligit.

APPETITVS, appetit, vult, diligit, sperat, deliberat, permittit.

VIRTUS, operatur, dignificat, nobilitat, fortificat, vim tribuit, laudat, honestat.

VERITAS, verificat, iustificat, circumscribit, corrigit, ordinat, regulat, demonstrat, castificat, præcipit.

GLORIA, perficit, complet, in fine quiescere facit, liberat, beatificat, saluat.

DIFFERENTIA, distinguit, decorat, ornat, diuidit, distribuit, discernit, separat.

CONCORDANTIA, vnit, assimilat, comparat, pacificat, communicat, colligit, continet, conciliat.

OPPOSITIO, opponit, resistit, repugnat, contradicit, contrariat, aduersatur.

PRINCIPIVM, creat, producit, causat, generat, conseruat, efficit, communicat, disponit.

MEDIVM, trahit, perfluit, ducit, appetit, ra-

218. * RHETORICORVM

r^o, allicit, coniungit, separat.

FVXIS, perficit, coronat, redit, retribuit, re-
fluit, satiat.

MAJORITAS, magnificat, dignificat, præci-
pit, causat, ligat.

ÆQUALITAS, æquiparat, similat, appro-
ximat.

MINORITAS, humiliat, deprimit, subijcit.

In tertia tandem respectiuorum triade con-
cluditur

PRINCIPIVM.

A potestate & virtute quæ absoluta in se con-
siderantur, distinctum per ordinem priorita-
tis & originis quem habet ad id omne cuius
est principium. Estque vel substantiale per
causas vt infra, vel accidentale, vt habetur in
nouem prædicamentis. Ideoque ponitur
multiplex.

VNIVERSALE, generalissimum, vt Deus, &
subalternum vt sol.

SPECIALE, subalternans vt sol, & specialis-
simum vt homo.

PER SE, extrinsecum, efficiens, antecedens,
vt Deus.

PER ACCIDENS, occasione, fortunâ, necessitate, casu, voluntate, vt causæ monstrorum, lapis offensionis, &c.

PRIMARIUM, vt homo.

SECUNDARIUM, instrumētale positium, vt calamus, priuatiuum vt ipsa priuatio.

CAUSALE, per se intrinsecum essentiale, formale, vt materia & forma.

EXEMPLARE, vt ideæ diuinæ, Christus, protipus.

MATERIALE, propinquum, vt corpus humanum, remotum, ex semine seu limo terræ.

OBJECTIVVM, vt corpus sanabile respectu medicinæ

SUBIECTIVVM, permanens, vt elementa in corporibus, transiens vt

FINALE, vltimum, vt Deus, subordinatum vt beatitudo, impulsium, virtutis honestas.

ACCIDENTALE, seu instrumentale conjunctum, vt manus.

CONJUNCTVM substantiale, vt anima, accidentale vt manus, principale vt cor.

SEPARATVM, vt gladius, materiæ, formæ, figuræ, mensuræ, determinationis, motus,

continentis, doctrinæ, artis.

MOTIVVM seu causatium generationis vt semē; corruptionis humidinatiui destructio; augmentationis calor & cibus; diminutionis, senectus; Alterationis qualitates; localis, sedes; projectorum seu violentorum, vt manus & machinæ.

Ordinationis, quo prius aliquid est naturâ, vt Deus creaturis; tempore, vt Angeli homine; definitione, vt animal rationali; loco, vt senator plebe; dignitate, vt prætor senatore, cognitione vt sensibilia spiritalibus; origine, vt pater filio in diuinis.

M E D I V M.

Quo extrema aliqua inter se cohærent quomodo.

CONIVNCTIONIS, naturæ, vt ignis & aër per calorem; situs, per cathedram; temporis, vt hiems & æstas per autumnum; loci, senatores per sedes; mensurationis, vt æqualitates notæ, substantialis, vt unio hipostatica, & accidentalis, vt color & odor.

MENSURATIONIS inter æqualia & inæqualia, vt vnus palmus & duo palmi; substan-

tialiter & accidentaliter.

EXTREMITATVM, vt angulus in pariete,
his generalioribus adnectitur medium.

OPERATIONIS, vt cognitio ad amorem.

Fere idem

INSTRUMENTALE, adhæſionis, vt albe-
do parieti, participationis vt flauus color

COMPREHENSIONIS, vt manus tenens
calamum; vnionis, vt gluten; sustentationis
pedes & bases.

TRANSITIONIS, secundum locum, vt aër
inter cœlum & terram; motum, vt aqua su-
perior respectu infimæ; quietem, vt est cen-
trum.

POSITIVVM, vt sanitas priuatiuum, vt mor-
bus; destructiuum, vt securis; constructiuum,
vt malleus; scientificum, vt definitio, &c.

FINIS

Ratio scilicet quâ omnia entia terminantur,
vel finiuntur, estque respectiuus cum gloria.

Consideratur absolutè, estque

EXTREMITATVM nexus,

SUBSTANTIALIS, vt in generatione; pri-
uationis vt lumen in aëre; accidentalis, vt ho-

nc, secundum locum, vt patria; tempus, vt Iudicium vltimum; qualitatem, vt calor in aëre; quantitatem, vt magnitudo congrua; corruptionis, vt mors; defectionis, vt senectus; definitionis in esse, vt homo est animal rationale; operari, vt est rationale ad ratiocinandum; pati, vt materia prima diuerfas formas, &c.

MAJORITAS

Excessum significans bonitatis, magnitudinis, durationis, &c.

Illius species præcipuæ tres.

Inter SUBSTANTIAM & SUBSTANTIAM, quæ desumitur à maiori vel minori essentiarum perfectione; sic Angelus est homine maior.

Inter SUBSTANTIAM & ACCIDENS, sic anima Rationalis maior est scientia.

Inter ACCIDENS & ACCIDENS, sic videre majus est seu perfectius, quàm gustare; intelligere, quàm videre;

Quæ tria complectitur etiam

ÆQUALITAS

Non vt pallio quantitatis est cathégorica, sed

sed generalissimo conceptu pro ratione intrinseca quâ entia sunt inter se æqualia. Sic Petrus est æqualis Ioanni in gradu specifico; palmus rei palmari; frigidum in quarto gradu, calido in eodem; intelligere & amare æqualia sunt in objecto. Pari modo se habet

M I N O R I T A S.

Quæ accedit ad rationem nihili, res enim eo minores quò minus existunt; quoniam duo termini isti maioritas & minoritas locum nullum habent in diuinis; verum vltimus iste triangulus satis supra in varijs titulis explicatur; nam vbique graduum diuersitas reperitur, bonus, melior, optimus; magnus, maior, maximus, &c. vt & illud quoque notissimum, eandem scientiam agere de contrarijs, cuiusmodi sunt bonitas & malitia; virtus & vitium; gratia & peccatum; quæ quidem omnia sumi possunt quadruplici sensu per hoc distichon designato.

Littera Gesta docet, quid credas allegoria.

Moralis quid agas, quid speres anagogia.

Pariter in N G. G G. & G P. in esse creato, & increato, per nostram scientiæ pyramidem.

Quod si quis interpretationis nec non applicationis breuiorem quasi tabellam desiderauerit; habeat illæ Lullianæ Artis sinopsim simulque compendium.

SINOPSIS

ARTIS LVLLIANÆ.

NAM vt ab autore Raimundo præscripta est satis implicatâ methodo, à qua nostrum hocce scholion tantisper deflectit, ne quid curiosi conquerantur, aut crimentur Momi; eam vt se habet in textu, paucis hîc placeat delineare, *summa sequens fastigia rerum.*

Artis itaque *propositum* est, viam ad omnem scientiam & eloquentiam sanè facillimam aperire, principia tradens omnium rerum generalissima. Adeo vt de quolibet subiecto materia formæ vnita, veritas inuestigetur; & fine constituto considerentur tum objecta, tum subiecta. Porro objectum triplex est, spiritale, corporeum, ex vtroque commixtam. Id quod capitulis decem & tribus omnino absoluit.

In PRIMA igitur PARTE constituit ALPHABETVM, quo continentur velut

RAIMVNDI LVLLII. 225

elemēta artis hujus, nouem **S V B I E C T A**, scilicet, *Deus, Spiritus Angelicus, Cælum, Homo, Imaginatum, Sensituum, Vegetatum, Elementatum, Instrumentatum*. Deinde nouem **A B S O L V T A**, *Bonitas, Magnitudo, Duratio, Potentia, Cognitio, Appetitus, Virtus, Veritas, Gloria*. Tertio nouem **R E S P E C T I V A**, *Differentia, Concordia, Oppositio, Principium, Medium, Finis, Majoritas, Æqualitas, Minoritas*. Quarto nouem **I N T E R R O G A T A**, *An sit, quid, quale, quantum, unde, quare, quando, ubi, quomodo*. Quinto nouem **V I R T V T E S**, *Iustitia, Prudentia, Fortitudo, Temperantia, Fides, Spes, Charitas, Patientia, Pietas*. Tandem nouem **V I T I A** magis vniuersalia, *Auaritia, Gula, Luxuria, Superbia, Acedia, Inuidia, Ira, Mendacium, Inconstantia*.

Quæ Alphabeti principia seu elementa Artis quinquaginta quatuor, subtiliter indicat per characteres seu **L I T E R A S** nouem **B. C. D. E. F. G. H. I. K.** Adeo vt vna quæque ex his nouem literis, sex terminos ordine significet; sic nimirum **B.** significat sex terminos; qui sunt, *Bonitas, Differentia, utrum, Deus,*

Initia, Avaritia. C. significat Magnitudinem, Concordiam, quid, Angelum, Prudentiam, Gulam; Et ita consequenter.

Notandum verò literam A. locum minimè habere in hac serie Alphabetica; tum quia denotat fundum essentiae, à quâ omnes proprietates velut riui & rami pullulant: tum quia indicat vnam specialiter ex Figuris, de quibus mox.

In SECUNDA igitur PARTE, agit de quatuor FIGURIS; quarum PRIMA indicata per A. continet nouem Principia, seu Terminos Absolutos, quos denotât nouem characteres hoc modo; B. Bonitas. C. Magnitudo. D. Duratio. E. Potentia. F. Cognitio. G. Appetitus. H. Virtus. I. Veritas. K. Gloria. SECUNDA nouem Respectiua B. Differentia. C. Concordia. D. Oppositio. E. Principium. F. Medium. G. Finis. H. Majoritas. I. Aequalitas. K. Minoritas, cum Angulis tribus, viridi, rubeo, & croceo.

TERCIA Figura conflata ex duabus præcedentibus, nectit prædicata cum subjectis v. g. Bonitas est magna, Bonitas est princi-

pium; & sic deinceps, cameras conficiendo
subjectorū, & terminorū combinationibus.

QVARTA demum Figura tribus constat
Circulis, quorum superior manet immobi-
lis, duo vero inferiores subinde reuoluuntur,
vt per omnium terminorum combinationes
ducentas quinquaginta duas, examinetur
conuenientia, & repugnantia subjectum in-
ter & prædicatum.

TERTIA PARS statuit Principiorum, seu
Terminorum DEFINITIONES, quæ
sunt ipsissima media, quibus scientia gene-
ratur. v.g. Bonitas est ens, ratione cuius om-
ne ens est bonum, operatur bonum & de-
struit malum quod ei opponitur. Magnitu-
do est ens ratione cuius ejus bonitas, diffe-
rentia, finis, & similia, sunt magna, & à par-
uitate remota, &c.

IN QVARTA PARTE: præscribit regulas
respondēdi ad nouem QVÆSTIONES;
*An sit, quid, quale, quantum, unde, quare, quan-
do, ubi, quomodo?*

IN QVINTA est TABVLA, distincta Co-
lominis octoginta quatuor, quas replent om-

nam terminorum combinationes, cum hoc discrimine; quod literæ quæ præcedunt T. sunt de prima Figura A. quæ vero sequuntur T. sunt de secunda Figura, quam denotat T. verbi gratia, B. T. B. primum B. significat bonitatem, qui primus est terminus Figuræ Absolutorum: secundum B. denotat differentiam, qui est primus terminus inter respectiuos; & ita de reliquis.

SEXTA PARS EVACVAT Cameras; hoc est sumit combinationes probandæ rei propositæ idoneas, illasque exhaurit.

SEPTIMA MVLTIPlicAT quartam Figuram; hoc est voluendo circulos, literas, & combinationes, vestigat propositiones omnes, quæ de re qualibet possunt efformari.

OCTAVA MISCEt vnum principium cum alio v. g. bonitatem considerat in Deo, in Angelo, in virtute, vnde sit, propter quid & similia.

NONA percenset SVBIECTA nouem jam in serie Alphabeti collocata; illa deducendo per alios Artis terminos: tum deinde

per subjecti cuiusque partes, & subdi-
nes, titulos & subtitulos.

DECIMA Artem APPLICAT, miscen-
do implicitum & explicitum, abstractum &
concretum, generale & speciale; percurren-
do omnes Alphabeti Terminos, & illos in
infinitum reuoluendo; idque præsertim au-
xilio CENTVM FORMARVM; qua-
rum explicatio superius à me insinuata est
pagina 74.

VNDECIMA, in Alphabeti terminis fingit
QVÆSTIONES verbi gratia, an homo
sit bonus? an hominis bonitas sit durans?
quomodo differat à bonitate lapidis? &c.

DVODECIMA agit de HABITVA-
TIONE Artis; id est, de modo illam ad-
discendi; sicut etiam VLTIMA de modo
eam DOCENDI.

Hæc procul dubio SYMMA est, eorum om-
nium quæ vnquam scripsit composuitue
Raimundus ille Lullius; nam vsqueadeò
Arti suæ addictus erat homo minimè malus,
vt eam nò aliter quàm Sisiphi saxum volue-
ret, reuolueretque labore vix credendo vn-

de quibusque mentem Autoris semel affecutus fuerit; omnia illius opera ad hancce doctrinam spectantia facillimè capeffet (Chimica enim sintne genuini partus adhuc cōtrouertitur;) Reuera enim Arbor scientiarum Ars magna, Kabbala, Ars Inuentiua, aliaque sexcenta, idem prorsus cudunt, ac recudunt: & prothei artificio eundem prorsus veritatis vultum, mille formis demutant; sed sæculi fato iteratis tot explicationibus non tam lucem affundit, quam tenebras of- fundit.

Aliquem lucis Radium fortassis subinferet,

COMPENDIUM ARTIS

EXPLICATÆ.

Supponendum 1. VNAM esse in omnibus rebus tum veritatem, tum scientiam generalissimam.

2. Vt rectè sentiebat Anaxagoras, omnia in omnibus conspici: Et de QVOLIBET omnia dici posse, vel per proprietatem, vel per analogiam; vt homo dicitur Deus, Angelus, Arbor, ouis, lupus, sol, flos, vmbra, &c.

3. Rerum

3. Rerum PARTITIONEM vniuersalem esse in ens increatum, & creatum, substantiam & accidens.

4. Orationem vt rectè procedat debere certis circumscribi LINEIS; ideò Lullium inuenisse Terminos Artis suæ vniuersales, vt per illorum disciplinam reliquæ scientiæ veluti particulares, maiori & breuitate, & facilitate possint acquiri.

5. Cum vnaquæque essentia sit propter actionem, actio autem semper tendat ad productionem sui similis; terminos omnes qui vocantur in Arte generales, posse vel DECLINARI vel CONJUGARI vt ostensum est supra pag. 6. Eloquentiam tum esse PERFECTAM, cum de ea re proposita varia aptè & concinnè dicuntur vel ad exornandum, vel ad persuadendum. His ita constitutis scire debet is cui in promptu, aut ex suggestu orandum incumbit.

1. Orationem esse alligandam determinato alicui subjecto, quod sit quasi CENTRUM totius orationis. Porro SUBJECTVM cuiuslibet orationis est expressè vnum ex nouem,

ve certè intra aliquod ex illis latens & inclusum. si enim materia oratori tractanda est Spiritus sanctus, reducitur ad B. quo significatur DEVS. si Raphaël, ad C. id est, ANGELVS. si Sol, aut Luna ad D. id est, COELVM. si pueritia, vel senectus ad E. id est, HOMO. si ens rationis ad F. id est, IMAGINATIVVM. si oculi ad G. id est, SENSITIVVM. si laurus, aut vitis ad H. id est, VEGETATIVVM. si Aurum, terræ, fluvius, puteus ad I id est, ELEMENTATIVVM si ensis, calamus, calor, prudentia, &c. ad K. id est INSTRUMENTATIVVM.

Cum hac animaduersione; quod ad hæc nouem reduci debent quæ illis OPPONUNTVR, vt tenebræ ad Cælum, cæcitas ad sensitiuum, vitium, lasciuia, crudelitas, ad instrumentatiuum; Quæ certè causa est cur classes virtutum & vitiorum distinctæ, à nobis reijciuntur, vt superuacaneæ.

2. Subjecto orationis constituto, statim super eo formabit orator QVÆSTIONEM vnā vel plures, ex nouem generalibus, verbi gratia. *An sit calor? aut calamus quid sit?*

qualis? quantus? unde? quare? quando? ubi? quomodo? & cum quo?

3. Quæstione factâ circa subiectum orationi propositum, mox ipse sibi respondeat orator **D V P L I C I** viâ; nimirum per **Terminos ABSOLVTOS**, qui rem examinant in se: Et **Respectiuos**, qui eam vt se habet ad aliud. Priores nouem sunt *Bonitas, Magnitudo, Duratio, Potentia, Cognitio, Appetitus, Virtus, Veritas, Gloria*. Posteriores quoque nouem, *Differentia, Concordantia, Contrarietas, Principium, Medium finis, Majoritas, Æqualitas, Minoritas*. His **A D J V N G E** rerum proprietates, vicinas, similes, & oppositas; vt bonitati cognata est communicatio, diffusio, benignitas; repugnat verò vitium, Auaritia, sterilitas, austeritas, &c.

4. Vt igitur concinnâ cimmetriâ & motu propemodû infinito excurrat oratio, **M I S C E** iteratis circulationibus seu reuolutionibus illos triginta sex Terminos, illos applicando proposito subiecto, & vel infans euadens in virum eloquentem.

At enim cum omnium sapientum calculis,

iter per præcepta longum fit, & obscurum, per exempla breue & expeditum; animo non omnino reluctanti sequentia paradigmata vt adnecterem, aliorum mihi Consilio persuasum est. Principiò quidem rerum simplici explanatione, mox accuratiori stilo, licet inelaborato. Esto itaque

PRIMUM EXEMPLVM

Artis hujus in compendium contractæ.

Lux proposita fit ad dicendum materia. Hanc primo reuocabo ad subiectum C. idest Cælum; mox tria inquiram, 1. quid sit? 2. vnde? 3. quare? Tum deinde tot orationis partibus respondendo, 1. lucem florem esse & cœlestis mundi amœnitatem, cuius ministerio omnia Mortalibus beneficia mira profusione communicantur. Lux est imago diuinæ æternitatis, symbolum veritatis ac sapientiæ, &c. 2. Deum habet autorem, cuius ex ore prodijt velut primogenita, in quo similis Angelicæ naturæ est, longèque nobilior arboribus & plantis, quæ è terra solummodo nascuntur. 3. Facta à Deo lux est, vt Cœlorum orbes velut immortalis gloria co-

ronentur, vt per illius radios & secretas energias Deus suam hominibus potestatem demonstraret, vt orbem sublunarem illustraret, foueret, foecundaret, &c. ita porro in infinitum prosequi nemo non potest, & felici, & facili eloquentia. Sequitur deinceps Lullianæ Artis, quomodo ab Autore tradita est,

SECUNDVM EXEMPLVM

Orationis disputationisve materia proponatur, Charitas; statim reducenda est ad suum subiectum instrumentarium scilicet, quod denotat vltima Alphabeti litera K; sicque definietur, instrumentum quo voluntas creata Deo supernaturaliter coniungitur, illum amando super omnia. Tum ordieris deductionem seu amplificationem.

2. In prima Figura Absolutorum, quam indigitar A. nouem illius Terminos percurrendo, in hunc ferè modum. A. b. B O N I T A S, Charitas omnium virtutum à Deo infusarum est sane optima, diffusionis & vnionis capacissima. A. c. M A G N I T V D O, Charitas extendi potest in infinitum, suisque actibus augeri; amans ideo nunquam dicit satis est.

A. . D V R A T I O, Maxima certe est Charitas, quia fide & spe euanescentibus, durat ipsa, nec vsquam excidit. A. e. P O T E S T A S, Charitas regna vincit, domat Tirannos, flamas extinguit, omnia miracula facillime exequitur. A. f. S A P I E N T I A, Charitas, veram Dei cognitionem ingenerat. A. g. A P P E T I T V S, Charitas appetit Deo coniungi. A. h. V I R T V S, Charitas inter Theologicas, Regina est. A. i. V E R I T A S, est verè habitus à Deo infusus, veramque perfectionem operatur. A. k. G L O R I A, Charitas sola gloriæ coronam in æternitate promeretur. Vides primæ Figuræ cameras nouem, vt habet auctor, euacuatas.


2. Deductio fit per P R Æ D I C A T A R E S P E C T I V A Figuræ T. hac ratione; T. b. D I F F E R E N T I A, Charitas differt à fide quæ excidit, & spe quæ expectat objectum absens. T. c. C O N G O R D I A, Charitas conuenit cum spe & fide, in principio, objecto, infusione, effectis, &c. T. d. C O N T R A R I E T A S, Charitas & peccatum mortale se se mutuò expellunt. T. e. P R I N C I P I V M, diffunditur, à

Spiritu sancto in cordibus nostris ; & de reliquis.

3. Deductio fit per QVÆSTIONES , an Charitas sit habitus , an à Deo infusus , an in voluntate resideat , quid sit Charitas , qualis , unde , propter quid , &c. item an Charitas sit bona , an durans , an gloriosa , an differat , ab alijs , an equalis Lumini gloriæ , an minor Spiritu sancto , &c.

4. Deductio seu amplificatio fit , per MIXTIONEM Principiorum & Quæstionum ; verbi gratia , an Charitatis bonitas , differat à bonitate Gratiae ? Quid est quo Charitas similis est Spiritui sancto ; & ita quæstiones formando per omnes Terminos.

Verum enimverò ut etiam à nobis explicatae Artis præceptiones , floridiori stilo conuestientur ; in tertia exemplorum classe jam subnecti debent oratiunculæ duæ de virtute vna , altera de Aquis Poguensibus , uti facilius Artis istius amplitudo perspiciatur.



DISCVRSVS
EXEMPLARIS
DE VIRTUTE
EXTEMPORANEVS.

*Per triginta sex Terminos Lully, in
simplici Figura.*



I BEATO olim gentium Aposto-
lo licuit, pietatem ad omnia ne-
cessariam asserere: idem certè pro-
loquium virtuti si applicuero, ni-
hil facturus mihi videor à veritate alienum.
Etsi enim ea sit diuinæ hujus qualitatæ præ-
rogatiua, vt homine vti videatur seu no-
bilissimo organo, ad præstantissimarum re-
rum executionem; non abibo tamen à com-
muni sapientum opinione, qui dotes virtutis
eximias

eximias sic contemplantur, quasi totius hu-
mani generis ad opera qualibet instrumen-
tum. Vt enim nihil dicam modo de virtute
illâ multiplici, quæ reperitur in Deo infinita,
spiritualis in Angelis; arcanæ influentiæ in
cœlorum orbe, tēperata in homine, stupen-
da in imaginatione, naturalis in sensu, vege-
tans succrescēsque in plantis, simplex in ele-
mentis quatuor mundi radicibus; satis est in
eâ immorari, quam merito Catholicum pie-
tatis instrumentum appellavi. Instrumen-
tum dico, sed illud quidem vt in omni arte
præstantissimum: ita profecto numeris om-
nibus ad nostram felicitatem, maximè abso-
lutum.

Subiectas
nouē Deus,
Angelus,
Cœlum,
homo, &c.

Proposito.

Absoluta.

Bonitas.

Cujus sanē perfectionem, ardentissimis om-
nium votis exoptandam ij omnes intelli-
gent, qui hominum mentem boni cuiusque
desiderio non dicam imperato, sed innato
teneri agnouerint. Nam obsecro vos, quæ
major quam in virtute bonitas, vel concep-
tis votis potest excogitari? An non illa rerum
omnium pulcherrimarum perfectissima-
rumque, colligationem in se se complecti-

Hh

tur? An non admirabili quâdam communi-
catione diuitias suas æquè ac delicias, in ho-
minum mentes diffundit? Solem cogita si
lubet, olei scaturiginem, Nilique gratissi-
mam aquarum diluuiionem; tum virtutis
bonitatem animo tuo effinxis, quæ vbiq[ue]
radios fundit, riuos effundit, beneficia dif-
fundit. Vnde sapienter equidem Plato diui-
nus ille Philosophus, virtutem depinxit tan-
tâ bonitate efflorescentem, vt si diuina ejus
species sine fuco ac fumo hominum oculis
illabi posset, mirabiles sui amores in eorum
mentibus excitaret.

Magnitu-
do.

Deus bone! quam magna, quamque excel-
lens virtutis hæc admirabilitas in immen-
sum excrefcens. Vsq[ue] adeo vt cætera om-
nia quibus hominum vanitas nomen facit &
æstimationem, quasi infra se posita multis
post se relinquat parasangis. Cræso opulen-
tior, immensos pecuniæ thesauros vix suffi-
cis dinumerare: fœlicior Alexandro, polum
orbis vtrumque nutibus tuis subditum glo-
riaris: voluptate vincis Sardanapalum, cultu
Helenam, luxu Anthonium, delicijs Cloopa-

tram, scientiâ Aristotelem, eloquentia Tul-
lium; At præter quam quod hæc omnia no-
stræ mortalitatis ludicra, longius ac forinse-
cus petita pendent ab alienis suffragijs, qui-
bus si semel destituuntur, illico marcescunt:
sanè quidquid illecebrarum cupido adinue-
nit, perfusorijs duntaxat corporum volupta-
ribus abblandiri, nemo rectè sentiens ausus
fuerit inficiari. Virtus porro & potio-
rem hominis partem animam dico, suâ perfectione
mirum quantum exornat; & vero quotidiana-
nis incrementis, durat in perpétuas æter-
nitates.

Illud nimirum est monumentum ære peren- Duratio.
nium, quod sapiens quisque sui famæ nomi-
nis exigere debet; eâ curâ, eo studio, eâ de-
mum corporis animique sollicitudine &
perseuerantiâ, ut nec fluminis inundationes,
nec fulminis iras, nec minas edacis temporis
pertimescens, perenni laude triumphet. Cæ-
teris namque mortali caducitate diffuenti-
bus, vna scilicet virtus est, quæ numinis im-
mortalitatem in hominis vitâ, cœli incor-
ruptibilitatem in terris imitatur.

Potestas.

Cogitate amabo virtutis studiosum, ut se ipso contentus foelicem vitam viuat, beatis ipsis mentibus paulominus inferiorem. Nam si quaeritur potentia, sola virtus est, quæ effrænatos libidinum motus sub jugum mittit, cogitque in girum rationis. Ignavi scilicet homunciones ac pigmæi, quotquot hujus reginæ imperio substracti, prauis motibus in illicita per anfractus vitiorum abripiuntur. Latius regnes, agebat Poëtarum ille quisquis est,

Latius regnes, avidum domando

Spiritum, quam si Libiam remotis

Gadibus jungas, & uterque Pænus

Serviat uni.

Et si geminatae authoritatis vis major,

*Fortior est, qui se, quam qui fortissima vincit
mœnia.*

Reuera enim quæ vis, quæ fortitudo, quæ victoria quæ potestas, quod imperium quam in virtute?

Sapientia.

Sed fortè sapientiam requiritis? virtus mera sapientia est; nec certè melius philosophiã, hoc est sapientiæ studium depinges, quam

cum virtutis culturam appellaueris. Testes vos appello magnos vtriusque æui heroas, quibus vtraque ex æquo virtutis & sapientiæ gloria coronas nectit. Testes præstanti sanctitate viros, mulieresque innocentissimas, qui per virtutum gradus Deo scientiarum Domino appropinquantes, singularis sapientiæ radijs, ab illo luminum patre meruerunt illuminari.

Omitto recensere singulorum nomina, vt Appetitus. consilium insinuem virtutis; eam videlicet, maximè volūtariam esse debere. Cum enim ea perfectio sit animæ rationalis, hujus sanè debet intellectu dirigi, voluntate imperari. Quo enim pacto tot tantasque dotes mereretur, nisi à voluntatis manaret electione, quæ omnis omnino meriti fons est & origo? Quæ (si recte mens meditatur) causa est, curatione destitutis nullo pacto conueniat, sed hominis propria sit; vnde nomen traxisse facile autumarim, cum virtus à viro natiuo fluxu videatur deriuata.

Verum quoties mihi virtus nominatur, non Veritas. illam volo quæ corruptissimo hoc æuo fucos.

facit, & mendacissimis præstigijs plerumque vulgi oculis imponit. Quam enim heu, multi: etiam in meliorem sortem allekti, ementito perfectionis colore, genuina virtutis lineamenta diffamant.

Fallit enim vitium, specie virtutis & umbrâ.
Vnde opinor, vnicus sanctimonix author ac magister Christus, toties Euangelistâ referente, acerbissimo sermone in Scribas, inque Phariseos inuehitur; quippe qui simiarum instar, à Deo, & à veritate alienissimi, sub personato virtutis vultu vitiorum mendacia celabant.

Gloria.

Quanquam vbi semel ea hypocritarum umbra euauit, dici non potest quam natiuis, quamque splendidis gloriæ radijs ipsa sibi reddita, circumquaque illucescat. Luna est proprijs, non ascititijs luminibus ad miraculum coronata; præ cuius splendore caligat quidquid alienis radijs splendet; Illudque opinor, diuini vultus lumen est, quod humanæ menti velut sigillo impressum, regius ille psaltes describit.

Nam quæ amabo, à bestijs inanimatisque

differentia, quod discrimen? si sigillum vir-
tutis cancellas, cuius nobilitate velut regio
stemmate insignitur. Animalia certè ventri
ac pabulo nata cum sint, vnus homo est qui
virtutis sublimitate euectus ad D.O.M. ima-
ginem, sic ratione destitutus antecellit, vt
beatâ quâdam Angelorum communione,
& affinitate gloriatur.

respectiua.

Differētia.

Virtus est quâ homo diuinum illud animal,
summique Dei vicarius inferioribus impe-
ritat, superioribus jungitur, æqualibus mo-
rum similitudine charissimus, simul ac cla-
rissimus efficitur.

Maioritas.

Æqualitas
minoritas.

Atque vt amicitiam homini virtus conciliat
cum beatis mentibus, ita teterrimis impurif-
que dæmonibus aduersatur, qui toti in vitio-
rum criminumque luto volutantur.

Contrarie-
tas.

Iam vero si virtutis maiestatem altius libet
inquirere, principia illius Deus imprimis,
Christi deinde gratia, cum liberâ hominis
voluntate tam præclari fructus excellentiam
vel à radice commendant. Tum medium es-
se virtutem cum principe Poëtarum cogita-
bis, quòd extrema inter se vitiorum opposi-

Principiū.

Medium.

Finis.

ta admirabili nexu conjungens, nos Deo copulat, vt finem assequamur in æternitate felicissimum.

Inrẽtroga-
ta.
An sit.

EX QVIBVS facili negotio, ac certissimã consensione quisque inferre potest, quã à veritatis tramite delirent nescio qui emotæ mentis homines, qui an virtus in humanis existat, in dubium audent reuocare. Cæcum hominum genus, & in luce meridianã caligans; quod non aduertat solem esse facilius in cœlo extinguere, quam de virtutis præstantiã inter homines dubitare.

Quid sit.

ÆTERNA obscuritate damnandi, qui ignorant auream hanc esse mediocritatem, quam qui tenuere beati. Vultis, ô boni, totam in

Qualis.

oculos immittam? si qualis sit quæritis, omnibus perfectionis partibus absolutissimam

Quanta.

demonstravi: si quanta, cuiusque æui? nihil

Vnde.

primum habet, nihil secundum, sed perennat gloriæ in æuum victura: si originem? Dei

Quare.

authoris excellentia, virtutis nobilitatem illustrat. Data namque ab eo est mortalibus

Quando.

jam à mundi cunabulis, vt nos deducat ad

Vbi.

duraturam cœlorum beatitatem. Vbi viuida, semper-

semperque vicens virtutis species ; cuius ^{quomodo.}
 imago hominibus in terris communicata
 est , vt eâ vtatur velut actionum omnium ^{Conclusio}
 quæ laudem merentur, generali prorsus ad- ^{circulus fil-}
 mirabilique instrumento. ^{logisticus.}



L V D I C R V M
D E A Q V I S
P O G V E N S I B V S.

Per 36. Terminos Artis Lullianæ.

Introdu-
ctio.



Propositio.

Mœnissima hæc solitudo, in quam suprema nos deduxit Numinis prouidentia, tot voluptatum lenocinijs abundat in nostram felicitatem: vt sola humanissimi consortij tui suauitas, gaudiorum cumulo desideretur. Nam dum scaturiente aquarum vi sitis extinguitur, non alio quam rationis ac medicinæ jussu imperata: animi nostri vigor erectus ad augustiora, è perenni illo fonte fœlicissimè aue recreari, cujus origo à cœlo est, riuique refluunt in

æternitatem. Et certè præter ista quæ partem hominis nobiliorem attingunt, parum cum Iudæis crimine mannæ cœlestis edulia fastidientibus, condemnandus esset, qui non amaret celebraretque remedia hæc præstantissima, sanitati corporum à Deo felicissimè instituta.

Quis enim amabo, à veritate adeò alienus negarit, supremum naturæ autorem ejusmodi mineralibus aquis, BONITATEM infuisse sanè præstantissimam; cum eximias in illis qualitates, singularesque effectus quotidiana probet experientia? Mira quidem illarum mixtura, & inclita beneficia sint necesse est, quibus rotundequaque illecti homines, ad fontem aduolant, sanitatis vsurâ viæ longioris ærumnas compensaturi. Quod si illarum dulcedo alicui miscetur acrimoniæ, palatijs delicatioribus ingrata: annom gustus acerbicatem diluit, ne quid amplius dicam, honos voluptasque insignis quæ cōporatores habet in Galliâ Principes, in Ecclesiâ Pontifices? Illi quotidie statim atque orientis solis radij secretam energiam indi-

Bonitas.

der, gregatim certatimque tot miraculo-
rum fontem coronant. Tum capacibus &
vndantibus siphis, celeste nectar diffundunt
in stomachum tantâ cum voluptate, vt infi-
nita propemodum aquarum quantitas vires
reficiat non imminuat, appetitum excitet
non generet fastidium; minusque jam nau-
zeat stomachus ad continuata pocula, quam
spe sanitatis æbrij innocentissimè tripu-
diant.

Magnitu-
do.

Beneficium meo quidem iudicio eo magis
adorandum, quo major illi cum naturâ affi-
nitas est, minus emitur, minus constat; nec
corporum œconomiam subuertit, quod mi-
serrimè faciunt venenata illa mangonum
condimenta. Imo verò homini integro vi-
tam præscribit felicissimam, dum corpore à
morbis, animo à vitiosis affectibus immuni,
vtrumque florenti ac vegetâ sanitate beat,
citra quam mortalium vita cathena erit ma-
lorum implicatissima. Quo circa præclare ad-
modum veteres illi sapientiæ coriphæi, hu-
manæ felicitatis partes ita effinxerunt distin-
xeruntque, vt tametsi diuitiarum, specieique

splendor plurimum habeant commendationis: summi tamen boni titulis careant, cum præcellat sanitas majoribus etiam votis præoptanda.

Et verò tantæ aquarum utilitatis magnitudo Duratio.
 quæ tam ex natiuâ virtute, quàm aliorum paritate nascitur, eo maximè lucet, quo perdurat æuo longiori. Annon videmus importuni morbi languoribus, vel exquisitæ pulchritudinis rosas & lilia marcescere? Nonne impotens est anxius in languido corpore animus, aut jacentem familiam erigere, aut caducam labentemque continere? Miraculum est, mentem vigere in membris macie & languore confectis; cum ea sit principis Apostoli diuinissimi Pauli prærogatiua, in infirmitatibus gaudere, vincere, triumphare. Hæc porrò felicissima vnda, vigorem hominibus inspirat vsque adeo duraturum, vt deinceps in publicis, inque priuatis rebus summa quæque possint & aggredi, & perficere. Neque verò ementiti balsami medela est, quâ vno aut altero die adlabens paralitici vis, ad sepulchrum animatur. Multo minus pharmaca

in Æsculapiorum scholis exoleta, quibus delibati morbi succrescunt, velutque succiduae arbores repullulant.

Aqua hæc quam miraculosam appellare formido non est, tot pollet virtutibus ad morborum eliminationem, vt vim secretam in membra abditissima, cæterisque medicaminibus imperuia suauissimo lapsu diffundens, stomachum emundet, jecur refrigeret, splenem, mesenterium, reliquasque humani mundi sentinas, adnatis sordibus perpurget. Diceres profecto in orbe majori flumina, quæ huc, illucque terrarum molem irrigantia mercaturam alunt, portoria fouent, provincias temperant quas erratico cursu aluunt, camporum planicies fœcundant; quid plura? terram colluie & sordibus liberant, quæ alioquin tota foret camarina, vel sæua Mephitis.

Sapientia.

At enim stupendum reuera, aquæ hujus virtutes ad mentem vsquè deriuari. Nequè vrgebo quod neminem latet, animæ scilicet angore & tristitiâ languidæ, hæc corporali medelâ spiritus reddi, vires reparari. Annon

Deus bone! vera vetus paræmia est, mentis lumina eo puriora, quo magis sicca sunt? Atqui publica vox est, exsiccans istud remedium obesos homines quorum Deus venter est, sic leuigare; ut animus corporeis vinculis exemptus, cœlorum instar serenissimâ temperie, purissimisque splendoribus eluceat.

Quanta vero voluptas, quantisque votis exoptanda, dum mens terrenâ contagione immunis, euolat ad cœlitum cognationem? neque membrorum claustris retinetur, nisi ut in hominum societate Angelorum virtutes repræsentet. Majora superadderem, nisi esset metus-ne in hoc limpidissimo fonte velut Oceano, noster sermo naufragaret.

Satis erit properanti albo notasse lapillo, purissimam illam virtutem, hujus fontis margini præcipuè adnascens; cum sapienter dictum sit ab antiquis. Musas, clarius eloquar, doctrinam ac virtutem, nimphas simul & limphas ex æquo deamare. Verbo dicam, cupidinis ignes non alio melius quam aquarum frigore extinguuntur.

Verum ut cætera deessent patrocinia verita-

Appetitus.

Virtus.

Veritas.

Gloria:

Cœcordia.

Differētia.

tis quam ad te scribo, tot populorum experientia fontis nostri laudibus fauet, quot inibi hauserunt sanitatem, quam secundum virtutis studia habere in amoribus maxime debent. Quo minus demiror veteres illos, qui religione ducti, anniuersarijs festiuitatibus, fontes fertis ac floribus coronabant, ut simul aquarum beneficia, hominumque gratitudo celebraretur. Quod si testium instaurata multitudo rei cuiusque veritatem firmitus euincit, mecum rependas obsecro, quot in omni gradu & ætate viri, miracula quæ perstringo, aperte profitetur. Cui enim mirum non sit, aquas cæteris simillimas, frigidas, humidas, terræ meatibus interfluentes tot aliunde miraculis clarescere, ut hebescat ingenium in eorum admiratione, quorum causam ignorat. Cogita si lubet, & memoriâ reuolue diuersissimam aquarum varietatem, quæ ubique videtur effusa. Aquas quæ supra cœlos sunt Scripturæ memorant Canonica, Pogüenses hîc molli undâ ludunt in terris. Natura commendat eas, quas sol radijs in mediam aëris regionem eleuat; verum
 rum

rum quot procellas, tempestates, fulmina, diluvia, inundationes pòcreant? quarum hìc pingo miracula, ita omnibus profunt, vt nemini noceant. Insaniter haud dubiè, qui maris fontiumq; beneficia negaret, cum aquarum vtilitas & maxima sit, & communissima: sed iudicabit vel mediocriter prudens, hasce minereas potiori jure præferendas, vt pote quæ sub acido gustu incredibiles thesauros complectuntur.

Quidquod sibimet oppositæ videri possent, dum naturâ ipsarum immutatâ, sanitatum genera efficiunt sane diuersissima. Panacæam Poëtæ fingerent, Catholicon Chirurgia assereret; verum quando sacramentum est, simpliciore sermone veritatem profiteri, morborum omnium medelam audacter appellabo. O Deus immortalis! quam mirabilis reuera es, in aquarum naturâ ac virtutibus! His meis vidi oculis pinguedine suffocandum, propediem emaciari: ictericum verò & tabe confectum, succo & sanguine abundantius reparari. Fluxus intempestiuos comprimi, nimis lentos maturari.

Principium

Ne interim quaeso, vanâ curâ à me scisciteris, quoniam principio fluant oppositi effectus. Omissis enim medicinæ conjecturis, quæ Poggienses aquas componit ad libitum ex commistione ferri, sulphuris, chalcâtis similibiumque mineralium, tandem cogitur ad occultas influentias velut ignorantiae asilum confugere; miraculi causas in supremum totius naturæ auctorem refundere satius puto.

Medium.

Finis.

Majoritas.

Minoritas.

Æqualitas.

Quippe qui ad nominis sui gloriam sempiternam, in molli & fluxo elemento per turbos subterraneos diffuso, vel abjectissimis è plebe remedia aperuit, aduersus morborum examina, quibus ærumnosa mortalium vita passim infestatur. Quod quidem nostrum dispensat calamum, à longiori disquisitione in huiusmodi aquarum originem; cum id solius præpotentis Dei munus sit, qui has longè nobiliori effectui dotauit, quam vulgares aliorum fontium, fluminumque. Ac licet minoris dignitatis sint quam beata illa flumina, quibus irrigatur cœlestis Ierusalem: eadem tamen virtute pollent, quâ Spadenses, alięque passim in orbe Europeo, antiquis

nuperisque auctoribus commendatæ.

Quæ profecto omnia hominum mentes <sup>Deus, An-
gelus, cœlū.</sup> sollicitant, ad gratiarum actionem erga su-
premi illud Numen; quod ita in cœlorum
æternitate beatis fons est inexhaustæ felici-
tatis, ita in hoc terreno orbe gratiarum sca-
turigo est animabus recreandis, ut voluerit
etiam corporibus in elementari naturâ fon-
tem sanitatis aperire. Adeo ut si mortalium ^{Appetitus.}
sapientissimo licuit olim, verbum Dei fon-
tem in excelsis nuncupare: fas quoque mo-
do sit in humanâ quam assumpsit naturâ,
cum eodem Salomone, puteum aquarum
viuentiū appellare. Annon depingitur Chri-
stus ita beneficiorum diffusionem exundans,
ut de illius plenitudine cœlestes spiritus glo- ^{Homo.}
riam hauriant in cœlis, iusti verò in terrâ san-
ctitatem. Hanc effundunt velut diuinissimi
canales Sacramenta, quæ fides Catholicorū <sup>Elementa-
rium.</sup>
septem agnoscit. Atque ut corporea spirita-
libus famulentur, gestiuit in naturalibus
aquis imprimere miraculorum argumenta.
Eo namq; beneficio fruuntur homines uni-
uersi, qui necdare hoc & Ambrosiâ potati ex-

Vegetati-
uum.

Imagina-
tium.

Instrumen-
tarium.

An sit.

Quid.

Qualis.

Quanta.

perſuntur in dies, vires vegetari, non ſecus ac
plantæ ſuccreſcunt aquarum irrigatione: fa-
cultates quas vocant animales reparari, dum
puriores ſpiritus in naturæ officinâ elabora-
ti, ad corporis ingenijque mûnia deſtinâtur:
corporeas nebulas quibus obtenebreſcit
imaginatio, diſſipari; totam denique hu-
manæ molis fabricam, quæ ab illis facultati-
bus pendet, aptari velut inſtrumentum ad
optima quæque præſtantiffimum.
Habet igitur iſtud Niuernenſe territorium,
non elifios Poëtarum fontes fictitijs liquori-
bus manantes: ſed melius quam olim in Æſ-
culapij templo, fanitatis officinam. Puram
putâ aquam fateor, & ipſi omnium oculi
attellantur; ſed qualem, quamque virtutis
immænſæ clamant rediuiui homines, qui vo-
tiuas & ſotericas tabellas velut in tholis delu-
brorum, fontis hujus fornicibus, tanquam
voto rei deberent appendere. Luſit per hos
dies è Poëtis vnus, lepidum ænigma cujus ar-
canum ſenſum vis ingenij tui acutiſſima, vide
quæſo an poſſit penetrare.

Aspice quam facili miracula munere currunt,

Vt credas geminis ludere Numen aquis.

Principis hic fons est excrescens principe fonte,

Mirum! nec dispar nectit utrumque decus.

Condita namque means per coctæ viscera terræ,

Ebullit cunctis fons medicina malis.

Sic tu magne heros, generis spes tertia nostri,

Nectareo populi pectora fonte beas.

An miser? an felix, fonti qui ignotus utrinque;

Hinc bibit ager aquam, pauper & inde sitit.

Enim verò ut propositum finiando, resu-

mam, innumera aquæ hujus beneficia satis Quare.

apertè indicant supremi medici consilium, Vnde.

qui ut facilem corporibus nostris medelam

procuraret, animosque tanti miraculi stupore

raperet in sui admirationem; has non mi-

nus quam ventos fluere permittit, ex suæ

prouidentia thesauris.

Aliam enim ab hac originem, facilius re-

perires in Nilo fluuiorum principe, quam in

istis mineralibus aquis: quæ dum ignotis cu- Quomodo.

niculis, montibus nemoribusque vicinis ef-

funduntur, homines virtute suâ admirabili

felicitissimè beant. Quod si par mihi esset po-

Quando.

Vbi.

restas in tuæ vitæ momenta, ac vel minimo nutu obsequentissimo vales imperitare: votis huc te precibusque aduocarem, dum adhuc declinatis æstiuī solis calor, aquarum vires excitat acuitque ad sanitatem. Expirat enim, crede mihi, major eorum virtus, dum longius deportantur. Hoc igitur loco, hæcque præsertim anni tempestate, proficiuus est aquarum vsus; quas æstus hiemisque inclementia, fermè facit inutiles. Vel enim sordes hinc inde affluentes, nativam aquis puritatem corrumpunt: vel ardentior canicula, minerales spiritus planè exhaurit. Redde igitur tibi, tot quotidie ingruentibus negotijs extricatum; vt diutius frui vitâ tuâ publico omnium bono concedatur. Et dubio procul non paucos vacationum autumnalium dies, in incomparabilis remedij vsu consumpseris, quin statim præcedente debitâ præparatione, accedente viuendi moderamine, præsertim verò adjuuante Deo, qui vitæ necisque supremus arbiter est; eâ valetudine fruaris, quæ ingenuam deinceps confessionem exprimet; mortem, morbosque vbiquè

grassari : vitam verò sanitatemque , in hoc duntaxat secessu efflorescere.

Exemplum vtrumque leuidentense , in virtutis & aquarum commendationem sufficiet; vt intelligant obtusa quæque ingenia, Lulianas præceptiones tantis difficultatibus obsitas non esse, quantas plerique imaginantur. Planâ serie 36. termini fermè producuntur, ne si variâ vniuersorum mixturâ artificium nimis celaretur, non satis appareret quomodo vel infantissimi possint, de re quâlibet ex temporaneo faciliq; sermone differere. Quàm autem cuilibet procliuè sit arcanâ terminorum temperaturâ telam orationis ordiri, breui demonstro in hunc modum.

Homo.

Quæstio proponitur, sit ne anima immortalis? affirmando respondetur in promptu, quia delibatus est de mente diuinâ radius.

An sit.

Vnde.

Cum enim beatâ immortalitate fruatur Deus, ea numeris omnibus absoluta minimè esset, si nulli creaturarum communicaretur.

Bonitas.

Quis autem tam nobili priuilegio insigniri debet, alius ab homine? hinc namque Angelici spiritus ab omni interitu immunes, inde

Maioritas.

Minoritas.

Cælum.

Quare.

Sapientia
in effectu.

Appetitus.

Gloria.

Virtus.

sublunare quidquid est, mortalitati quoque obnoxium; solus homo vtriusque compendium, in æternitatis & temporis confinio positus est. Cœlestem mundum intueri, incorruptibili naturâ dotatum, nusquam cessat à perenni motu. Non inferiori iure homo cœlorum contemplationi natus, & eorum immensitate major, à mortis legibus potiore partem si attendas, debet vindicari. Hinc æternæ mentis cogitationes, quæ si à mortali principio essent non utiquè aspirarent ad immortalitatem. Hinc innatus ille vel abjectissimæ plebi, gloriæ & immortalitatis appetitus. Quorum enim ædificiorum splendor, bellicæ virtutis decus, studiorum fama, liberorum propagatio, superstes demum in medio mortis sinu pompa monumentorum, nisi tacita naturæ vox mortalibus vniuersis proclamaret immortalitatem? Quidquod si animus hominis eundem cum bestiis sortitur vitæ exitum, ruit omnis virtutum disciplina. Belluino enim more seruiet quisque libidini, feretur in illicita; & cum nullus superfit vel poenarum metus, vel præmiorum

præmiorum spes in æternitate, rarus est qui pietatem colat aduersus Numen, iustitiam inter homines exerceat.

Eo igitur modo non difficulter perennatur diserta vbertas; quam vt erudita euadat eloquentia, succi & sanguinis plena, alijs præceptis, alijsque insuper exemplis indigere, pace Lullianorum dixerim nostra dudum opinio est, & nos alibi ostendimus. Placet interim vnum & alterum exemplum, cum perfecta secretaque Terminorum & Figurarum mixtura velut totius operis coronidem subjungere; quâquam stilo non prorsus emendato sed qualem prima ætas atque artis hujus elementa ferre queunt; Major enim stili cura, animique contentio solidioribus merito debent reseruari.

PALATIVM PHILOSOPHIÆ.

Cui fundamenta Moralis scientia, corpus & parietes Phisica, tectum Metaphisica, architectus Aristoteles, Genius tutelaris primus Reges, Atrienfis seu introductor discipulus.

PRO INAUGVRATIONE.

Si miras fallaciarum ambages nectere quæ

rudiorum animos deludant, prima nos Philosophiæ rudimenta docuerunt: Patiemihi opinor (N) tametsi in ejusmodi præstigijs solerter eludendis versatissimi, vt primâ artis meæ industriâ & contentione animis vestris errore mihi æque ac vobis fœlicissimo illudatur. Nēpe blanda quædam nec ideo tamē vituperanda curiositas in hoc sapientiæ delubrū vos indequa; conuocauit me vt oratorem haberetis quē reperietis artificē. Expectatis si bene vos noui inuentionis acumina, positionis delicias, pigmenta lasciuioſæ elodiscutionis, en dare lubet fundamēta, parietes rectum, archimentis ornamenta; accessistis auditores, spectatores volo. Papæ quam visendâ artificij structurâ exurgit in cœlum moles, luparam credo, quæ cœli clementia, soli bonitate, circumfusa hinc inde aquarum irrigatione, hortorum amœna varietate Luculli domum, Theatrum Pompei, Ephesi Templum, Piramida Ægypti, Iouisque adeo ipsius Capitolinum pulchritudine sic prouocat, vt si perennitatem spectes, fundamentis nihil firmitus; si decorem, parietum in-

crustato opere nihil speciosius; sin demum
majestatem admireris, nihil coronide subli-
mius vel mente concipi queat, vel oratione
explicari.

Eat jam vana suarum rerum jactatrix anti-
quitas, mihi certè præsentique orationis in-
stituto elegantissimam illam Poëtæ elegan-
tissimi delineationem veritas adjudicabit

*Barbara Pyramidum sileat miracula memphis
Assiduus jactet, &c.*

Vnum pro cunctis fama loquetur opus.

At enim ne diutius suspensos vos detineam,
Philosophiæ palatium est, quod vestris mo-
do oculis subijcere suadet reginæ quã
ce biennio coluimus majestas, operis pul-
chritudo, vestra omnium merita, meæque
debitæ seruitutis exolutio.

Aspicite igitur si me amatis, imo si vestram
Diuam, inspicite, introspicite quod in imo
jacet fundamentum, Moralis est disciplina,
cui nimirum superstruuntur gratissimi scien-
tiæ naturalis parietes, porticus, aulæ, gradus,
thriclinia, cameræ, donec totum opus veluti
recto Metaphisica coronetur.

Neque verò Moralem Philosophiæ partem sacri hujus Palatij fundamentum meritò à me appellatum inficiabitur, qui attēta mentis cogitatione secum ipse reputarit omnes omnino studiorum, studentiumque conatus ac labores vt cum virtutis cultura mirum quantum efflorescunt, ita sine eiusmodi fundamento vanos esse irritos, & quod omnium instar esse debet æternam animæ ruinam meditari. Stupenda quædam domorum ædificia spectris nobilitata anus ad focum, aut amatorij quos vocant libelli bellissimè fabulantur; at nugas esse & quidem nugacissimas, lepida inquam hominum vigilantium somnia quis nesciat, nisi adhuc puer aut jam capularis senex in delirij vt mortis confinio constitutus? Certè otiosæ mentis figmenta sani omnes dijudicant, quia in ventorum imperio in chimærarum regione, in aëris soliditate, verbo dicam, quia nullibi, & absque fundamento esse finguntur. Haud secus vanissima mihi videntur illorum hominum ingenia, qui vt monebat Iuuenalis morum censor æquissimus, specie virtutis & vmbra de-

cepti, neglecto imo etiam per summum nefas conculcato virtutis studio, ad supremum scientiæ apicem honorisque fastigium audent si dijs placet aspirare. Quasi verò non intelligant bipedes cerebro vacui, pietatis ac doctrinæ tantam esse communionem, ut illa si defit, & hanc quoque necesse sit interire.

Longè profecto alia mens oratorum inter Christianos Principi Chrysostomo, qui in antiquis etiam Philosophis venerabilem quandam virtutis imaginem & agnoscit, & verò ad nostrum omnium dedecus fatetur gloriosissimè. An erupisset unquam Tullius ille Cicero, in aureum istud proloquium dignum homine Christiano; Nullum bonum Philosophia præstabilius neque datum mortalium generi Deorum concessu, neque dabitur; si non intellexisset qua erat rerum notitia insignitus, nusquam melius posse inniti rem literariam quam virtutum basi ac fundamento. Hæc igitur prima quasi animorum nostrorum velut ædificij paratura, ad unicum foelicissimæ beatitudinis sco-

pum collimare, bona à malis discernere, hæc ut fugiamus, illa ut amplectamur, virtutum pulchritudinem cum perpetuo vitiorum horrore, noscere, quærere, amare; & vos nimirum experientia potestis edocere, quanto cum animorum fructu & suauitate hæ omnes virtutum præceptiones in Morali academia tradantur, explicentur: quò certè respexit nisi multum me fallit opinio, princeps noster Aristoteles, cum suæ nostræque Philosophiæ delectationes concedere non videtur puritate & firmitate admirabiles. Quid enim obsecro virtutis amœnitate purius? quid firmitus Palatij hujus sacerrimi fundamento?

Sed ecce meum ad se animum vestrosque rapit oculos in sui contemplationem innixa pietatis basi parietum moles. Quo in opere diues rerum natura quidquid vspiam esse pretio & admiratione dignum, ad nostram utique opulentiam videtur inclusisse. O ingens naturæ beneficium ac perenni sæculorum memoria & gratitudine celebrandum. Quisquis es, ô homo cui naturæ manu insita

est ardens illa sciendi videndique cupido, nostræ scilicet Philosophiæ liberalitati gratias & habere, & agere debes immortales. Non enim ut aspectabilis mûdi hujus miracula contempleris, alis opus est quæ te aquirarum more in Cœlorum plagam euehant, non ceruinis pedibus ut tam inani quàm immani labore per asperas Cœli, soli, ac soli injurias naturæ arcana vestiget. Quid ergo? fingamus terrarum metatorem aliquem, cogitari libet veteris æui Ptolomæum aut nostri Mercatorem Cosmographica sciëntia nominatissimum. Ecce tibi miro ingenij simulque penicilli artificio altissima montium cacumina, diffusas camporum planicies, & expansa superne cœlorum conuexa; quid dicam amplius Europæ gentes, Asiæ diuitias, Africæ solitudines, & quidquid America celat incognitum breui & angustæ tabulæ delineatione ita circumscripsit, ut fermè in punctitio tipus appareat vniuersi. Non absimilis equidem Philosophiæ nostræ industria quæ quidquid natura habet dispersum colligit, quidquid reconditum aperit, quid-

quid inuolutum euoluit, ne multa quæcumque scire beatitudo est, ignorare miseria, breui Phisici auditus compendio ob oculos proponit. Vererer abuti vestrâ patientia (N) si in singularum partium contemplatione vestros oculos animosque mea detineret oratio; semel dixisse satis erit in hac parietum fabrica, non minus quàm in Lapideis marmoreisque ædificijs, omnia sic ad libellam & perpendicularum esse explorata, vt nihil hiet, nihil protuberet, anguli æquis partibus coeant, nihil deliret amissis. Quamquam artis & naturæ summam eminere crediderim in hoc quod videtis speciosissimo columnarum ordine, quarum aliæ jonicâ doricaue structurâ ad vnguem expolitæ ac complanatæ sunt, aliæ obliquâ inflexione sese in altum erigunt, omnes omninò Phisicarum disputationum emblematis incisæ ponunt in aperto, quod inter totius naturæ arcana conciliare potest admirationem. Hic videas materiam primam ex nihilo suæ entitatis fermè inuisibilem, illic formarum decus ac perfectionem, hinc locorum temporumque

porumque spatia ac dimensiones, alibi rerum vniuersarum ortum interitumque, proprietates elementorum, mundi fabricam, coeli amplitudinem, terrarum orbem, & quod in eo sceptrum tenet examina & corpore hominem Dei simulachrum; vsq; adeò verum est quod initio promisi me demonstraturum hanc nostram Philosophiam non arbori comparandam, vt fecit Nazianzenus, non montium cacuminibus vt Seneca, non thesauris vt Picus ille Mirádulanus, non demum vt Iudæorum disertissimus Philo pomari amœnitati in qua arbor sit Phisica, fructus Ethica, sepes Logica, sed Palatij maiestati quod strato virtutis fundamēto, rerum naturalium veluti parietum fabrica eminēs, tandem sublimi Metaphisices fastigio coronatur.

An non ea mens erat Platoni qui à rerum cognitione diuini nomen est indeptus, cum 7. Reipub. vocat apicem doctrinarum & omnium diuinorum finem? in qua quidem Metaphisica, demirerne magis subtilitatem an sublimitatem, statuere vix queo; subtilita-

rem certè ex eo liquet esse maximam, quod vel ad illius nomina simplicemque terminorum prolationem hebescent, pleræque etià eruditorum mentes; nisi sint acutissimæ. Vbi enim quæ omnem sensum longè exuperant dilucidæ explicationis beneficio quasi oculis subiicienda sunt, vbi quæ sunt summâ vnitatē simplicissima partiri debemus, generis, differentiæ, substantiæ, accidentium naturam definire, ens, essentiam, existentiam, ac subsistentiam secernere, vbi cuiusque entitas ex sex generalibus particulis componenda est, nemo est qui non fateatur obtusa plebis ac rusticorum ingenia Metaphisicæ mysterijs nunquam fuisse consecrata. Aquilæ palmaris gloria est alarum remigio in cælum euehi, vt splendidissimos solis radios obtutu contempletur, nec minus naturæ, imo prouidentiae singularis prærogatiua, ea quæ plebeis hominibus, nec de nomine quidem nota sunt subtili mentis indagine ita assequi, vt videamur intueri.

Quanta porro sublimitas quasi fastidium sit rerum naturalium contagioni adhærere, au-


daci mentis impetu supra omnes terminos
 euolare, vt quæ cæteris mortalibus abscon-
 dita sunt, anticipatâ vt ita dicam felicitate
 contemplemur. Nam reuera si ex Doctôris
 Angelici verbis ac sententia, rerum quæ sub
 cognitionem cadunt objecta, nobis non da-
 tur intueri, nisi aliquo tandem modo cum
 illis jungamur: sublimis erit beatitudo
 rerum quas docet metaphisica altissimarum
 cogitatione occupari. Ea propter principes
 olim sapientiæ professores Socratem, Plato-
 nem, Pitagoram, Milesium, Thaletem, ac re-
 liquos heroes spreto hominum consortio,
 negotiorum turbis, rerumque publicâ
 administratione in præruptis montibus, re-
 motisque solitudinibus abdidiisse se accepi-
 mus; vt jucundissima ea contemplationis
 sublimitate affatim fruerentur. Testem ap-
 pello omni exceptione maiorem eum, cuius
 placita in scholis non aliter quàm Delphis
 oracula debemus venerari.

Hic mirum hic est ille ingeniorum apex, sa-
 pientiæ magister, orbis miraculum Aristote-
 les, qui minimam cognitionem de rebus al-

tissimis, supremæ de minimis longè multum
antecellere non dubitauit asseuerare. Sane
siquidem hujus disciplinæ studio omnium
motoris notitiam sic esse assecutum memo-
rant bonæ fidei autores vt supremam mo-
rienti vocem hanc erupisse testentur, Causa
Causarū adjuua me, prima Causa te adoro,
te inuoco. Decebat nimirum Aristotelem
in supremi numinis confessione abire è vi-
uis, quem dono singulari prouidentia mor-
talibus à Deo concessum nemo ambigit, vt
disiectam hinc inde Palatij Philosophici lu-
param peritus architectus restauraret. Quid
s bone restauratorem appello? quem
constat primum firmissima scientiæ Moralis
fundamenta; eximia rerum quas suo natura
sinu complectitur, indagatione æternitati
columnas parietes erexisse, ac tandem au-
gustissimo palatio beatam Metaphisices co-
ronidem pro fastigio imposuisse. Te igitur
ter magne Aristoteles sacri hujus semnæi
quod Philosophiæ majestati dedicamus, no-
bilissimum architectum placet indigitare.
Vos verò qui mecum sapientiæ misterijs hoc

biennio me felicius estis operati, manibus
 date lilia plenis, quibus videlicet noster hic
 princeps & coriphæus gloriosè coronetur.
 Neque verò aberis multum ab hoc laudis &
 honoris cumulo (N) qui Philosophici hujus
 palatij Genius tutelaris gazas illius & opes
 exquisitissimas quotidiana eruditione no-
 bis omnibus explicuisti.

Atque utinam existat alter à me orator di-
 cendi peritissimus, qui elegantiori opere &
 majori artificio quam tuo in nos amoris &
 curæ debemus omnes, gratiarum actionem,
 possit efformare. Quamquam qui dignas
 pro tuis erga nos immortalibus beneficiis
 grates persolvat ipsa ne quidem effingere
 posset eloquentia. Ego quidem qui in cæte-
 ris ut minimum possum, ita plurimum de-
 bere me fateor sublata dissoluēdi facultate,
 ipsa debiti confessione contentus ut sis, oro
 obsecroque & quod est in mea manu ad hu-
 jus Philosophici palatij tholum appendo
 hanc grati hilarisque animi testificationem,
 quam nulla vnquam secutura ætas oblite-
 rabit. Dixi.



PRVDENTIAE DISCIPLINA

hominis aetates, nationum indoles natura motus, conditionum mores & affectus ex Joannis Barclai animorum icona; ad Artis Cabbalisticae normas summatim expressa.



OL astrorum Princeps, Caeli orbes; prudentia, hominis vitam regit simul ac illustrat; nempe in disciplina Morali virtutum Regina est, cæterarum Imperio nata; neque aliud humano generi concessum munus, quo diuinam in terris imaginem perfectius repræsentaret. Collucet in fronte nescio quis diuinitatis character, qui vicariam terreni hujus Imperatoris potestatem explicat, imprimitque creaturis inferioribus reuerentiam. Radium ego credi-

derim hujus primordialis animæ dotis, quâ solâ secernitur homo à brutorum contagio, propiusque accedit ad cœlestium communionem. Ratione destitutæ animantes sagacitatem habent à naturâ, quâ futura longè certò que præfagiunt; sentit hirundo rerum tempus, formica colligit autumnî diuitias, & messes in suis thesauris recondit; Ceruorum Genus vulnera dictamine norunt curare, psittacis, canibus, elephantis, vulturum speciei num prudentiæ, scientiæ & rationis scintillæ insit disputauit autor Græco-Romanus. Enimvero quidquid illud est necessitatis non prudentiæ legem, naturæ instinctum non scientiæ documentum, cæcum passionis impetum, non rationis argumentum credere par est; quibus tamen primas quasi prudentiæ lineas in ejusmodi rudioribus tabellis supremus opifex adumbravit.

Homo virtutum omnium sicut creaturarum compendium, solus in sublunari imperio prudentiam sortitus est, quasi jus paternæ hæreditatis. Certè enim parum dixerim, si affirmauero summam prudentiam ingenij,

ratas in cœlorum globis, constantissimasque ordinis leges, quin etiam hierarchicas Angelorum partitiones, & munia perfectissime imitari.

Longè nobiliori tam principio, quàm exemplari gloriatur hominum prudentia; Deum enim vt autorem sic habet & præceptorem. Is nimirum orbem quem potentia condidit, prudentia gubernat; nec modo cœlorum perpetuæ reuolutiones, reciprocationes elementorum, sæculi & imperij conuersiones, hominum sollicitudo quæ patrem decet; verum quod mireris, minima quæque & abiectissima naturæ crepundia æternæ prudentiæ legibus administrantur. Autorem æmulator homo sapiens, dum radio prudentiæ partim innato, partim meditatione & experientia comparato, partim & superioris gratiæ beneficio, præterita reuocat in præsentis temporis eruditionem & futuri cautelam. Quidquid enim faciat, nunquam homini satis cautum est in horas; & prudentia vulgò audit securitatis mater.

Dum publica pacis bellicque negotia, priuatim

tim domesticas resque suas præclarâ serie & renore, constantissimoque dirigit toto vitæ curriculo

Vnde merito tot antiquis de hac virtute præceptiones & symbolum prudentiæ nobilissimum; Canus senex Scipioni innixus, speculi inspectio, serpens denique cujus prudentia vel à Christo autore Euangelij commendatur. Quod itaque supremi numinis prouidentia, quod impressus naturæ diuini luminis radius, quod in virtutibus Theologicis lumen fidei est, quod in mentis cognitione mera scientia, quod in secretioribus misteriis consilium à Deo infusum, hoc in Mædis disciplinæ choro prudentia. Secreta naturæ intelligentia, & spiritus ille Architectonicus, seu melius Daudico idiomate Spiritus principalis, qui cuncta dirigit, omnia distribuit, vniuersa conseruat, & administrat. Illa admirabili temperamento opera sua exequitur, in pondere, numero, & mensura; Auream constituit mediocritatem, mediumque iter facillimum quo tutò itur ad astra, vt si vna absit prudentia, cæteræ virtutes in vitia de-

generent; nam dum vitat stulti vitia in contraria currunt; & qui avaritiæ infamiam deuorat, fortunas intemperanti profusione dilapidat.

Incidit in Sillam cupiens vitare Charibdim. Ex quibus facile concludes illius acquirendæ vtilitatem, imò & necessitatem. Cum enim amplissimum sit per omnia prudentiæ Imperium, nulla ætas, conditio nulla, illius disciplinâ eximi debet nisi velit esse infelicissima. Ideoque ab ipsis incunabulis si id fas esset, addiscenda, vt nobiscum vltima maturitate consenescat.

Quid enim amabo vel amabilius, vel admirabilius senectute illa Nestorea, quæ non annorum numero, sed prudentiæ experimentis computata, antea actas ætates memoria replicat, rerum vanitatem aspernatur quia rectè nescit, vitæ mortisque pretium nullum facit, sed à vitiorum dedecore abhorrens vnâ virtutem, Deique cultum habet in amoribus, Rebus publicis, & obcæcæ iuuentuti sana consilia præscribit; ad quâ demum non aliter quàm ad publicum ora-

culum populorum fit concursus. Hæc dubio
procul senectutis corona in ciuili & castrensi
nobilior, lemniscatæ gloriæ radijs supra mi-
raculum collucens.

Porro ne tam excellens bonum ad quod to-
tis viribus conniti debet in decrepitam æta-
tem amandetur, ne tum viuere incipiamus,
cum definendum est, & prudentes euada-
mus cum ætas cogit delirare; virtutis omniū
excellentissimæ jam ab initio ætatis tibi cō-
parandæ leges & præcepta jam accipe ex la-
tinissimi scriptoris opusculo, quod vt simul
doctrinam & virtutem cape sceres ad Lullia-
næ artis methodum collegi summa sequi
fastigia rerum.

Ea propter prudentiam in prima Figura S.
reducimus ad literam R. idest instrumenta-
tium. Est enim in Morali disciplina orga-
num organorum, quod de manu pulchrè di-
xit Aristoteles. Et K. iungendo cum E. in ea-
dem Figura S. generalem propositionem
formabimus in hunc modum. Nihil tam vbi-
que ex omnibus discendum homini est, quā
virtus prudentiæ vt potè ad omnia maxime

utilis & necessaria. Tum deinde licet amplificari posset facta propositio, definiendo iterum atque iterum quidnam prudentia sit, qualis, quare utilis, quo titulo necessaria, quâ ratione ab alijs virtutibus differat, &c. malo prosequi tempus & modum illius addiscendæ, subjectum propositionis quod homo est, distribuendo 1. Temporis ætates, 2. in nationum indoles, 3. in naturæ motus, 4. in mores conditionum vt ex illis omnibus eliciatur prudentiæ studium & disciplina. Porro vnumquodque amplificabimus per quartam Figuram (quod hætenus feci in prudentiæ exordio) miscendo hinc inde omnes Terminos Artis Lullianæ; singulos tamen indigitare, foret onerosum; quisque proprio Marte expiscabitur.

Cum igitur rei cuiusque futura perfectio ab initijs maxime dependeat: semina virtutum prudentiæ imprimis, hominum mentibus, jam à prima ætate sic debent insinuari, vt deinde ignorent naturâ an culturâ ejusmodi acceperint disciplinam. Prima igitur in puerorum institutione cura sit: vt ingenio

ab omni malitia alieno, parentibus præceptoribusque amicè obnoxio, numen venerentur nunc beneficio, nunc vindicta adorandum. Et ea quidem nequaquam atrocitate ingerenda, ne conceptus à puero timor in odium definat, aut certe fastidium; Amare enim virtutes vel sponte juuat: vitia ut monstrorum genus auersari; non quidem anxie pietatis superstitione, sed virili honestatis cupidine; pronam in prava naturam adhuc quæ cum velut ramus est cogi facilem, ad virtutis leges prudenter reflectendo; Nec vero importunum stimulos gloriolæ æmulationemque inter æquales intingere. Mox sensim veluti ex captiuitate & prætextas, deducendi sunt in modestam prudentemque libertatem; quæ pueritiam suis studiis suisque exercitiis relinquat. Tum enim maxime indulgentiâ opus est, ut parentes amēt magis quam metuant, studiumque literarum capeſcant, potius ad mutationem ludi quam ad fastidium. Cum enim ita sint homines à natura comparati, ut ingentibus malis fracti animum impleant suarum mise-

riarum contéplatione atque sensu; Id in pueris summo cauendum est opere, ne cum perpetui metus succum absorbuerint, quem ad laxandos corporis artus natura concesserat; qui supra pueros sapuerant, postmodum infra decus virilis sapientiæ delirent. Sed nec in infinita quoque libertate hæc ætas dimittenda, vt mediocri terrore supplicij, summaque parentum reuerentia, semper quantum sibi liceat ignoret; tumens vero procacitas, curanda est seueriori parentum castigatione. Tum ipsa ætas paulatim studia mutabit, virtutes adolescent, studio non impetu amatur, suum ad adolescentiam crepusculû afferet prudentia. Imprimis vero felix memoria, quæ in pueris summa est, capacissima, & maxime pertinax, multis sermonibus, mox vberi historiarum lectione, linguarum multiplici disciplinâ excolenda erit; suntque tum maxime capefcenda quædam omina crescentium vitiorum, aut futuræ virtutis argumenta.

Excipit pueritiam adolescentia, idonea delicijs ætas, & inconsultæ fiduciæ; quæ vt in po-

sterum prospicere nescit : sic cum maxime pro cuiusque ingenio, in diuersa abrepitur non vano aut dissimulato impetu. Tum ardent cupidine laudis, contumeliarum impatientissimi, non diu eadem consilia probaturi: sed enim futuræ virtutis indicium est non vltimum, si inter cætera studiorum affectuumque genera aliquid vnum valde volent.

Sequitur deinceps virilis ætas, ita corpore simul vicens & animo, vt in hujus dumtaxat gratiam mortalibus lux concessa videatur. Ejus studium tale est, vt cum primûm ab adolescentiæ caligine emittitur animus ante actis erroribus atroci censurâ iudicans; vtili pœnitentia iuuentutis ruinas emendare aggrediatur. Hîc opes satis auide congeruntur, amicitia simulantur, frœnantur prudentiâ animi impetus, plerumque virtus nec sine præmio colitur.

Tandem cum sanguini primum, mox ingenio, suum frigus senectus sensim insinuat, aptam sibi prudentia sedem solet collocare, quasi maturæ jam ætatis virtus hæc esset:

Nam quo minus corporis vinculis obligantur senes, eo purius futura prospectant, sapienter consulunt, & quasi à naturâ loquendi cupiditas inditar sit, ne illi docere grauentur qui omnium optime possunt; inde juvenilis consilij & præsentis ævi despicientia, anxior cura rei domesticæ, garrulitas importuna; quas maculas si abstergis à senectutis prudentiâ, nihil est ad omne consortium in vita commodius.

Enim verò non alibi magis demiranda varietas, quam in eo cujus gratiâ cæterarum rerum ornatus institutus est tam diuersus; namque amicus enim ad diuinitatis speciem, compositi homines, in libertatem nascantur: singuli tamen suis affectibus, temporum sorti, seculorum genio deseruiunt; quippe cum omnibus seculis ut regionibus sua sit indoles qua mortalium animi in certa studia velut arcana quadam vi inflectuntur, vel etiam propelluntur. Hinc istud seculum Poëticis numeris illustre, aliud oratorijs flosculis illuminatum, illud armis ferox, hoc tandem altissimo verterno torpens, post modum felici

lici ingeniorum vigore excitandum; Ita se-
culorum ætatumque discrimina, non forte
melius ex siderum motu, quam ex humanæ
mentis flexibili & in omnes partes versatili
ingenio nascuntur.

Vt igitur de regionum populorumque in-
dole pauca delibemus, sed formandæ pru-
dentix maxime necessaria; An non Gallia
soli bonitate cum felici incolarum genio de-
certat? Gens profecto armis strenua, verum
equestri certamine validior, ignara perfidiæ,
amantissima dominantis, apud quam ita re-
gnatur vt verè nefas sit, quantum regi liceat
dubitare. Si tamen videris dominari, fer-
erubescunt: opes enim & ipse vilior honori-
bus sanguis. Ast quàm indomitæ intra se-
molis, tam in exitium sui potens est, cum in
exceros exundavit si victoria vti sciret: dum
enim patriæ absentiam diu ferre non pos-
sunt, patrios respicere lares, obliuisci armo-
rum primi impetus, tandemque læta bello-
rum initia sæpius corrumpere. Oris vultus
totiusq; corporis habitus atque cultus non
alijs mortalibus elegantior. Quamquam

vt despumant turbulentius vina generosius
adolitura, sic istius gentis ad canam pruden-
tiam factæ non alia magis incauta iuuen-
tus, vbiq; titulos nimix securitatis nimiam-
que petulantiam adfectans. Hinc tametsi in
exteris & hospitibus supra modum humana,
animum in eis non patriam æstimans, suis
opibus augeri gestiens, peregrini moris
dummodo superbia absit, imprimis curiosa;
In suæ tamen gentis homines siue extra pa-
triam, siue & intra charissimæ parentis visce-
ra, quam sæui & crudeles existant, testes
sunt extera tribunalia ad quæ se in vltimum
Galliæ dedecus vel ipsi conciues vocant; te-
stes quoque ad singulare certamen fœdius
armatæ manus. Sed hæc vitia quæ se Gallicæ
indoli interferunt, donare eorum virtutibus
debes; maxime verò generosissimo spiritui
nec non politissimæ consuetudini qua nihil
in humana societate jucundius.

Galliæ affinis est Britannia, quæ tam varios
civium mores, quam littorum sinus & no-
mina proferens, in vnius tandem imperij no-
men, sed non in vnius ingenij leges conces-

fit. Adeò enim soli vbertas cœlique amœna
 jucunditas Angelicæ plebis animos in otium
 exoluit, vt apud eam non vigeant artes
 mechanicæ, non agriculturæ solertia, non
 denique militaris disciplina. Sed subitæ acies
 & vix octidux, surgentes adhuc crudasq; li-
 tes dirimunt. Sustollit verò tam secura quam
 spontanea felicitas vulgus opulentum, quod
 nec Patriciorum dignitatem reueretur, nec
 peregrinorum humanitate mollitur; hinc
 vnum quemque ex verbis & personæ graui-
 tate accipiunt; omnisq; generis discrimina
 adeoq; mortem, impetu plusquam iudicio
 contemnunt. Seductus in se velut ad co-
 llium grauis ille animus Britannorum, et si
 ipsum & suæ gentis mores, ingeniũ & men-
 tem eximie miretur, grauius tamen in reli-
 gione & doctrina hoc vitio laborat; quippe
 qui semel imbutam de religione opinionẽ
 non facile deponat. Immo vero nulla tam
 pròdigiosa opinio philosophiæ, quæ non
 apud illos suum habuerit vel auctorem, vel
 patronum. Quale vero illud nisi vltimæ de-
 mentię & superstitionis fastigium, ita reli-

gione & Numinis reuerentia moueri, vt non publico consilio, sed elusis per priuatas superstitiones animis nouam ac propriam pietatem plerumque sibi fingant, quam non auctoritate, non numero hominum, sed pertinacia sanciant; A qua vt omnes sciunt abhorre, sic vnos se rerum cœlestium participes, extorres cæteros omnes esse putant.

At enim Scotia sceptro huic & solo conjuncta, Galliæ moribus vicinior est. Non his enim torpens desidiâ corpus, non stupidum ingenium, sed ad humanæ consuetudinis culturam facile, præceps ad omnia, ad iracundiam promptum, (quam tamen facile mitigant secundi impetus) quærere opes quam seruare felicius, siue inconsultæ liberalitatis motibus laborat, siue amat opulentæ famam, in quæcunque studia inclinat mirifico successu inclitum, vt nec musæ delicatius habeant quam cum incidunt in Scotos. Corporis verò habitum supra multas gentes decentem: sed supra omnes militaris laboris & castrorum patientem, venatione exercent.

Porro ab vtraque hac Britannicæ insulæ plaga Ierna consuetudine & ingenio plane abhorrens, vtramque desidia & torpore non vires dissolvente, sed acuate, non corpus emolliente, sed ad bella durante superat: maior illi deliciarum ignorantia, cui nec paupertatis nec inedia, nec injuriarum, temporis aut viarum sensus; sed nobilitatis suæ titulis ubique velificatur, quos artificiis aut laboribus fœdari existimat. Non est ille populus animo ad vitia obstinato, sed acri ad prædam, furtum & omnis generis laborem venationem imitantis. Spontanea tamen plebeiorum hæc vitia, non insulæ fato tribuenda est optimatum sincera fides mensque virtutis culturæ & auitæ religionis addictissima comprobatur.

Germaniæ mores vt in pauca includam, verbo definiendum arbitror, candidas mentes, quibus placent aperti mores, quibus nihil adeo exosum quam omnis species blandientis, reconditi, aut perfidi astus, quibus verecunda simplicitas pene ad muliebris pudicitiae similitudinem accedens, ingentia scelera

vel ipso nomine celauit. Suae illos virtutes exornant, sua etiam vitia deturpant.

A quibus non omnino consuetudine & moribus non omnino, inferioris germaniae populi Batauorum & Flandrorum nominibus comprehensi aberrant; quippe his caeli solique vitium ingenia depressit, bibendi intemperies stipauit. Sed tamen nemini vilium artium industria, mercaturae & artificiorum sedulitate inferiores sunt: apud quos omnem aetatem, omnem sexum, vel publico sumptu si necesse sit, in tyrocinijs idoneus sudor exercet. Imo etiam si vni alicui disciplinam ingenium & vitam consecrant, pretium non vile commierentur.

De Italitis moribus quid proferam? An ne prudentiae scholam in ea regione apertam? Quod olim de attica quidam, non alibi atrociorē sicutā reperiri, vel suauius apes exuctis digestisque floribus cellas implere. Quid enim liberalius? quid nobilius? quid sanctius illa gente, vbi humanitas verbis exactae Urbanitatis & ad persuadendum aptissimis, effuse promittitur; vbi animus rerum om-

nium capax virtutem aut vitium erudite co-
lit; vbi verus amor omnia discrimina habet
infra humani fœderis sanctitatem, vbi olim
Martis, Suadæ & musarum domicilium quod
vel etiam hæc ætas excoluit; vbi mentes in-
fra tristiore prudentiam castigatæ vix susti-
nent jocos; vbi nullum curarum genus quod
diuitias promittat, nullum humilitatis speci-
men aspernantur homines longissimi labo-
ris patientes, vbi denique totius sanctitatis
religionisque apex insedit. Quid vero si sti-
lum manumq; vertamus, aut fœdus aut sce-
leratum magis excogitari potest? Illic vene-
na, illic damnata libido (quorum cum orien-
talibus plagis communicatio, ne propria nu-
jus gentis dicatur, prohibet) illic æmulatio-
nis & offensæ memoria non altissimâ tantû
mente reconditur, sed inter ipsa amicitia ju-
ra quam facilis ad vulnus, quam pertinax ad
cicatricem animus plerumque tutiore frau-
de liuorem effundit. Adeo verum est ijs re-
gionibus in quibus major humanitatis spe-
cies cernitur, truciores inesse animum sen-
sim in sæuos ritus & barbaros atque in vltio-

nis ingenium degenerantem.

Sed enim Hispanicum tumore in quem suæ naturæ sponte nasci videntur animo reptens; illis video virtutum, illis & vitiorum fontem esse. Hinc enim si disciplinam militarem, si totius reipub. administrationem spectes, corpus inedia, frigore, peruigilijs, abstinentiâ & alijs militaribus exercitijs diu facileque exercent, vix tandem frangunt: hinc reconditæ illæ mentes ad lenta consilia idoneæ, graues, peruiacæ, cum pondere quodam elatæ, & vincere sciunt & vti victoria, non subito effundere sese in diuersa, non facile abijcere quem semel infederint locum, animos primum opibus, deinde numinis reuerentiâ, quam vbique prætendunt suas illi cupiditates statim imputaturi, sibi subijcere; si vero ad studia literarum animum aduertas, sane plus illis in vituperium quam laudem cōcessere. Philosophiam enim, Theologiam, Iurisq; prudentiam nō pro dignitate & merito pertractant, cum stilo rudī & inculto multis voluminibus pauca complectantur, illaque ex auctoribus vt plurimum

inum decerpra. Denique quantum ad familiarem conuictum pertinet, sola in Hispano in maxime ridicula jactatio; non illis pompa verborum gestuumque ingrata; ideo sermionum & amicitiarum exordia per speciem mitissimæ humanitatis adornant, quos enim iisdem initijs adorsus fueris, succedentes ad fastum mutua maiestate debes excipere.

Cæteras gentes ut breui epilogo simul concludamus, ab Italis Pannonij qui & jam Hungari appellantur, vix dum abhorrent; quorum vitia artesque secuti callidis & ingentibus consilijs parique audaciâ valent, si breui duntaxat & furtiuo imperu necesse est. Ab his tam diuersi Illyrici & Dalmatæ, quos jam nostra ætas Istros Sclauosque nuncupauit, quam in diuersorum jus sceptraque deueniunt. Abs nostri seculi indole Polonia non parum decedens, cælo soloque aspero & rigente duriorē vitam suis accolis ingerit, læuioribus ingenijs prædita: gens ad ferociam & licentiam nascitur, omnis dominationis impatiens, sibi vel in religione tantummodo credens, læuire quam decipere promptior,

& in suæ familiæ laudem tum maxime intenta, cum in exteros incidit. Quantum ab his qui proxime versus Tartaros in Russia recedunt etiam moribus abhorreant, quæso ipse conijcias: hæc enim natio ad omne libertatis vestigium ferox, placida est si prematur; ita ad seruitutem facta, ut ne jugum abnuat quidem, sed nec ipsos hospites apud se libere viuere permittat. Et vero (quod seruile vitium est) non alius neccendis fraudibus aptior populus, non ad literas ineptior. Quod vero mihi supra fidem videretur nisi esset regionis genius, nunquã melius suo iudicio vxores se habent, quam cum in durum aut. sæuum conjugem inciderint.

Hinc ad orbem Antarcticum vergentibus Dania, Suedia, Nortuergiaque occurrunt; adeo olim in Europa formidabiles, ut nihil illis sanctum, nihil intactum fuerit. Iam verò ita calido potu à vino igne expresso Ceruisia, & vino ipso obrusæ, ut nec contumelias facere promptæ sint, nec pati facile queant. Non à Germanica indole prorsus alienæ, nisi quod beneficijs infamis tota passim regio est.

Ne quid tandem de Iudaico populo vagis erroribus dissipato, vbiq̃ue seruienti, nullius Prouinciæ p̃otienti, ad omnem mercaturam strenuo, corpore olenti, & per omne flagitiorum genus maxime vero fœnoris exercito dicamus; Ab his ad Turcarum ferum genus abire liceat, quod à Schitia recedens vniuerso orbi barbarie moribusque fœdissimis nimis quam dici potest infestum fuit. Rudes animos demissamque indolem, hinc scientijs mitigare, vel etiam excitare lege sanxit Mahumetes: inde adeo sibi seruire assuevit Tyrannus cui se suaque addixere; vt agros precarij iure tantum possideant, ad Principum non fundos modo, sed & Prouincias inutaturi: vt à præcipuis honoribus veteres stirpes amolitæ, puerorū cœtus è Dalmatia potissimum ex Ilirico miserabili rapina parentum sinibus abrepti, Turcarum Regi pro seminario Ducum sint atque Principium, quibus vires Imperij, corporisque sui curam tradat. Arcus & sagittæ olim præcipua Turcarum vis: sed jam ocio & torpore languent; tãti scilicet non emunt fortes esse, qui vene-

no noxijsque artibus supra mortalium omnes vitam adimere nouerunt.

Verum enim de populorum moribus satis, jam vt prudentia omni ex parte efflorescat, varios ingeniorum affectus compendio perstringamus, quos tam multiplices hominibus natura concessit, quam diuersis lineamentis per singulas ætates corpora distinxit. Primi occurrunt illi quorum promptos ac faciles impetus non imperiti modo, sed & interdum melioris literaturæ homines demirantur. Extemporaneæ subtilitatis illa ingenia, quorum pars maxima in priuatis & domesticis sermonibus regnat breui nitidoque acumine. Altera propius ad eloquentiæ dignitatem accedens sponte per omnium rerum seriem subita ac plerumque natiua oratione non tamen semper exacta decurrit. Ast quæ in primis vt plurimum non longior sapientia est, non altum & perenne ingenij flumen in his forte minime desideraretur, si tam possent tacere quam loqui: sed nimirum ille est arcani naturæ impetus, qui ea potissimum virtute vti omnibus animalibus per-

suadet, qua potissimum valere se præfentiunt: & quamvis debita vni prudentiæ bona hitum maxime occupent, cum vim suam & vitia intelligentes habili fuce se tegunt; raro tamen spontaneæ eiusmodi eloquentiæ vis Iudicij additur, quæ stilum æternitati possit commendare.

Stant ex aduerso illa ingenia, quæ etsi tardam ægriusque sequentem orationem habeant, & sicubi dicenda sententia est quærunt quid sentiant nec statim inueniunt, aduocato tamen post modum animo dum se se ad meditandum reducant, negotiorum vim idonea sedulitate pertractant, verba concipiunt quibus se aperiant vsuque scribendi loquendi & viuendi ingenium acuunt, linguam & mores perpoliunt.

Inter vtrosque medij tutissime incedunt, quibus modica inest & tempestiua eloquentia in familiari vitæ vsu nitida, non hærens aut hiulca, nullatenus turbata; sed cum tempus studiumve accesserint, elegans, venusta, verbis sententijsque illuminata. Amplas vero mentes à reconditis hac nota discriminari

natura iussit, quod illis semper nitidum aliquid & nobile spirantibus, hæ interim reu-
sæ in angustas cogitationes, ipsæ se damnent;
nunquam à timida humilitate recedere, nun-
quam extra eam quam animo suo præscrip-
serint regulam exorbitare ausæ, ad vltimam
diligentiam exactæ sunt: quamquam enim
ingens sui fiducia plurimos à Musarum adi-
tis prohibuerit, cum suarum virium robur in-
consulti spectantes, ijs eruditionis palmam
permiserint, quos natura suis dotibus non il-
lustraerat, sed ad summam totius Reipubli-
cæ literariæ gloriam idoneus assiduusque la-
bor euexit. Cæterum quam turpiter errant,
quia quod ingenium in magnis numeran-
dum esse negant, nisi quod possit & velit li-
teras capefcere; ij facile conjecerint, qui for-
mare ciuium mores, Consilijs Remp. firma-
re, eandem legibus regere virtutibusque po-
lire humanæ mentis operæ pretium esse non
omnino ignorant. hæc enim Philosophiæ, Iu-
risprudentiæ & eloquentiæ originem fecisse
nemo doctus dubitabit.

Impavidæ ad pericula mentes adeo in boni

malique confinio pari discrimine constituuntur, ut in temeritatis & fortitudinis partes, ex solo plerumque euentu aut prudentiæ antiqua opinione possint æstimari. Cum vero tenere modum potest mansuetudinisque suauitate adornari, in clarissimam virtutem assurgit, quæ ipsa quidem ab indole cuiusdam horroris reuerentiæ inijcit secum agentibus, à moderatione autem sua amoris ac beneuolentiæ radios. Porro magnum quid alieno periculo audere, humilis spiritus & adulterinæ audaciæ opus est, non alijs ferme quam medicis, aut militiæ præfectis vsitandum. At enim in suo periculo non terreri audacia, in alieno humanitas.

Constitit ex aduerso timiditatis ingenium, quod si in ignauos affectus trāsierit, omnem securitatis speciem adfectans, virtutibus ineptum est, publicis aut priuatis rebus inutile, seruis aut ciuibus suspectum cum in principum animos irrepsit: ijsdem tamen ad maiestatis securitatem præsidium: si quis autem imbecillem affectum in virtutem ita cogere possit, ut fortitudinem consilio & prudentia

arcessere liceat, prudentiæ magna pars est, utilitatis quoque interdum plenissima.

In harum quasi vicinia duæ è diametro contrariæ mentes versantur, quas sæpe (vt mortalibus nimis quam solemne est) dum vitijs nostris ad blâdimur, in virtutum nomen adoptamus, à quibus tamen longissime recesserunt. Nam superbiam pessimi ingenij fomittem, erectæ virilisque indolis titulis admiscemus: humilitatem qua nihil fœdus, humanitatis, rectæ simplicisque Philosophiæ. Priores jam vitiorum suorum, jam aliorum virtutum nescij, dum laudem non tam quarunt, quam sibi deberi reputant irrequieti, acies odio, mœrore, inuidiâ, alijsq; hujusmodi animi motibus obijciuntur, rapiuntur, perturbantur, ubique ingrati, infideles, ad omnis amicitiae specimen inepti. Posteriores vero dum nihil magni curant, his quidem magnis tempestatibus subducuntur: vtque non ad Imperium facti sunt, sic nec aliquid suis sordibus, suisve cupiditatibus ducunt indignum; langorem veterum, torporem venantur; & si voluptatibus inhiant, partis
non

non vtūtur. Si honores appetunt, acquisitis non fruuntur: si superbia eriguntur, non alio motu atrocius impetuntur; pudore videlicet atque metu insanam cupiditatem cohibente, per quos tamen anxius rumor vt enititur, à se ipso pœnas exigit. Nulla tamen ingenia pejori iudicio solemus æstimare, quàm exerta semper aliquid temere meditantia, quibus reconditas mentes sapientiæ quâdam imagine populos sibi conciliantes natura opposuit: quotus enim quisque est, qui arcano pondere sincera vel ficta prudentia suos sensus celantem, parcè nec aliter quam ex præscripto rationis loquentem, ad omne vitij nomen supercilium ducentem, nulli professo odio contumeliam aut facere, aut referre promptum, non suspiciat, non reueatur, non sibi deuincere omni studio omnique artificio enitatur? Quis ergo contrarijs omnino, non virtutibus sed vitijs & coloribus expressum ingenium, perpetuo excitatum, desultorium, erraticum à se non amoliatur? Quanquam hæc lenta grauisque tranquillitas quam modo descripsimus, vitijs ex-

cupiendis eo magis idonea videatur, quo hominum impetus à labore in iucunditatem virtutis facilius deflectit, & ociosa solitudo in quam hæc ingeniorum fors proclivis est, cuique ni caueant fœdissime acquiescunt, omnium vitiorum fomitem subministrat.

Est & aliud ingeniorum genus mira sed illaudabili varietate, cæterorum discrimina complectens: utinam tam frænum quam impetum illi natura addidisset; in omnibus nimium est. Pictatem adoriatur? supercilium induit non duraturæ sanctitatis. Libidine titillatur? non per gradus & reciprocantis utitur vices, sed in contrarium acto torrente luxum repetit quem omiserat, voluptatibusque soluitur. Amat? sed à summi amoris consuetudine velut in extrema odij turbo aliquis præcipitem daret, amorem immortalis odio commutat. Musarum suavi colloquio capitur? sed mox armorum exultans cupiditas & quæcunque præterea in contrarios motus hominum animos exagitant, illos rapiet qui se totos internæ cuidam suavitati permittunt, qua auspice quid fugiant, quid

sequantur constituunt. Non ista indoles virtutibus sed virtutum initijs facta est, non Imperijs sed Imperiorum præcipitio nata; cum nec sibi imperare, nec cuicquam parere possit.

Ad extremum humanarum passionum & motuū ap ex Amor, blanda est, ex irrequieta sensimque irrepens in animum ijs placendi cupiditas, qui nobis siue sorte, siue virtute, siue tādē nostro errore placuerunt. Quem vero ad amandum natura produxit animum, eum optimis & nobilissimis omnium qualitatibus præditum esse necesse est; non imitem, non immodestum; sed simplicissimæ virtutis speciem gerens, clementibus magnisque spiritibus adornatus: neque vindictam contemnere, neque iram donare supplicibus difficilis, pronus in poenitentiam cum ipse peccauit, humanitatis officia amans, impatiens ocij.

Vanum esset, hæc tam variè ludentis naturæ ingenia longius persequi; in quibus nemo facilius errabit contra leges Prudentiæ, quam qui ex primis hominum Iudicijs de moribus

& tota indole iudicare non morabitur. Quã multos enim Dij boni! frontis & totius corporis imago inexpertos decepit! imo nec ex vna virtute, aut altero vitio vniuersim de hominum moribus decernendum est: cum ad disciplinarum aliquam adeo felici ingenio quidam sint à natura comparati, vt in illa nulla prudentiæ signa requirantur, in cæteris omnia desiderentur. Næ ex ipsa consortij aut conuietus familiaritate non semper iudicandum: quor enim videre est qui angustæ indolis imagine, sapientiæ nomē sibi fecerunt, quod alijs magnitudo laxioris naturæ detrahit.

Adhuc præterea viuendi sorte, fortuna, conditione, dignitate vel etiam humilitate, naturæ impetus animique affectus mutantur; & exactissima prudentiæ disciplina comparatur. Nam vt à superioribus ducam initium, quam diuersas mentes diuersæ ad fastigium viæ Principibus ingenerent, in eorum affectus inspecturus ex eo facile deprehendet; quod Tyrannorum vis fortis suæ vt plurimū non genij vitio peccare soleat: illis necessi-

tas probitatem inspirat, illis erectus semper ad omnia oculus, nunc vultum immodicè austerum, nunc immodicè blandum facit; hinc spes diducit vano timore percitos, hinc atroces molestias felix successus permulcet: sunt illi in egenos effusè liberales, fidem à nemine expectant, integritatis famam amorisque in Rempub. nomen ambiunt: sed vbi nimia timoris suspicio est, quam omni ætate & memoria atrox & crudelis fuerit Tyrannica potestas, testantur historiæ. Contra vero justus Rex siue suffragis, siue nascendi sorte admotus Imperio; ipsa Majestatis conscientia erigitur, pudetque sceptro & diademate libere potentem ad ignobiles motus, aut scelestæ cōsilia demitti. Et illos quidem qui Comitibus suam fortunam debent, posterorum quodammodo cura minime tangit, adhuc hac parte priuati sunt: ideoque in has suæ familiæ curas sæpe absumpta perit eorum sedulitas, qui publicis ante virtutibus imperare meruerant sæpe vero in peiora abrepti aut veteris odii, aut æmulationis memoria suos mores corrumpunt, aut tandem æterni no-

minis cupidine nouas res moliantur, magna audent, multa aggrediuntur, immortalem ut sibi videntur gloriam comparaturi, reuera tamen Remp. & imperia æternum præcipituri. Non sic illi Reges qui perpetuam potentiam à parentibus adepti in stirpem suam eandem transmissuri sunt. Optima sane hæc regiminis formula. Hoc vnum antiquum tibi esse cupio prudentiæ præceptum, optare bonos principes pietatem esse; etiam damnare nocentes, Religionem.

Optimates deinde qui à summo fastigio primo gradu differunt, duabus quasi classibus discriminantur. Quidam enim summa suauisque amicitia principum animis inhærent: quorum ad placendum mens instituta esse debet; neue ex illo summo gradu fœdius prolabantur quam ascenderant, sæpius meminerint plus illos esse principes quam se amicos, non se Dominis præferant vel in minimis rebus in quibus aut excellere præsumunt, aut etiam contendunt, amorem ubique simulent si velint extorquere beneuolentiam; quando autem horum prima & as-

fidua cura est locum quem semel obtinuerint insistere, sic proxima sollicitudo est opes cumulare, dignitates & præfecturas adipisci, quæ si à tanto fastigio decidant, ad reliquæ vitæ securitatem durent. Alij in quibus diuisis Imperij curis Regum sollicitudo acquiescit, ita ad se trahere altas & salutis omnium curas solent, vt non tam Repub. egeant, quam suis officijs ipsa. Istud assequuntur assiduo in hæc negotia studio, alijs omnibus ipsisque interdum regibus si possunt, ab intima rerum cognitione exclusis. Vultus illis vt plurimum ad grauitatem compositi, non promiscui accessus, breuia alloquia: & si in perpetua negotiorum serie fastidio non atteruntur, egregia sane laude; si vestigium in hac immensa iuxta ac lubrica potestate tenere possunt, rectæque virtutis meminisse, summa omnium veneratione digni sunt; cœlum enim quod ajunt digito tetigisse videntur. At vero si se cupiditatibus & ambitioni permittant; non peculatus, non superbiæ, non auaritiæ mala quorum infamia graues sunt, ante de suis penetralibus exijisse co-

gnoscent, quam illorum pondere obruantur. Interim eò negotia flectunt vnde potissimum suæ dignitati incrementum allucere sperant, dumque res in quibus se plurimum posse confidunt omni diligentia exoluere fingunt, nouis nodis eas colligant, vt ex earum solutione plus gloriæ consequantur.

Iam vero quot omnis census omnisque ætatis in Principum Regijs inuenias tanquam in veris nundinis, opes, famam, amicitias laboriosissimo negotiationis genere conquirentes: hos iuuabit interdum illustri viro ad amicitiam aperto, ad persoluta & incuriosa gaudia diffuso occurrisse, cuius ductu & auspicio fortunæ fauentis auram moderabuntur, omnibus vero artificijs non seruabunt râtum, sed etiam in dies augere conabuntur. Imprimis quam plurimos amicitia complectentur, in omnibus autem vnum perpetuo cultu demereri studebunt, quem non tantum Princeps ad gratiam primæ familiaritatis admouerit, verum qui clientes insuper publicis commodis possit attollere. Vix enim aliquem ex multis reperies, qui suis opibus
alijs

alijs velit prodesse. Secundum hoc aut summo in suas cupiditates imperio, aut sedula & austerâ diligentia versatilem animum in diuersa componere, pars non vltima totius negotij est. Cæterum inconsultæ iuuentuti quæ tum maxime in proceribus amat numerari, inexperta vitia plus arrident; quando hæc prima libertas à præceptorum supercilio exiens, lasciuiæ ludorumque famam quasi in virilis nobilitatis argumentum consecratur. Ex ijs porro quos ad miserabiles vsus, vel ciborum vestiumque inopia, vel non respondentes titulis diuitiæ adegerunt, nulli infeliciores mihi videntur, quam qui anxie animos læti vultus imagine obducunt; sibi felices, si alijs videantur. Opulentorum verò animus, si in cumulas à maioribus opes nascantur, aut ipsi sensim ad diuitias assurgant; non ita frangetur quotidianæ lætitiæ sensu, vt se mirentur diuites esse; subitis fortunæ muneribus obruti: nec ita immodice exultabit, vt se se jactationis vitio tam permittat, quam qui militarem disciplinam in præcipuam laudis partem reponunt: quod

tamen ijs solet accidere, qui repente prodigæ felicitatis beneficio inundantur.

Ab aularum fastigio statim occurrit prima Magistratuum Patronorumque dignitas, quæ non virtuti amplius, sed ambitioni, gratiæ, pecuniæ, muneribus patet: quis enim amabo, Deam illam cujus vicaria fide jus dicit, gratis & ob pulchritudinem colit? Nemini cara Reipublicæ cura, maxime si cum priuato commodo stare nequeat; neque id solum, sed quòcunque odium aut spes impulerit, id tandem pro se facile quisque audet quod amicitia & muneribus primum indulserat: qualis vero modesta illa, & fucata crudelitas? longis nodis impedire productas in forum lites? infinito ac veluti Religioso ordine ad exitum causas sero peruenire? Iudicia quæ ipsi vendere palam timent sub alijs sectoribus prostituere, ministris scilicet, quos domi suæ à scriptionibus aut memoriâ retinent? Quanquam nihil fortè gratius, quam omni forensi negotio vacuum veluti in portu, modo pacatum forum, modo procellis æstuosum despecturum aliquem con-

fidere ; hosque potissimum Neptunos intueri , qui fluctum omnem suo nutu temperantes , admirabilem sui reuerentiam omnibus infundunt ; tum præsertim , cum si non liberalitate semper , saltem humanitate & honore literarum literatorumq; suscipiunt clientelam.

Ciuium indoles inter optimatum plebisque extremos limites temperata , illorum moribus participat , ad quos accedit propius. Qui Iudicum ministri praxim forensensem profitentur , plus habent doli , superbix & ambitionis ; qui mercaturam aliaque ciuitatis munia exercent , plus habent fidei sinceræ & innocentissimæ pietatis. In vtrisque vigent admodum leges amicitix , sed in istis majori integritate & constantia. Ab vtrisque optimum prudentiæ factum mature colliges ; quod cum singuli eam artem exerceant , quam nacti sunt , & sincerius familiariusque animi sensa expromât , omnia facile addisces , si vnum aliquem in vna classe seu conditione subinde excolueris.

At enim plebs velut sentina reliquorum om-

nium fece sordescit. Nam si externum Religionis cultum & variam bellicæ virtutis, vel eruditi nominis famā, quibus populi maxime mouentur, amoueris; ne virtutis quidem umbrā in eo hominum genere superesse reperias. Non sincera pietas, non perdurans virtutis honos, non erga superiores constans vel reuerentia, vel obedientia, nullæ urbanitatis leges, vix vlla virtutum cultura; semper præsentis ominationis impatiens, in nouas partes præcipitans, mox maiori leuitate & inconstantia quam in maritimis vorticibus, fidem mutant, quam nunquam seruat, quia nusquam habuerunt nisi venale, lucro enim nihil non metiuntur. Cura igitur prudentiæ non vltima, nosse vulgi genium & errores illosque deuitare; Mobilem enim & crudelem bestiam irritare, ignemque gladio proscindere vetat Pithagoras. Si semel sub jugum missi sunt, autoritate in speciem lenitatis continendi: si proprio vel alieno studio ad seditionem exardescunt, initio dissimulandum, deinde tumultum ut ignem extinguere, tandem in autores & ca-

pita animadvertere, ne impunitate in licentiam abutantur.

Restant humanæ Reipublicæ velut manus & pedes Rusticani; qui aliqua hodieque retinent prioris innocentiae vestigia. Auitæ Religionis & Imperij tenaces, simplici viuendi genere in terræ cultu assiduo virtutem magis exercēt quān norint, paruo lare contenti diuitias deliciasque suspiciunt, nec nisi moderatè ambiūt, ferme ad honestam seruitutem nati, si amari se sentierint, victimæ fiunt. Quo in genio semper alendi, si enim frœna conculcant, & sessorem excutiunt; natiuo & fere bruto impetu in ferocem elationem, tumidam superbiam, crudelem inhumanitatem abripiuntur, & domestica, interna aperta que inter pares inuidia & lites miseros exagitant.

Quibus ita summatim expeditis ad genuinam cuique prudentiam ex mira hominum varietate ingenerandam; vnum id superesse videretur, vt amoto sanctuarij velamine, in Mistarum Pontificumque mores quorum primus est ordo, attentius inspiceremus.

Verum quādo sacra hæc ausu curioso temerare nefas est, dixisse sufficiat ex ijs qui in sæculari Politia Numini deferuiunt majorum quasi gentium sacerdotes, in apice dignitatis collocatos nihil non ad splendorem, diuitias, delicias, sciētiae interdum & virtutis famam, familiæ nominisque æstimationem comparare. Non deesse tamen qui sincerè virtutem colunt, innocenti vita, aperto ingenio, literis literatisque fauenti dignos se præstent infularum honore.

Iam in inferiori gradu positi, vix tutantur se ab apertæ ambitionis avaritiæque maculis, necnon occulta in pares inuidia, nisi eliminata omni cupiditate, totos se pietatis ac doctrinæ studijs manciparint. Vtrosque in summa habere reuerentia, etiam quoties foret opportunum officiosè demereri par est; cum ob numinis conscientiam, tum ob publici Religionem; ne etiam auersos habeas vbi res & tempus omnium opem requirent. Quod in illis maxime verum est, qui seueriori voto, virtutis & scientiarum professione, hominum mentes magis in sui rapiunt ad-

mirationem: vt enim optima quæque si se-
 mel corrumpantur deterrima fiunt, ita nihil
 detestadum magis, quam eiusmodi strumæ,
 si vel sui status priuilegijs in licentiam & fla-
 gitia apertè abutuntur, vel occultis cuniculis
 opulentia, aut ambitioni artificiosè velifi-
 cantur. Nihil è contra eo hominum genere
 colendum magis aut amicè suspiciendum,
 cum sacramento suo dignos se præstant. Hi
 enim ad omne decus vel à Deo ipso effecti,
 vitæ sanctimonia, virtutum integritate, do-
 ctrinæ puritate & eminentia, morum politif-
 sima suauitate, amicitia innocentis fœdere ab
 omnibus in delicijs & veneratione haberi
 debent, vt omnibus amant esse ignoti.

F I N I S.